


А. А. Родионов

АЙДО




1959





КНИГА ДОЛЖНА БЫТЬ
ВОЗВРАЩЕНА НЕ ПОЗДНЕ
УКАЗАННОГО ЗДЕСЬ СРОКА

9 | 1182

Колич. предыд. выдач







84(2Рос-6х)б-5

X С(хак)
K55

+

Василий Кобяков

+ АИДО

/стихтар, повесть; рассказтар,/
очерк



Хак. обл.
БИБЛИОТЕКА

V

Хакасияның книга издательствозы
Абакан—1959

Филология наукаларынынъ кандидады
П. А. Троеков тимнеен.

Чон творчествозынанъ инъ чахсы сых тартынып, чайғы күннінъ сустарын прай алыш, чиит поэт позынынъ стихтарынанъ хакас поэзиязын өннінг чазап турған. Чон творчествозынанъ өзіп, аны улам сіліг идіп, чонгаох нандырчанъ.

Ағарып турған ах тасхылы,
Ах пулут чіли, көрін тур.
Атығып тұскен хар порааны
Айнынъ харағын тұлғап тур.
Көгеріп турған көк тасхылы,
Көк пулут чіли, көрін тур,
Көдірліп тұскен күр порааны
Күннінъ харағын тұлғап тур.

Пу ырны ырлап чадып, піс пілбекенъ дее поларбыс, кем аны пічікке кирген. В. Кобяковтынъ стихтары чоннынъ наа тахпахтарынанъ аралас парған полчанъ. Ананъар оларны аалларда кічіг-улуғлар хынып ырлас турчанънар.

Чоннынъох творчествозындағы чіли, В. Кобяков, иргі чуртха наа хоныхты тоғыр турғызып, анынъ алысчатханын көзіт турған.

Тағданъ ахчатхан харнынъ суу
Тадии чох получанъ ізерге,
Тарғынах күнні көрерге
Талыстығ полчанъ чүрекке.

алай ба:

Чары пёзік чулаттарны
Чарданъ сыхпас тіченънер.
Чазы кічіг чиит улусты
Чалданъ сыхпас тіченънер.
Чарданъ 'сығып чул-чулаттар
Чазыларға чайылчалар,
Чалданъ сығып чиит улустар
Чарых хоных пастапчалар.

В. Кобяковтынъ творчествозын пүкүле чалахай ыр тиирге килісче. Ол чоннанъар ыр, чоннынъ инъ сіліг, инъ чарых сағызынанъар.

В. Кобяков позынынъ творчествозынынъ чонға өзгінін пілінченъ.

Ағастанъ иткен ручкам
Азыр холымда ойналзын,
Ала соҳырли пасханым
Арга чоннар хығырзын.
Иптіг иділген ручкам
Иғір холымда ойналзын,
Иғір соҳырли пасханым
Истеніп халых хығырзын.

Ана іди сағынып пасхан анынъ стихтары чоннынъ хулаана читченъ, ағаа чуртирга, наа сағыс алынарға, үгренерге, ырлирға полысчанънар.

В. Кобяковтынъ творчествозында Хакасиянынъ прай сари көзіділген: чазыда тарап парған колхоз хойлары, інектері, Хакасиянынъ чалбах чазылары, тайфа-тағлары, чулаттары, хатығ соохтары, нымзах таннары. Олар поэттінъ стихтарында, көнъні толчатхан кізінінъ ырындағы чіли, торғы-кибісненъ чазан салғандағ көрінчелер.

Аннаңар анынъ стихтары ам даа чонға өзгіннар. Кізінінъ көнънін ам даа көдірчелер, сағызын айландырчалар.

Комсомолданъар пасchanъ ма ол алай ба кічіг пио-

нерлерге, ойын ырларын, алай ба природадағы аńь-хустарданъар ба — прай чирде піске авторнынъ улуғ чүрөе көрінчे, анынъ политическая сағызы. Прай стихтарында В. Кобяков наа чурт ўчүн Совет ўлгүзін, Коммунистической партияны алғыстал одырча. Анынъ наа нимелерін чонға читірерге харасча. Позы, чох кізі палазы, ол чох-choостарнынъ наа чуртха кірчеткеніне тынъ ёрініп пасчанъ.

Василий Андреевич Кобяковтынъ творчествозы ах қазыдағы порчолар чіли өнъненіп, че синіне читпин ирте салых парған. Андағ даа полза, анынъ творчествозы хакасский литературанынъ төстелчеткен хаалағларында іле көрінген.

Василий Андреевич Кобяков Шира районындағы Оспа аалында төреен. Пабазынанъ читі частығда, ічезіненъ он частығда халып, Вася оолах пабазох чіли Кобяков пайда хой хадарчанъ.

Мал хадарған аразында В. Кобяков пасталығ шкоданы күстеніп тоозып алған. 1926—28 чылларда ол аал аразында пасха комсомолецтерненъ хада илееде көп күлтүрнай тоғыс апарчанъ, пічік пілбес кізілерні ўғредеріне улуғ полызығ иткен.

Хасхыларны, пайларны чох идерінде араласхан, 17 частығ комсомолец ол туста уға сиргек полчанъ.

1929 чылда Кобяковты Хызылчарға Совпартшкола-зар ўгренерге ысханнар. Анынъ соонанъ Кёл пилтірі аалда избач полып тоғынған. Чон аразында полып, чон творчествозын ўғреніп, ол ырлар, стихтар пазарға тар-тылыбысхан. Ол аалда драматической кружокты устап пастаан.

1932 чылда Василий Кобяковты национальный театр-ға алыш алғаннар. Ол туста В. Кобяков көп стихтар, рассказтар пасхлаан.

1933 чылда КПСС-тынъ Обкомы аны Новосибирск-сер хакас книгаларны сыгарчанъ издаельствонынъ устагчызы поларга ызыбысхан.

Новосибирктенъ киліп, 1935—36 чылларда национальной театра ол хатабох тоғынча. Олох туста Хакасскай национальной издаельствода тоғынған. Хакас книгаларын редактировать полып, сыгарып, илееде көп тоғыс ит салған чиит писатель Василий Кобяков.

Ол туста хакастарнынъ национальной культуразы пастағы хаалағларын итчеткен. Ол хаалағларда Василий Кобяков тынъ улуғ тұза иткен.

Хакасскай литературада 30 чылларда ол инъ саблығ писатель полған. 1934 чылда ол «Айдо» тіп автобиографический повесть сығарған, 1935 чылда анынъ произведениелерінінъ «Хакасия ырлапча» тіп сборнигі сыххан. 1936 чылда партизан Н. Райковтынъ гражданская чаада араласханынанъар улуғ очерк пас салған, ол очерк алынча книгананъ сыххан.

В. Кобяков пасхан произведениялер 30 чылларда чон аразында тынъ тарап парған полған. Анынъ стихтарын, рассказтарын аалларда хынып хығырчанънар.

Ол тустарда хакас чонынъ чуртында улуғ алзығлар полғлап парғаннар, хайзы иргі онъдайлар, иргі кибірлер тасталып, чоннынъ сағызы, көнъні наа социалистической онъдайға айланчатхан. Часхыда сүр көдірілген чіли, хоныхтынъ прай даа сари хайнап, ығылым турған. Чох-чоос кізілер, хулданъ позып, пос онъдайнанъ, амыр, истіг чуртап сыхханнар. Кичеегі хорғыстығ пайхамнарнынъ ўннері, чон табызына пастыр салып, тымыл парғаннар. Олар, піреे-піреे ле, чап аńнар чіли, аар-піеер хылчанънап, түгенці күннерін пілініп чөрчткеннер. Чиит ооллар, хыстар улуғларынанъ сурбии, пірееде оларданъ тоғыр комсомолга кіріп, клубтарда тоғынып,

пъесалар турғызып, чонны наа чуртха хығыр турғаннар. Чиниттерінъ иблерінде книгалар полғлабысхан, оларға наа сағыс, наа кибірлер кірібіскен. Ортылап парған ип-чілер, ўгреніп, наа культураа хозылыбысханнар, хайзы-лары наа тоғыстарда тоғынғлап паставысханнар. Че чоннынъ көбізі ол даа туста көдірілгелек полған. Наа хоныхтынъ иркіні алнында иргі киптернінъ тозынын хахтап аларға кирек полған.

Улуғ культурнай, политической тоғыста литература тынъ полысхан. Ол чоннынъ хараан азарға, ўгренерге полысхан. Аннанъар пастағы литератураа чоннынъ чуртына прай саринанъ чағын поларға киліскен. Чоннынъ чуртына кір парған ырларны, көглерні наачылап, пастағы поэттер оларға наа сағыс кирип одырғаннар. Тасхылдағы суғларданъ улуғ ағын пүтчеткен чіли, хакас поэзиязы, чон творчествоынанъ арыг чулаттарын піріктіріп, пір улуғ чул полып ахчатхан. В. Кобяков анынъ пір чарых азырығы полған.

Василий Кобяков хайда даа полза позынынъ Хакасиязын ундубаchanъ. Ол аны Совет чирінінъ чаҳсы пулиина санаchanъ. Тöреен чир-суун инъ чаҳсы özelistig ырларнанъ адап чörченъ.

Изен, чазымай,
Алғым сарығ чир!
Хайдағ кбом мин саға кёглим?
Сағыстанъ халбас,
Оскең чирімзінъ,
Махтаchanъ сөсті таппинчам.

В. Кобяковтынъ кізее, чуртха хынғаны прай даа стихтарында, чинт оолнынъ чўреे чіли, азыра сабылып одырча.

Иргі дее хоныхты хоостапчатса, В. Кобяков хайзы писательлер чіли, кізінінъ омазын пуртах-сартахнанъ

чаба тастабинча. Хайди даа аар, блер аразында, чуртаан аның геройлары кізі онъдайын чідірбінчелер. Поэт ол кізінің омазын, сайға пастырчатхан суурахты хазып алғандағы чіли, хайраллап, чалахай көзітче. Уламох чалахай аның стихтары істенцілернің амғы чұтынанъар, тоғызынанъар. Мына «Қок одыцах» тіп стиғас.

Көл хазында пүгічекте
Көк одыцах өс парған,
Тимір сапхы тимнеп алып,
Тиньни тудып сапхабыс.
Ағбах пастығ одычаҳтар
Анъдарлып түскеннер,
Ар сообысташ нанычаҳтар
Арланиманнан чатханиар.

Природаны поэт тірлідіре, ойнада пазып одырча. Хатығ соохтың тырсласчатханын, ах оттарның сыйрасчатханын исчебіс піс аның стихтарында. Аның пасхан нимелерін, хайдағ даа ол искусственнай полза, піс хынып хығырчабыс.

Чалахай тынып,
Танычах тартып,
Чапсых сөрөнненъ
сайбады,
Чайғы күнгө
Ӧрінген чили,
Чалбах пүрлери
сарнасты.

Кізее дее күлзе, аның чалахай хылии чітпинче. Аńчы Харол хайди хараа абаның орнына позының чалғыс хара адын алчаастап атып салғанын поэт хор-мачы кізі чили хының пасча.

В. Кобяков илееде эпический стихотворениелер пашхалап салған. («Торка-чалғыс кем полған?», «Камат аға».)

«Кадустынъ чинъізі» тіп поэмада В. Кобяков наа онъдайларны чуртха кирер сидіктерні көзітче. Чох-чоос Көрек инъ хомай чуртачанъ кізі полған. Ам ол, колхоныхха кіріп, ударник полча. Анынъ оолагы Кадус, малны кічеп хадарып, ўгредігденъ ал халча. Ол чинъіс. Че ол чинъісте поэт чоннынъ сағызы ос парғанын көзітче.

В. Кобяков илееде стихтар орыс тіліненъ тілбестеп салған (Никитиннің «Ос алғаны», А. Безыменскийнің «Большевиктер» тіп стиғын).

В. Кобяков тілбестеен орыс чонынынъ «Хызыл пұғдай» тіп ыры хакастар аразында тынъ тараپ парған полған.

Хызыл пұғдай таараабыс,
таараабыс,
Пастыр чөріп таараабыс,
Хызыл пұғдай типсирбіс,
типсирбіс,
Пастыр чөріп типсирбіс.

Кем пілбинче пу ойынны?

В. Кобяков өнъ-лазы таланттығ кізі полған. Аалларда пос онъдайынча иткен спектакльларда, ананъ национальный театрнынъ тоғызында аралазып, ол сцена кирегін чахсы ўгреніп алған. Соонанъ ол пьеса пас салған. Аны театр тузаланаарға манънанмін халған.

Че В. Кобяков піске илееде прозаической произведениялер халғыс салған. Олар литературанынъ дзеріне улуг туза полғаннар.

«Айдо» тіп повестьте көбізін автор позы көрген, позы сынаан нимелерні чахсы көзіт салған. Мында хакас чох-чоостарнынъ революция алнындағы аар чуртазынанъар ананъ революция соонда совет ўлгүзіне тартылып пастағы хаалағлар итчеткені чалбах хоосталған.

Повесттінъ ортызында — чох-чоос кізінінъ оолагы.

Пасха нимелер оолаҳтынъ көрген хараананъ хоосталчалар. Айдо Якын пайда, аナンъ Кадус пайда чөріп, чох-чоостарнынъ улуг пазығда чуртапчатханын сизініп, пасха сағысха түсче. Позына той кізілерненъ чоохтазып, анынъ сағызы алғып одырча. Пола-пола килгенде, Айдо позы даа чахсы сизімін хызыл күресчілернінъ полысчызы полыбысча. Че ол ла нимес повесттінъ содержаниез. Мында илееде кізілернінъ чұрты көзіділ парған. Кізілернінъ образтарын көзітчесе, автор чабал чахсынынъ ікі ле хырииң көзітпинче. Мында прай тіріг кізілер. Ағаа хоза ол образтарны киртіністіг событиелерде пасча. Аннанъар оларны піс пүкүле көріп одырчабыс. Якын пайліске позынынъ чабал хылиин уғаа хынығ киртістіг эпизодта сыйғарынча. Чылығ чүрекненъ хоостал парғаннар чох-чоостар Чабус, Торка. Оларнынъ даа чахсызын піс конкреттай эпизодтарда көрчебіс. Полған на образтарда писатель чахсы, киліскең öнъніг сөстер таап, оларны пілдістіг иде пиріп, алғыдып пасча. Хығырығчылу повестті ам даа хынып хығыра.

Ол повесттінъ пасха, В. Кобяков кітіг рассказтар пас салған: «Мылтых табызы», «Қазан», «Пасха кізінінъ аньмары» ан. пас. Пу рассказтар ідőк хынығ пазылғаннар. Олар хакас чонынынъ иргі чурттанъ наа чуртха иркін алтапчатхан тузындағы нимелерденъер чахсы чоохтапчалар.

«Мылтых табызы» рассказта гражданской чаа тузында күстіг чарых сағыстығ кізілернінъ бандаларға тоғыр хайди тын аябин күрескеніненъер чоох апарылча. Рассказтынъ геройи, секреттай піcік ахтарға кірбезін тіл, палтылығ ла Кулаковтынъ сүмекчілерін илееде пытарат салча. Че чабал ух анынъ тынын ўс салча. В. Кобяков хакасской литературада пастағызын на пайлске андағ хынығ, чахсы содержаниеліг рассказтар пас салған.

Писатель нимелернің тастын на хоостабинча. Полған на событиені художественнай онъдайнанъ, кізінің обраztарын хынығ сюжет пастыра көзітче.

«Казан» тіп рассказта хакас чонының алындағы чуртын Казан апсахтынъ образынанъ піс чаҳсы кörчебіс. Ам Казан Совет ўлгүзі тузында, сағызы толып, истіг чуртапча. Пірее-пірее ле аға ирткен нимелерденъер аар сағыстар кірглебісче.

...Пірсінде чалғыс ла адычаананъ чалға чёріп, ибінзер нанып одырған. Чох чуртас хайди кізіні соохха тонъдырып, астанъ астадып сүр чörче... Ам ол сағын папир, хайди, ибіне кірзöк, чіченъ ниме сурып, палалары чапсынысхлирлар, ипчізі суғлан парған хараананъ ниме-де сағаан чіли кör тураг. Ол полбаста чаланъ кізілер киліп, позын кидер идібізіп, адын мүн чörбістілер... Ана іди хыялға кірченъ кізі. Аны автор пір кізінің образында пілдістіг иде хоостапча.

«Пасха кізі аньмарына»— андағох чылығ сағыстығ, тиліг, психологическая онъдайнанъ пазылған рассказ. Алындағы онъдайнанъ аттығ ас кисчелер. Тоғысчылар тоғысты тоозыбызарға тіп манъят сіренісчелер. Ам оларның істінде тамах аларлары іле пілдірче. Тоғын-чатхан ээзі кізі дее чаҳсы кізі, аға хоза, сала туған арах. Амды олар аның ибінзер пардылар, тоғын-ған ўчүн ас аларға тіп. Ам чоохтас парирлар. Чоохтаза-чоохтаза килгенде, пуларға пір дее ниме читпин парды. Аナンъ улуғ ачығда ник ханъаалығ соплат парирлар. Ана андағ хынығ пазылған сюжетте піс алындағы чуртынъ социальний сарин чаҳсы кörчебіс.


В. Кобяков Райковтынъ, хызыл партизаннарнанъ хада чёріп, Колчак тузында ахтарға тоғыр күрескеніненъер улуғ очерк пас салған. Аны даа хығырчатса, В. Кобяковтынъ писательской узы чаҳсы кörинче.

В. Кобяков художественнай хоостас наа ла азахха турчатханда пасхан. Че андағ даа полза, анынъ художественнай культуразы илееде алғыбысхан полған. В. Кобяков кізінің образтарын онъ-пазы онъдайнань хоосталча. Ағаа хоза рассказтарда оох-теек нимелер, природаданъар пейзажтар, кізінің кип-азахтары художественнай деталь полып араласчалар. Аннанъар хоостапчатхан нимелері піске чахсы пілдірче. Ам Айдо оолаҳты алып аланъар. «Анынъ ніскечек мойнычағы халбах нөріктіг пазын тіреп, сұдабин, хойраларға хынчатхан ғили көрінче. Анынъ инънінде чабал чыртых тонычағ. Аны даа нанъмыр сууна нинче-нинче хати сығибас, анынъ соонда сығдыры хатып парған».


В. Кобяковтынъ произведениялері чахсы, ётіг тілненъ пазылғаннар. Тіл саринанъ анынъ хайзы произведениелері ам даа чахсы көзідім полар. Рассказтарны хығырчатса, кізі писательнің чахсы «хойығ» тіліне чалсып одырча.

Пу сығарылчатхан книгада піс В. Кобяковтынъ прай пасхан нимелеріненъ чахсызын таллап алғабыс. Пістінъ сағызыбыста хығырығчылар пу книганы хынып хығыр саларлар. Амды босметкен чиит аргыстарға пістінъ писательнің сіліг пасхан произведениялері ирткен чұртты пілерге улуғ тұза пөлар.

П. А. Трояков.



Emudmap




ЛЕНИННЕҢЬЕР

(хакас ыры)

Ах тасхыл чох полған полза,
Ағын сүр хайданъ килерчік,
Арғыс Ленин чох полған полза,
Арғыстас хайданъ пүдерчік.
Көк тасхыл чох полған полза,
Көглем сүр хайданъ килерчік,
Күлүк Ленин чох полған полза,
Колхозтар хайданъ пүдерчік.
Ах пулутты азыра парчанъ
Азыр ханаттығ аэроплан,
Аар пазығны анъдарарына
Арғыс Ленин ағылған.
Көк пулутты азыра парчанъ
Күстіг ханаттығ аэроплан,
Күс пазығны анъдарарына
Күлүк Ленин ўгреткен.
Арғал чонны аарлығ хоныхха
Алданъ партия пастапча,
Аарлығ Ильичтінъ илбек кирегі
Алғып чонда тарапча.

1932 4.



КОМСОМОЛЛАР-ОЛҒАННАР

Ыр хозымы:

Хости пазып, тинъе чёріп,
Комсомоллар-олғаннар! 2 хати.
Коммунисттер тоғызына
Құс хозарға тимдебіс.
· · · · ·

Ыр хозымы:

Чаалап алған Совет ўчүн,
Чааларданъ чалтанмаспыс.
Чалцы күзін пасчанънарданъ
Чалтанмаспыс күресте.

Ыр хозымы:

Тимір молат мылтиибысты
Тиліг холға тударбыс.
Тиксі чирнінъ пайларынанъ
Тизіп төдір чёрбеспіс.

Ыр хозымы:

Чаалазарға хынминчабыс
Чаага тёйле тимдебіс.
Хана тоспас ыырчыларны
Хара чирге порирбыс.

Ыр хозымы:

Хости пазып, тинъе чёріп, 2 хати.
Комсомоллар-олғаннар!

Хызылчар С. Р. С. 1932 ы.

ТОРҚА-ЧАЛҒЫС КЕМ ПОЛҒАН?

Тыттығ хырнынъ чазылары
Тірілбиненъ тірілче,
Таарып салған чирнінъ паары
Талай чіли көрінче.
Хан ўлгүзі турған туста,
Халсарығ ла от ёсченъ,
Халых чёрбес ол чазыда
Харсаҳтығлар чол салғанъ.
Тыттығ хырнынъ чазызында,
Тарап, оттап, мал чёрченъ,
Тооп, халтырап, мал хыринда
Торка-чалғыс пас чёрченъ.
Хас тигір порастанып,
Харлығ пурғун ойлаачанъ,
Хадарчынынъ харны астап,
Харах чазы ах чёрченъ.
Хырна тері тонычағы
Хысхы соохты тутплағанъ.
Халын маллығ пай Харолданъ
Хынығ choохтар испеченъ.
Хызыл Октябрь, чиде түзіп,
Хыя тастаан пазығны,
Хыстырғаннар пірігібізіп,
Хыра сапхан ырырчыны.
Чаа, таластар тохталғанда,
Чох-choос ўлгү турғысхан,
Чатхы саннығ чалбах чазы
Чалчыларни пол парған.
Күўлел-салап тимір хара ат
Күбүр чирні талабысхан,
Күлүк хара ат чёрген чирде

Күрөнъ пүгдай ас пысхан.
Мал хадарчанъ Торка-чалғыс
Мында устап-пастапча,
Манъат хынып ол тоғысты
Марғызахтығ апарча.
Чітіг анынъ хараҳтары
Читпес нимее чит чёрче,
Зағыл чөрген ырыңыларданъ
Чарадии чох күресче.

1932 ҹ.

ПИОНЕРЛЕР

Пістінъ назыбыс кічіг дее полза,
Позыбыс хынып солепчебіс,
Прай күреспеке тимде поларга
Прай күзібіс тинъе саларбыс.
Комсомол піске чол пүдір салған,
Кічіг, Октябрь олғаннарына,
Комсомолбынанъ тинъе турабыс,
Көгліг парапбыс Октябрь ўчүн.
Кічіг позыбыс ойнап таа чөріп,
Киректіг нимее ўгренедірбіс,
Кемнінъ дее полза алнында турып,
Киректіг сөсті солеп пирербіс.
Октябрь айнынъ көгліг күнінде,
Санъай халыхнанъ піріге сығарбыс.
Сиргек комсомол харындаспынанъ
Соона халбин хада пастырызарбыс.

Абакан 1932 ҹ.

КӨК ОДЫЧАХ

Көл хазында пүгіцекте
Көк одычаҳ ёс парған,
Тимір сапхы тимнеп алып,
Тинъни турып сапхабыс.
Ағбах пастығ одычаҳтар
Анъдарылып түскеннер,
Ал сообыстанъ нанычаҳтар
Арланминанъ чатханнар.
Күтгдүр-хағдыр хуруғ отты
Көпен иде ўгебіс,
Кипти сузып сзыронанъ
Кизектерге тастаабыс.
Ханъаа, соорға таарлап киліп,
Хазаабысх тартхабыс.
Көк інектер, ах інектер
Көк от чибес тосханнар,
Көнектерге чых толдыра
Күйлеме сүт пиргеннер.

ХАКАС ПАРТИЗАННАРЫНЫНЪ ЫРЫ

Ағарып турған ах тасхылы,
Ах пулут чіли, көрін тур,
Атығып түскен хар порааны
Айнынъ харагын тулғап тур.
Көгеріп турған көк тасхылы,
Көк пулут чіли, көрін тур,
Көдіріліп түскен күр порааны
Күннінъ харагын тулғап тур.
Ағаснанъ иткен саналары
Алтанып мүнер ат полар,

Ағазы хойығ тайғалары
Аралы хонар чир полар.
Игірлеп иткен саналары
Изэрлеп мүндер ат полар,
Илбек ағастығ тайғалары
Иртісте хонар чир полар.
Арғал чабалы бандаларны
Ах тасхылдағылар тидірлер.
Ах Үйіс пазына сығып олары
Анда хыстапча, тидірлер.
Хартыға чіп тоспас Соловьевты
«Ханым» тасхылда, тидірлер.
Хан ісченъ чонын хоғдыр парып,
Хыстал чуртапча, тидірлер.
«Ханым» тасхылның ўстүне піс
Халых чөнмынанъ сығарбыс,
Хасхы Соловьев чонын піс
Хатығ ухпынанъ тоозарбыс.
«Тигір тізінінъ» ўстүне піс
Тирігліг чоннығ сығарбыс,
Тискін Соловьев чонын піс
Тимір ухпынанъ тоозарбыс.

1983 4.

ЧАЗЫДАНЬАР ҮР

Изен, чазымай,
Алғым сарығ чир!
Хайдар кёём саға
мин кёглим?
Сағыстанъ халбас
Оскен чирімзінъ,
Махтаchanъ сөсті
таппинчам.

Сині сағынзам,
Орінібісчем,
Учух парғадағбын
сизер.
Чалбах чайылған
Сіліг қазычанъ,
Аарлығ кибісненъ
төзелген.
Олған позымда
Мин көбőк чöрдем,
Хустынъ табызын
кöп искем.
Син часхар туста
Чазанадырзынъ,
Кöк порчоланып,
күлініп.
Үрде дее нимес,
Пайнынъ малына
Хадарығ полған
одынъда.
Амды, қазы, син
Советти полдынъ,
Мал колхостарни
килібісті.
Азых пиrігci
Син полчадырзынъ,
Алтын азынъ
колхозтынъох
Ырах тaa чирденъ
Чулаттар килче,
Нaa кöглер сағa
кöглезіп.

Новосибирск 1934 ч.

МАЙНЫНЪ ПАСТАФЫ КҮНІ

Күннінъ харагы, сағылып сыйып,
Қоқ чирнінъ ўстүн чарытты.
Күүлек танмынанъ сыйыри тынып,
Қоғліг Майнынъ күні читті.
Хыймырап, танға толғалып киліп,
Хызыл флагтар чайылча.
Хыри-пазы чох түн тайға чіли,
Халых чон чөріп ығыпча.
Сабылызып турған хызыл флагтар
Сағыс чүректі хайнатча.
Сағып тимненген Майнынъ күнінде
Санъай чир ўстү усхунча.
Тоғылах чирнінъ тооза сарина
Тоғысчы хыйғызы чайылча,
Тоғысчы күзін салдаchanънарға
Түгенді чыллар чидісче.

Новосибирск 1934 ы.

ХАР ПОРААН

Хатығ аястынъ амырын
Хазыр чил түзіп сайбады,
Халын төзелген харларын
Хар пораан идіп пулгады.
Қоғілбей тигір төзінде
Күннінъ харагын көлетче,
Қолем чирлернінъ істінде
Қомек тағларны ўглепче.
Хырнынъ пәзиинче көмектер
Хыралығ чирге тасталзын,
Хызыл талайли пұғдайлар

Хырада турып чайхалзын.
Чалтынънап аххан харнынъ суун
Чалбах хырада чаянъар,
Чахсы тимненіп хыразар
Часхы тоғысха сыйғанъар!

Новосибирск 1934 4.

ЧАЙҒЫЗЫ ЧИТЧЕ

Алтон салаалар
Азырайбинанъ,
Арбах харагайлар
öсче.
Азырли хойығ
анаҳтарынанъ,
Айдас күн чарин
кölетче.
Кök чібек кипненъ
тонан салабас,
Күдүр харагайлар
öсче.
Кöп азырларын
ағбайтыбызабас,
Күннінъ чарығын
кölетче.
Чайғы күн iкi
чарным пызырып,
Чылиина сыдал
полбадым.
Чағын ағастынъ
тöзине парып,
Чалбах кölеткее
чазындым.

Чалахай тынып,
танаңда тартып,
Чапсых сёрённенъ
сибады.
Чайғы күнге
öрінген чіли,
Чалбах пүрлері
сарнасты.
Көлбейіп ёскен
оттынъ тамыры
Кök чібек полып
төзелче.
Күрлейіп чатхан
пу чирнінъ паары
Күр чорғаннанъ
сöргенче.
Чалтынъап ёскен
чаҳый порчолар,
Чазағлығ хыстар
осхастар.
Чарых хоосталызып,
мондылыс турлар;
Чайбанъазып,
күлін турлар.
Чичек¹ порчолығ
чазы оттары
Читіре хойығ
ёсчелер.
Чайғы тоғысгынъ
бригадалары,
Сапхы, машина

¹ Чичек (кач.) — коп ах порчолар.

тимненъер.
Хаарылып, хурып,
харға кіргенче,
Хазаға чынылып
чатсыннар.
Харлығ хысҳыда
колхоз малына
Хайраллығ азых
ползыннар.

KAMAT AFA

Ағастығ хырнынъ олиинда
Арғыстас малы тарап чёр,
Ағарған пазы чалтырап,
Ағам Қамат мал хадар чёр.
Алтанып чөрген тораадын
Ах ёлень отха позытты,
Аяс тигірнінъ алтында
Асталдырбинанъ кёг салды.
Алтон азырлығ ағын сүғ
Ах тасхылданъ килді ни,
Ахчаданъ аарлығ чиит тузым
Ачын пайларда иртті ни.
Иліг азырлығ ағын сүғ
Илбек тасхылданъ инді ни,
Истенъ дее аарлығ чиит тузым
Ирлік-ханнарда иртті ни.
Тағданъ ахчатхан харнынъ суу
Тадиң соҳ полчанъ ізерге,
Тарғынах күнні көрері
Талыстығ полчанъ чүрекке.

Хырданъ ахчатхан харнынъ суу,
Хыныс чох полчанъ ізерге,
Хызалаң күнні көрері
Хыныстығ полчанъ чүрекке.

Сайлығда сайлығ пу чолнынъ
Сайын арали сүғ ахты,
Совет ўлгүі турғали,
Сағыс-пілізім хозылды.

Хұмнығда хұмнығ пу чолнынъ
Хұмнын арали сүғ ахты,
Хызыл Октябрь читкели,
Хыныстығ күнім чарыды.

Ах назынынъ порчолары
Аксах таа хойны ойлатча,
Аарлығ чуртазым колхозта
Апасах позымны көбктірче.

Көк назынынъ порчолары
Көдірткен хойны ойлатча,
Көгліг чуртазым колхозта
Кири позымны көбктірче.

Чарых хоныхха читкенде,
Чатпас таа осхас пу позым,
Көгліг хоныхха читкенде,
Олбес тее осхас пу позым.

Азыр мүўстіг пу малларны
Анъынъ ахсына пирбеспін,
Аарлығ чуртым-колхозым
Аллығ сабланзын пу чирде.

Игір мүўстіг пу малларны
Иттінъ тізіне пирбеспін
Истіг чуртым пу колхозым
Илбек сабланзын пу чирде.

Новосибирск 1935. 4.

ТАСХАЧАХ

Басня

Тасхацах хысхи хараада соохха тоопча.
Тал ағастың пазында тарбайбысхан одырча.
Түмзин ол идер-тудар чир таппин,
Тұхрай киліп ханат алтына сухса даа,
Чылыбинча.

Соохха тооп сыдан полбаанда,
Чоохтанып, чобалып ол пастанды:
«Адыр, танъда танъ чарызох,
Ағастың арбахтиин таллап тапсамох,
Манъят арах чылығ уя
Чазап албаанда чарабас.

Мындағ иреені көріп, піді чуртап полбас,
Саасхан уязына кіріп солынарчыхынъ,
Саасханнар, сайразып, чыл килзелер,

Оларға сохтырчазынъ.
Татай... Халах, чуу!.. Чох, полар амды,
Халтырап сыдан полбас.
Танъдох хайди даа уя чазирға».
Кöгер киліп танъ чараанда,
Кöстел киліп күн сыхханда,
Улуғ харахтығ тасхацах чылып парған.
Уя чазирын пазох ундуп салған.

Тасхацах осхас ундаачы кізілер
Табыларчых пістінъ дее арабыста, нанчылар.

1937 4.

ХУЗЫЧАХ

Сыбдар-сабдыр хузыцах
Сырып пазында хонадыр,

Ханадағын чазабас
Хаал пазында хонадыр.
Хысхы читсе, хузычах
Хызалаңъ чирге солынча,
Часхы читсе, ёрініп,
Чазы чирге учухча.

АНЬЧЫ ХАРОЛ

Ай хара адына алтанып,
Анънап тайғазар ол парған,
Анънығ тайғаа чидіп алып,
Адын күзедіп ол хонған.
Анънынъ чабалы чоон аба
Ағас арали сых килген,
Ағас салаазын хычырада
Азахнанъ типсеп килиген.
Хынығып узир уйғу даа
Хырых пасха толап парған.
Харол атығчы ол туста
Хырлығ мылтиина чапсынған.
Чарын аразы сыстаанча
Чаза парбазын тіп көстенеен,
Чағыннап килген абазар
Чалыннығ ухты позытхан.
Тайғанынъ істі танырыап,
Тағнынъ янъызы чайылған,
Тарғынах тыннианъ ахынънап,
Тағнынъ абазы анъдарылған.
Атығчы Харол атханда,
Анынъ ух чаза парбачанъ,
Абаа даа полза теңеңде,

Андархызы сурылбаңанъ.
Атар таң атып чараанды.
Арығ күн хараа сыхханда,
Атхан абазын сойарға
Айъчи Харол андар парды.
«Чазынарға даа манънамады,
Чахсы тенъенде», тіп парча.
Чағдада киліп көр турза,
Чабас хара ады туу чатча.

ЧИНЬІС

(Колхоных чииттерінің ыры)

Чары пәзік чулаттарны
Чарданъ сыхпас тіченънер,
Чазы кічіг чиит улусты
Чалданъ сыхпас тіченънер.
Хыри пәзік чулаттарны
Хырданъ сыхпас тіченънер,
Хысха частығ чиит улусты
Хулданъ сыхпас тіченънер.
Чарданъ сығып чул-чулаттар
Чазыларға чайылчалар,
Чалданъ сығып чиит улустар
Чарых хоных пастапчалар.
Хырданъ сығып чул-чулаттар
Хыраларға чайылчалар,
Хулданъ сығып чиит улустар
Хынығ хоных апарчалар.
Арбас-турбас тимір аттар
Ах чазыда кістесчелер,
Артых чөптіг чиит улустар

Арғыстас тіп киптепчелер
Кök от чібес тимір аттар
Кök қазыда кістесчелер,
Кöгліг чоптіг чиит улустар
Колхозтарны көдірчелер.
Чарых ўнненъ көглезенъер
Чалым хая күүлеп турзын,
Чарыспахти істененъер
Чабал ыырчы сайбал турзын.
Хынығ ўнненъ сарназанъар
Хызыл хая күүлеп турзын,
Хынып киліп тоғынанъар
Халған ыырчы хызырылзын.

АТТАР ЧАРЫЗЫ

Кöрдек се, кöрдек,
килген арғызым,
Кöбөк тее сіліг
аттар парилар.
Тимір халыхха
тинънеп ургандағ,
Тинъ пір пүдістіг
маллар полтырлар.
Тағнынъ кииктері
тынъ сіліг анънар
Тайлыхпин чапчанъ
ойлазадырлар.
Таназы чітіг
пу сіліг маллар
Тағнынъ киигіненъ
пір дее халbastар.

Маннап ёскірген
чүгүрік маллар
Манъат артығын
пілеріненъер,
Марғыс чарысха
килділер олар.
Ала күркүлер
учуххан чіли,
Азагы чүгүрік
аттар килирлер,
Азах күзіненъ
алнын пылаза,
Айланыс чолны
типсеп килирлер.
Хатығ түйғахтар
хази тепкенде,
Хара тобырах
толазып одыр.
Чилге салтырып
чилін сығырызып,
Чібек хузурухтар
чайлызып одыр.
Халых колхостар
хайраллас маннап,
Ханнығ малларны
көптелдірчелер.
Хакасиянынъ пис
чыл пайрамын
Халын чидігліг
ам иртірчелер.
Көрерге сіліг
öкөр хулуннар
Қорбечік полып

чудабазыннар.
Кöп малнынъ ээзи,
совхоз-колхозтар,
Кöгизіл малны
маннап тудынъар.

БАЙКАЛ КÖЛ

Кöктер тигірге кöріндес полып,
Кöгер турчазынъ, Байкал кöл,
Күннінъ жараана чада сусталып,
Күмүске тойзінъ, чарых кöл.
Кöдіре пöзік синінъ тағларынъ
Күүлес турчалар тан сапса,
Кöрерге сіліг синінъ хыраларынъ
Кöбіктелчелер салғахха.
Ханалар осхас пöзік сыннарынъ
Халын тайғананъ чабынтыр,
Хазып тобырған хая-тағларынъ
Хайхатпастағ даа полбиндыр.
Хая-тағларнынъ хырых откізін
Хара паровоз ѡтілче,
Халын тайғалығ пирік сыннарға
Хыйрызын чайып чүгүрче.
Ханнынъ тузында халых албатаа
Каторга мында ғолтыр ноо,
Хазах пиктерге сүріг ұзығда
Халых чобатхан чир пу ноо.
Улуғ Байкалны хасты субада
Улуғ паровоз ойлапча,
Узада парған анынъ чолынча
Узубин-чатпин хоолапча.

1935 4.

ХЫСХЫ ХАРАА

Чағбынанъ урған чарытхым
Чарланып көйді алнымда,
Чалбах харааны тобырдым,
Чадын килбеді позыма.
Успіненъ урған чарытхым
Угденънеп көйді алнымда,
Узун харааны тобырдым,
Уйгум килбеді позыма.
Агаснанъ иткен ручкам
Азыр холымда ойналзын,
Алаchoхырли пасханым
Арға чоннары хығырзын.
Иптіг иділген ручкам
Иғір холымда ойналзын,
Иғір choхырли пасханым
Истеніл халых хығырзын.


1935 4.

ЧАСХЫДА


Часхызы чидіп,
Чалбыри түсті,
Чарых күн амды
Чалтынънабысты,
Чазынынъ істі
Чазалыбысты.
Чазы істінде
Чохchoхай хустар,
Чачырап киліп,
Чара учухчалар.

Чалтынъ хамахтығ
Чапчанъ олғаннар
Час оттығ чирче
Чарыслапчалар.

1935 ы.



Aúðó
nobismo



ЧАЗЫДА

Ол полған ирте часхыда. Чазының, тағнынъ харлары хайылып, өзен-чіленънерге, оймах-осхылға чылтурған туста. Чазының істінде түдүнніг киі көгеріп, күске өртіненъ ойнан турған. Часхы күннінъ харалығы, чылығ тынызын чайып, күлімзіреп турча. Наа килген торғайахтар қазы ўстүн көглендіріп сарнасчалар.

Ах бленъ оттығ ах қазы, ала кибіс тартхан чіли, найрап турча. Ах қазының сыххан оды, чібек сасхан ос-хас поладыр, че амды, ирте часхыда, аның оды хысхы соохты тобырганда, хуурта тартып, сарғал парған. Анда-мында кизек көмек харларның алтынанъ, чирденъ көк одычахтар көрінглеп одырчалар паза, ағбах састьғ кізінінъ састьары чіли, чыланъ оттар ағбайызып одырлар. Ол қазының ортызында кизек чұртыцах ҳаралып одыр. Пір заплотнанъ иткен тураташ паза аның хыринда тыт ҳахпазынанъ чапхан анъмарах тур. Аннанъ пасха ол арада улуғ ачых хазаа. Ол қазы ортызындағы кизек чұртыцах Яқын пайның хойы турғанъ заимказы «Чазы көл» полча. Яқын чылның хойын ирте часхыда хадарчыларына пеер ағылдырадыр.

Заимканың алны-хыри паза ўстүнсари хыри тло-

лығ, састьғ чир. Алтынсаринда улуг нимес көлічек. Ол кёл анда турған малның суғады полча, аннанъар ол заимканы «Чазы кёл» тіченънер.

Айдо, он частығ оолах, ах öлең оттығ ах чазыча, чая тастаан хазых чіли, іскеркі тағзар тари сых парған улуг бёрліг хойның соонанъ пір алтап турып, ікі алтап турып, пастыр парча. Аның ніскечек мойнычағы халбах пörіктіг пазын тіреп сыдабин, хойраларға хынчатхан чіли көрінче. Аның ینнінде чабал чыртых тоныцах. Аның даа наңымыр сууна нинче-нинче хати сыйибас, аның соонда сыйдыри хатып парған. Тонының алны-кисті пілдіс чох пола изел парған. Азахтарында улуг, улти чох ипчі кізінің маймахтары холтанънас чörче. Хонъалтах маймахтарын түрейіненъ киндір пағанъ поостанғлап салған.

Айдоның соонча түгдүр түктіг Чохырах, тігдер-мындар тінъзіленіп ойлап, полған на нимені чыстағлап, чортыр чörче. Аның чарых хулахтары, хысхы пörіктінъ хулахтары чіли, халbastанғлапча.

Айдо, күннінъ-танъның ыраххы иртенненъ харасы иирге читкенче, пу ла бёр хойның соонанъ чöріп, ўзінčі чылы парир. Аның, чазыда, тағда чöріп, чазы киизінің амырын сайбал чöрченъ түгдүр. Чохырахтанъ пасха пір дее аргызы чоғыл.

Чохырах чазыда чörче, Айдоның ізестіг аргызы. Ол, амраа читкенче, Айдонанъ хада мал хадарып, хара хойларны ачын анъының ахсына кірерденъ кöп арачылыдыр.

Іскеркі «Айлах» тағның идеғіне чағдибас, нандыра айланабас, позының килген чирін көріп, турча. Чазы ортызындағы кизек чұртыцах күске öрті ойнаанына піддрайп көрінче. Ол пірееде кöк киннің аразында чайтын сүфның ортызында турған чіли көрінібісче. Айдо,

андартын иртөн сығып, андар иирде ле айланча. Анда килзе, Айдоны хыр пастығ Камат апсах алындағы иргі кибірлерні chooxtaғlap чүмертедір. Паза даа аннанъ пасха чапсых-чаланъ ниме истечоғыл. Че мында, назыда чөрғенде, анынъ chooxtaschanъ кізі ғоғыл. Ағаа эріністіг. Ол амды сағызына ниме кірзе, аны тахпахха киріп, ырлап чөрче:

Тайман хара хойычаам
Ікі палазын хоғдыра чөр.
Тамның отты оттап алып,
Палаларын, эмізіп, азырап чөр.
Күн харагы тигірденъ чарып,
Чазының ўстүн чыллыт тур.
Хоос табыстығ торғайахтар
Чылығ чирденъ килибізіп.
Орінізіп ырласчалар.
Олар амды уя казап,
Палаларын сығарып өскірерлер.

— Ай-а-ай, хамалар! — хойларынзар көріп, хыйғанах табыснанъ хысхырыбысча. Хылчанънап көрзе, «Айлах» тағнынъ олиинча пір чаланъ кізі сайбыр пазытнанъ тайдырып одыр. Ах азахтығ хызыл тораат мүнген, хысхачах сарығ тоннығ кізі көрледе ғағди килиген. Хола хазағ-лығ иргі ағас ынъарчахтынъ¹ ўстүнде пір хырина хыйын арах одырыбысхан килир.

Айдо, сит таяғына көксіненъ чөленіп, чаланъ кіздінъ харагын албин кёр тур.

Паяғы кізі Айдоның тузына читкенде, адынынъ ах-сын сала тохтада тарта тудыбысқан. Ах азахтығ тораат, тимір сугулиниң күзүрдеде тайнап, тохти түскен.

— Э-эзэн, айол! — ат ўстүненъ таныс нимес кізі кү-лініп арах суулана түскен.

¹ Ынъарчах (кач.) — изер агазы.

— Изенёк, — Айдо нымзах табыснанъ нандырған.

— Хой хадарып хаалап тур одырзынъ, я? — ибіре хылчанънабызып, сурған чіли тапсаан таныс нимес кізі.

— Хадарчалабын, — тіп, таяғынанъ чир сасхлап. тобін көрібізіп, нандырған Айдо

— Кемнінъ хыйы полчанъдыр мынча көп?

— Яқыннынъ хойы, — нандырған Айдо, хойла-рынзар харах тастап.

— Э-э-я-я... Піледірбін... Ол Питро Якызы ла по-лар чи?

— Іа, ол, — чарым табыснанъ тапсаан Айдо.

— Э-эк, түзіп, тамғы тартып аларчых нимезе,—паяғы ачых тінін ат пазынанъ сол хырина азыра таставызып, түзе хонды. Анынъ азахтары аттынъ ікі мыхтызына ипти, биетін эген ниме чіли. хойралғлап партыр. Хара кіңігденъ сығара ат ўстүндеге чөргенде, азах таа хой-ралбин хайдар парап за.

— Син тамғы тартадырзынъ ма, айол? — сурча Ай-доданъ.

— Чох, мин тамга даа ўгренмеем чи.

Ікölенъ, амбы удур-тöдір айланызып, чирге нанна-на чадып алдылар.

Паяғы кізі хойнынанъ ханъза-хапчых сығарабас, саптығ тамғыны чис пастығ ханъзазына тыхтап чада парған. Анынъ сіміскеліг күрөнъ сырдайы, часхы чилге салтырып, торылғлап парған. Хысқы сөзхтынъ танъма-лаан орыннары сырдайында алынча пілдістіг.

— Син хайданъ паризынъ? — сурча Айдо.

— Мин.. бёр чылғы кілеп парчам.. Кичеे хараа кү-зедігденъ позыдыбысхам, хаамалар хайдар толғабыс-тылар полчанъ Син пірее чирде онъанаан ноо полбинъ?

— Таанъ... Чылғы даа көрінмеен, — нандырды Айдо.

— Син кемнінъ чылғызын хадарчазынъ?

— Мин, мына пу, Парпустағы Эртемейнің чылғызын хадарчам.

Эртемей ол позы орыс кізі чи...

— Орыс те?

— И да, а...

— Синің хадарчатхан чылғының көп де?

— Мининъ чабага хулуннанъ хада пир мунъ азыра полар.

— Пір мунъ!.. Пок...—танънап парған Айдо.—Анча нимені қалғызаан на хадарадырынъ ма?

— Піс оолғымнанъ ікөленъ хадарчыс. Оолғым син-
ненъ сэлей¹ чи... Ам чылғы хыринда чалғызаан на хал-
ды. Пүүн чылғыларымны таппиныбыссам, хайди ла кү-
зедіп хонгай низе,— тіп чобалып choотапча пудурғы
кізі. Анынъ сырдайы ооғас-ооғас чырылғал, сағысы-
рап, чобалғаны сырдайынанъ пілдістіг пол турадыр.

— Пістінъ көзейнібіс угаа хазыр кізі... Пірее хулұн ма, чабага ба аңға ниме кіріп, алай чідіп пе ноо парза, аннанъ чаҳсы ла күн көрчкеенъ қофыл.

Аны истіп, Айдо істінде сағын салча, «че пу пай ла полған нимелер пістег чалчы-хұлқуларға чалахай полчаа өфіл одыр, орыс таа ползын, пос кізілері дее ползын — пірлер».

Түрчे поларынанъ, паяғы кізі, сағызына ундулған
німе кіргендегі чіли, киңетін пазын көдіріп, Айдоданъ
сурча:

— Син кемнінъ палазы пол пардынъ, айол?

— Минінь пабам Карбай полған... Ічем—Тағай. Пабам ўреп парған, ічем ам даа изен, — Айдо, чирзер көріп, оттарны ұмықып, чута тартхлап, қоохтапча.

¹ Сэлэй (кач.) — сыны улуг азах.

— Мында син ўрденъ ала хадарчазынъ ма пу мал-
ны?

— Үзінчі чылы парир.

— М-м н-а-а — улуғ тыныбызып, узун табыснанъ
ышырабысхан пәяғы кізі.

— Адынъ кем полча синінъ, айол?

— Адым — Айдо.

Ананъ соон алдыра Айдо удур сурған ол кізіденъ:

— Синінъ адынъ кем полчанъ?

— Минінъ адым Чабус теен кізі полча,—күлімзі-
реп тапсапча.

Айдоданъ ол кізі іди ниме-ноо сурағлад chioхтасчата-
ханда, ағаа най ла хынып пол турадыр. Анынъ чұрта-
зындағы аар күннерні ниик идібізеріне ол кізі полыс
ниргідеғ осхас пілдір турадыр.

— Мин ічеме дее тоғаспин най ўр пол пардым... Мині
Яқын мыннанъ нандырбинча пір дее... Мара кип-азах
тая пирбинче пір дее.—Ол позынынъ пабазына хоптан-
ған чіли ол кізее chioхтанғалапча.

— Анда-ағ... Сидік, оолғым, пістеглерге амды чур-
тас, — улуғ тынып, chioхтапча пудурғы кізі.

Айдонынъ позынынъ сағызына кірген аар чұртас,
чобағлығ күннер анынъ олған чүрөгін пузухтырчалар.
Анынъ харахтарынынъ чазы піреे-піреे чылтынъ назып
сыххалапча.

— Минінъ пабам Яқын пайдох чөріп ўреен... Пірсінде
хысхыда улуғ соохта минінъ пабамны Яқын тоғысха
сүрібіскен. Аннанъ пабам прай ўзўп парған килген. Ха-
расхыда піс ічемненъ ыспачахта¹ одырғаныбыста, па-
бам кір килген. Анынъ сырайы от чарығында, тос чіли,
агарта тартып парған көрін турадыр. Ол ічемні хығыр-

¹ Ыспачах (кач.) — столбалап иткен кічишек турачах.

ған, позы чалаастан полоин. Пабам чалаастандырған соонда, от хазына одырған. Мин анынъ азахтарын паза холларын сибап көргем, анынъ прай иді пус ла осхас полған.

— Пабанъ, синінъ хол-азаанъ нога піди ағарғлан парған? — сурғам мин.

— Аナンъ хайдар полар за, палам... ўзүглеп парғанда, андағ пол парадыр, — теен ол.

Мин тынъ ўзеен кізіні анда ла көргем.

Ол харағызын пабам ниме дее чібин улуғ ёстегде хонған. Таңьари туста пабамнынъ иді уғаа тынъ ізібіскен. Ол, уундар choохтанғлан, тур кил турадыр. Піс ічемненъ хараа тооза узубаабыс.

Иртеп пабамнынъ сырایы паза азах-холлары кізі таныча сох пола сізінглеп парған. Сырай-азахтарынанъ сұғ аххлапчадыр.

Паяғы кізі, Айдонынъ ол чобалыстығ қоофын истіп, позынынъ иді ағыр турған чіли, сырайын чыыра тудынyp чатча.

Тораат, ол чатхан ікөленънінъ хыринда иргі отты оттап, халых парған чörче.

Айдо позынынъ қоофын анданъ андар уластырыбохча.

— Иди пабам ўс-тöрт күн ағырған. Ағырчатханда, Яқын, кире сал киліп, пабама күрлебök турадыр:

— Син, Карбай, ниме полып амизе төзекте найрапчазынъ, тоғызынъа парбин!

— Аナンъ соонда, пабамнынъ іди илепчеткенін көріп полар чізе, сығыбысхан, чуйух-чайых полып.

Пір күн иирде пабам уғаа тынъ ағырыбысхан. Пір онъдайнанъ чадып полбин айлахтанып ла чат турадыр. Соонда ўр дее полбин пабам амыр чадыбысхан. Аナンъ кörзебіс, пабам тынминча.

Ана ол күнненъ сыгара ічемненъ піске чуртастынъ аары читкең.

Анынъ соонда піс ічемненъ паар чир чох Якындох чуртап тоғынғабыс. Якын мині пу заимкаа мал хадарапта ағыл салған. Амды ічем хайди чуртап, тоғынып, мұханапчадыр низе...

Айдонынъ іди тілленіп қоохтаан қоофы Чабустынъ хал чүргін хайнат салған. Анынъ прай сырдай пүдізінде оларнынъ күзінде қыргапчатханиарға улуғ ла хынимин-чатханы іле пілдістіг полған.

Айдо ағаа паза даа көп ниме қоохтап, позынынъ көнънін алғыдарға кобленген, ол кізі, позынынъ париган чиріне манъзырап, тимненібіслеен полза.

Торааттынъ холлаанынъ хаазын хатап палғап турып, ол қоохтан турча:

— Піске дее піре хачан ўлұс читкейәк се...

Туюх тінін чыны тудып, атха алтана түскен.

— Че, анымchoх, иркем... Хазых чёрчет... Мин пудурғы хаамаларны парып таап көримдек, — тіп адын тибіредібіскен.

Айдо анымchoхтазып, істінде қарылзызарға даа кобленмин арах тапсаан, че аны позында ла сағын салған.

Торааттынъ суғулух көлеккезі сығдыразып, хылағай хузурии чайылып, салбы тёбін иніске кире субай чорыхнанъ чорта халған. Сарығ тоннығ чылғы хадарчызы ат ўстүндеге, улуғ пизіктегі чіли, абыдыла түс халған.

Айдо пазох ах қазынынъ істінде қалғызаан тұра халды. Андағ даа полза, Айдо халын бөрліг хой мallарны устал-пастап чёрче. Ол хойнынъ даа пастығы полғанына көнъніне сағ осхас.

— Ай-ай, хамалар, хара хурттар! — олған табызынъ хысхыр салып, пастыр парча.

Ах бленъ оттығ ах қазыда, аспах хырлығ тағларда

Айдонынъ чёрбеен чирі дее асхынах халыбысхан. Ол хайда оймах-осхыллығ чирлерні прай даа пілглидір. Анынъ Чохырағы даа хайда көп өркеліг, күскеліг чирлерні маньат піледір.

Күннінъ-танънынъ андағ узах чёрістіг тоғыс Айдоға аринча чархастығ полыбысхан, че чарханыстығ даа полза, паза парчанъ чир чоғыл, Яқын тик азырирга хынмаан сылтаанды.

Пёүн Айдо малнанъ тынъ ирте чазаа сыххан. Аны хыр пастьғ Камат апсаҳ ыраххы танънанъох усхурыбысхан. Айдо сала-сула хатығ-хутуг нимененъ азыра набас, малнанъ чазаа сыххан. Аны Камат апсаҳ уйғузы ханғанча даа узударчых, че түни, ўр ниместе, Яқын ки-лебес аны күр табыснанъ көксеп, күрлеп парыбысхан:

— Син, кири адай, чеен нименъе дее туроассынъ, малны ирте сығардырып орай ағылдырбин ол хуруг харыны узудып іскер түзір чөрзін!

Амды Камат апсаҳ, Яқыннынъ азырабиңызырынанъ хорығып, Айдоны даа ирте усхурыбысеча.

Яқын пеер замкказына удаа килемдір, чорға пазытчыл пора адын мүніп, мындағы ікөлененін тёөле чалтырададыр:

— Сірер, адайлар, малынъарны чахсы көрбин хойны ол-пу ит салар ползар, анда сизінінъер... Мин сірерні өво соғып, сығара сүрербін!

Айдо Яқыннынъ, ол көксестерін сағын чёрче, ол сохпас нимес, сынап таа соғар.

Айдо, нымзах оттығ чирічек таллап таап, чабал тоны- чағын төзеніп, тұнъдерे түзіп, ойнап чатча. Чохырах анынъ хыринда ідөк тұнъдере суна түзіп чадыбысхан. Часхы күннінъ чылығ тегені паза торғайахтарнынъ чес- гар ырласхлааны Айдоны узударға абытчатхан чили ис- тілген. Айдонынъ харахтары постары нуулып, сабыхси

талазып, хара чирзер саба пастырыбысхан. Аннанъ ан-
дар Айдо, халын түс түзеп, узуп салыбысхан. Түзінде
Айдо ічезін көр салған. Анынъ ічезі, нап-наа торғы кёг-
нек, пизін торғы плат тартынып, ибінде чир астамах
тимнел чörче.

Стол ўстүндеге онъ-пазы астамах салып, Айдоны азы-
рирга ічезі манъзырап чörче.

Айдо позы андаох наа кёгенек кизібікен полча, па-
за ол стол кистінде улуғ аалчы чіли одырып, азыранып,
тозынып одырчатхан полча.

Айдо істінде сағынча: «Яқын маға анынъ малын ха-
дарған ўчён, ахчаны сүреліг пирібісті, амды піс ічем-
ненъ хада піді чырғап чуртапчабыс». Іди сағынабас, сү-
реліг ѡрінчे.

Іди ўр бе ас па полғанда, хайда-да ырах чирде Чо-
хырахтынъ пүркек табызы истіле түскен. Айдо кинетін
усхуна чачырап парған. Ананъ ол позынынъ түзіне ми-
келедіп аар-пеер көрглеп одырча. Анда пір дее ниме:
ічезі дее чоғыл, позынынъ наа кёгенегі дее паза онъ-па-
зы чіченъ астамах тaa чоғыл. Позынынъ кискен кёгене-
гін көредір. Иргілел, чыртылып, кірге чаба хатхан холыс
кёгенегі ле анынъ инънінде.

Айдо хараңтарын чызынып ибіре-сибіре көріп одыр-
ғанда, Яқыннынъ чорға пора ады мында тайтынънал
килир. Яқын ат ўстүнде хыйын одырыбысхан килир. Чо-
хырах, аны көріп, ағаа удур ойлап ўрчеткен полтыр.
Чорға пора аттығ Яқын түрче поларынанъ Айдонынъ
тұзына чиде түскен. Айдо анынъ сырайында чабал,
соох, хынызы сох тудыныс көр салған.

— Х-хайдадыр с-синінъ малларынъ?.. Э-э! — Яқын
пір харагын хыза көрбиненъ ірлене түскен.

Айдо аар-пеер хылчанънаан, че анынъ хойы хайдар-
да, аспах озарина, ас парған полған.

Анынъ пос чүрөгі түрсүлөзіп, нандырар сөс таппин турадыр, харагастарын аар-пеер чалтанънада көріп.

— Ноо нимеे хайбанънап турзынъ?... Мин сині чи, сині, узудар ўчүн азырап тонандырчам ма?! — пазох чабал, абани осхас, харлама табыс истілген. Ол табыс тоозылғалахтох, Айдонынъ пазын арта аар салымның хаас пичік сынъыли түскен.

Айдо, пастағы сабыстынъ ит ачиина сыдабин чирге сүспектене түзіп, анат, чабал тонычағын сөзіре, ойлан саххан. Полызии чох Айдо оолақтынъ ачығ табызы асталып, анъ сынаннныбысхан Яқыннанъ азын полбин ойлапча. Анынъ аястығ, алданыстығ табызы пірде истіліп, пірде истілбин парыбыс турадыр.

— Паза піди пір дее узубаспын, сохпа мині, пір дее узубаспын, малымны тооза чым! — алданча Айдо.

Позынынъ чүрегінде Яқынны сағам даа чох идібізер өлі полча.

Че он частығ Айдонынъ алданғанына хара сағыстығ Яқын хайарын даа хайбин турадыр. Хаас пичік пір орынға түбен хатап теепче.

— Сірерні піди югретпенде пазынъарға сығалбас, адайлар, — харлапча Яқын.

Ол туста Чохырах, Айдонынъ хысхырып оорлаан табызын истіп, Яқынға хазырланыбысхан. Ол пора атынъ тунзуғына сегіріп, ідіргек табыснанъ ўріп, ірлен сыххан.

Чорға пора ат Чохырахтанъ чалтанып пірееде чёрбин тоғыр тастағлапча.

— Адай адайға полысча ба... Мин сірерні... — Яқын, тізін ызырынып, ікі ізенъеे тур киліп, Чохырахты пичік-ненъ сабадыр. Че чапчанъ Чохырах тоғыр сегірібісче. Яқын хуруғ чирні хурландырыбызадыр.

Айдо оғ туста соонзар хылчанънап, ачығ теестіг пікіткенъ хутуларға, тағнынъ олиинча ойлапча.

Яқыннынъ чархандырина Чохырах уламох чаптанып ідіргектен сыххан. Сыртынынъ түгі, сосха щетиназы чили, турғлабысхан. Тұрче поларынанъ Чохырах, чітіг тістерін ырсайтыбызып, пора аттынъ тунзуғына сегірібісінен. Пора аттынъ таналары тардайып, хохырыбызып, ананъ чалбағынча тоғыр тастаан. Көпен улиинча Яқын ат ўстүнде ілін полбин, ат хабыргазындар нандығып парған, сарсых азағы іzenъеденъ суурынып, пазынанъ чирге чачыла парған.

Чорға пора ат, ікі хулахтарын пістелдіріп, хохырып, аннанъ на күс салған.

Яқын сарсых азағы іzenъеденъ суур полбин, талбах чили, сөзіріліп, күзүри халған.

—Тпру-тпру-тпру!.. Сүйт!.. Сүйт, хаарған!.. Сүйт!.. — Яқыннынъ табазы тігде-мында ла истіл парча.

Ол туста Чохырах Яқыннынъ соонанъ сүрізіп, халахан чирденъ хаап, сығара хаап, чурух-чарығын толадып одырча.

Яқыннынъ іzenъедегі азағынынъ маймағы азағынанъ суурынып азырыл халбаан полза, анынъ тіріг дее халарай ікінчіліг полған. Ис сағызы тайбалып, чирде тоны пазына пүргел парған нимені Чохырах ананъ на пазох чоон путха тахлап халған. Ис-товарнанъ тіккен чоллығ хара станинынъ сол пуды маймах түрейіне читкенце ибестел халған.

— Йо-о... йо-о-о, чиктінъ адайы... Су-үйт, ань палазы, тооза идімні тыданчы идерге чёр!.. Су-үйт! Яқын идінінъ ағырғанына сыйданмин, харахтарын алас-сулас көріп, абағырча. Ананъ ікі холынанъ чирге таяндып, туарға мөкейзöк, Чохырах, сегір киліп, көнъ итке тынабас, пазох одырта тартыбысча.

Іди ўр бе ас па полған соонда, хайди полза азах ўстүне турып, Чохырахтанъ хутуларға пора адының соонанъ ойлап сыххан. Чохырах, соонанъ сүрізе киліп, хаабох одырча.

— Су-үйт, хаарған!... Су-үйт, чік пасхан! — хыс-хырып ол ікі холын тарбайтып, тохти түзіп, талғы чіли айлахтанағысча. Хара чирні харбабысса, холына пір дее ниме уруна өфіл. Іди, хайди-полза чап адайданъ азырылып алып, Яқын пора адының соонча соо чалтыхтап ойлапча.

— Мин сині... чанынъа чидербін... көзідербін! — тохти түзіп, харлап, хысхырып парча.

Анда ла Чохырах Айдоның сын хабасчызы полған. Анда Чохырах Айдоға позының пабазы-ічезі осхас аястығ пол турадыр, ол анынъ хырина ойлап килгенде, мойнынанъ арта хұчаҳтап, позы ам даа ылғаньзырап турадыр. Анынъ азах-холлары талып, сыртының іді сырлазып, ол «Айлах» тағнынъ ўстүне чадап сых килген. Тағнынъ аархы сарин харап көрзе, ол арадағы ой-мах-осхылларға көп хой прай тарабысхан чёрче.

Көп хойнынъ соонанъ пастанаалбин пір тойман хара ахсаҳ хойыцах, ікі хураганын хоғдыра, хыр ўстүне наа-ла сығып оттап чёр. Айдоны көре ле, ол, палаларына харолып, алын азагынанъ чир чачып, удур пастьырғап тур. Аны көре ле, Айдоның сағызына ічезі кір парған. Ол амды сағынча — ічем-пабамның хойнында полғанда, олар мині аячанънар, пір дее кізее хыйыхтириға пирбеченънер. Амды маға чалғыс позыма кем полызар за, тіп, улуг чобағнанъ чобалып, харафының чазын кірліг ниниенъ чызып турча.

Хайдар парчанъ? Пірее чирге пас ёткенин парыбыс-чанъ ма, Яқынның малын тасти. Алай пазох олох малны хадарып, Яқынның, анъ чіли, пазынғанына сыда-

чанъ ма? Іchezіне паарчых — анзы Якыннынъ холында.

Іди чобал турғанда, Айдонынъ сағызына наа, хатыртіріг сағыс кіре түскен. Ол, кинетін улуғ тыныбызып, ибіре харабысхан.

— Чох.. чох мин паза айланмаслын пу заимкаа.. Мага сидік мында. — Айдо, чазы ортызында харал турған кизек чуртсар көрібізіл, чарыда чоохтаныбысхан чалғышаан, позы чирге одырып, сол холынань таян салған.

Чохырах ол туста Айдонынъ сырдайын чыстал, чалғирға сынып, чылбанънап чörче.

Амды Якын Айдонынъ на ырыңзы нимес, че ол Чохырахтынъ даа хынмас чабал ырыңзы пол парған.

Тағнынъ озари хыринда ин парған сарсых чол 乍дир. Айдо ол чолча паарға сағыныбысхан. Хайда полза, пірее пасха кізіде тоғынып алай ба мал хадарып чуртири, че Якында паза сыдачаа чоғыл. Ол амды Айдоны уламох тынъ соғар паза аны олох сығара сүрібізер. Айдо аны ла сағынған, чабал тонычаан инъніне тастап, тағдань индіре пастыра халған.

Айдо амды хадарчанъ халых малны чазыда тасти узун чолча чöрігі полыбысхан. Чохырах, анынъ соонча, пірееде алға кіріп, пірееде соона халыбызып, түгдірепненп парча.

НАА ОРЫНДА

Иртен сыххан күн харагы ииргі туста чабырылабас, кидер турған арам ағастығ тағнынъ пазына көленібісken. Чазы істінде ииргі сыхтығ кии, сёрён тыныстанып, чайылыбысхан. Соғар учуғып, кёгліг сарнасчанъ торғай-ахтар, пірденъ-пірденъ от аразына түсклеп, сарыннарын тохтатхлапчалар. Хараа чоллығ халбах ханаттығ

тасхаахтар, чол хырина хона түзіп, аナンъ пазох, чоғар тастаан чурух чіли, халбанънап учуғыбысчалар.

Чалғыс азах чолыцах тоозылча-парчаа чох пірееде онъ сарина, пірде сол сарина игірли субалып ла парча.

Айдо амды позының мал хадарып чөрченъ таныс чирлеріненъ ырах пасха-пасха пүдістіг чирлерге кірізіп одырча.

Айдоның азахтары чалғыс азах чолыцахча тинъ хаалағастар синеглеп килче. Аның харны астап, пұннары позығлап, тістері элізіп килче. Харасхы хараага кіріп, чолданъ ноо ас халбим тіп, чиксініп, ол чөрізін айныда пирерге хынадыр. Че майтығыбысхан азахтар сөс истерге сах іди хыныхсыбин килчелер.

Іди килем-килем паяғы чалғыс азах чолыцах Айдоны ўс азах улуғ чолға кире ал килген. Амды Айдо сала ёріне түскен. «Амды пу улуғ чол мині пірее аалға учурадар ла учурадар», тіп сағын салған, аナンъ түрче тохти түзіп, ол улуғ чолча пастьыр сыхты.

Айдоның ёрінгені тик полбіндыр. Пір хырыцах ўстүне сығып көрзе, хырның озари хыринда назы чирде сүф чалтырап көрінче. Паза ол сүғның хазында тігдемында от чылтырасхлапча. «Че пу аал полды полар», сағынча ол.

— Че, Чохырах, аалға чидіп одырбыс... Тігіне көзениктер чарығлапча... Көрчезінъ ме? — Айдо Чохырағына кізее чоохтаан чіли чоохтап килче. Чохырах, Айдозар чылбанънап, хулахтарын на хыймырат салған.

Ырах чарыпчатхан одычаахтар ғағын чарыбысхан. Амды ол көзенек тобыра чараан оттарны тани даа көрреке чараан.

Тігде-мында адай ўрұскені истіледір. Чохырах, аны истіп хынъзығлап, аалзар кіріп, Айдоның алнына тоғыр ойлағлапча.

— Че-че, чёр, ноо нимеденъ хорыбыстынъ, — Чохырағына тапсап килч. Амды пу таныс нимес аалда Айдонынъ хонар даа чирі чоғыл. Аалға кірзе, адай-хус Чохырахты тутхлир. Хайди полчанъ ниме зе?

Іди сағынып-пәгініп килиріп көр килизе, чолданъ ырах нимес пір сиденнеп салған отха той ниме хараладыр. Айдо чолданъ сығып андар чёр сыххан. Чағди пиріп көрзе, сынабох, пірсі пүдүн, пірсі чарымына читіре талаан оттығ сиден тур. Чохырах сиденге чиде ле чол кизіп, азагын көдіріп, түрче турып, ананъ ўс-төрт хатап чирні тәдір тееп-теебізіп, сиден ибіре тінъзілеп ойлабысхан. Че анда пір дее ниме чох полған.

Айдо чарымын талаан кизектінъ ўстюне сығабас, чахсы чыстығ от аразына кірбіскен. Чохырах анынъ хыринда халас чіли түріл түс парған.

Майых парған Айдо оолахтынъ харны даа астааны күзөк полған, че нымзах от төзек, тадылығ уйғу Айдоны табырах саба пасхан.

Харағызы иртіп, кёк танъ көгеріп чарып килген. Кёк тигірнінъ чылтыстары пўлеркеп чіткелбіскен. Айдо пастан хайди түскен позы, сах ідәк халын уйгу алып узупчатхан полған.

Кинетін, пазох Чохырах нименінъ-де сағбазын алып, пўркек табыснанъ ўріп пастан. Айдонынъ хулағына Чохырахтынъ табызы пастан ырах истіліп ананъ чағын ачых-чарых истілібіскенде, ол, усқун парып, пазын хобайтып көрче. Анынъ уйғулығ харағына пастан пір дее ниме көрінмин, ананъ чахсы иде харахтарын чызыбызып көрзе, төрт атты ханъаға көліп, соонанъ-соона чидекти палғағлап салып, пір кізі сиденге чағдағ килир.

«Че, амды пу кізі мині от тиңсепчезінъ тіп пазох чаңыма чидер» тіп сағынып, Айдонынъ чүрегі сабыл пас-

таан. Айдо, Чохырахты хығырып алып, табырағынча анынъ мойнына позынынъ стан чағазындағы хаас хұрычағын систіп, Чохырахтынъ мойнына палғаан. Чохырах, ол кізее күрленіп, тарындырып, улам киректі ардадыбызыарынанъ Айдо сизінче.

Паяғы кізі сиден тастында алнындағы адын тохтадыбысхан.

Айдо, от ўстүненъ түс киліп, ол кізінінъ хатығ тағысананъ көксебізерін сағып турча.

Че пудурғы кізі, Айдоны күр табыснанъ көксебізер орнына, ағаа хыныстығ изен пирген. Анынъ іди тапсап изен пиргені Айдонынъ істіне най даа хыныстығ, чылығтыныс полып, чайыла килген. Анынъ күрөнъ, сінеен арах сырдайы паза чылығ көрістіг хоор харахтары, Яқын осхастарнина пір дее тойі чоғыл.

— Нымзах тәзекте узудынъ ма, айол? — күлімзірибес, Айдоданъ сурған ол.

— Иа... г!-г!-г! — ідőк күлімзіреп, өрініп, наңдырған Айдо.

— Мда... Хайданъ парирып мында хоныбысхазынъ?.. Хараа килген поларзынъ чи? — сурған кізі.

— Иа, хараа киліп, хоныбысхам. — Айдо, сиден төзінзер пастыр парирып, чоохтапча:

— Алға хараа парзам даа анда олох таныс чоғыл. Мында улича чылығ узудым, — орыс тілі ол хоза тартыбыс тур.

— Амды син маға от таарлирға хабазар нонъ, иа, айол? — күлімзіреп чоохтапча.

— Мин от таарлап пілечоғылбын, — хабазар көнъні пар даа полза, Айдо пілініп чоохтапча.

— Адынъ кемдір, айол?

— Адым—Айдо.

— Мин сині от таарлатпаспын, Айдоцах... Син таар-

лаан оттынъ ўстүнде ле турарзынъ, — алнындағы адын сиденге киире чидектеп чадып, choхтапча.

— Чарир, турарбын, — чаратхан Айдо. Ол позын іди иркелеп адаан кізіні ам на көрді.

Ханъаа ўстүне от, улуғ сызыронынъ азырында киліп, ѡспиненъ ёс сыххан. Айдо ханъаанынъ пірде алнынзар, пірде соонзар сығып ла манънанминча. Андағ күстіг кізіні Айдо ам на көрді.

— Синінъ адынъ кемдір? — Айдо амды аннанъ сурчая.

— Минінъ ме? — күлімзіреп нандырча. — Минінъ адым мына пу сабдар ат, хе-хе-хе... — нымзах ойын-күлкі хоза тартыпча.

Айдоға даа анынъ іди теені күлкі килістіг пол парған, — г!-г!-г!, — кізенънепче ол.

Соонанъ табырағынча Айдонынъ суринн тик халғыспасха сыйнын сёлеен:

— Минінъ адым Торка полча. Мыннанъ аалзар хада парып, анда азыранарбыс. Син тынъ астапча поларзынъ.

Торканынъ ол өохтары прай Айдонынъ көнъніне толғыдағ полча.

— Син хайданъ сыйара парчазынъ, ырах па? — сурча Торка.

Айдо прай позынынъ килген сұлтағларын хырығданъ сыйара өохтапча Торкаа.

— Йа-а... Сағам іди чуртирга килісчे чи, — Торка, Айдонынъ ол өоғына түгеде киртініп паза аяп таа тапсағлапча. — Минінъ көзейінім мына пу Питун аалында чуртапчатхан Кустук тіп пай кізі полча. Мыннанъ парза, син анынанъ өохтас көр. Ол мал хадарар кізі кирексеен осхас пол чөрген. Анда пір чирде чуртирыбыс.

Айдо Торкабынанъ тörtт атха от таарлаан аразында илееде ниме чоохтасхан. Олар түрченінъ не аразында тынъ чахсы танызып алғаннар. Торка Айдоғоҳ осхас чалцы кізі, че анынъ чазы ла Айдонинанъ улуғ. Ол 22 частығ. Че аны көрген кізі 30 частыға санир. Кічігденъ сығара аар тоғыс Торканынъ чинт тузын азынадох хызыр салған.

Үр ниместенъ Торкабынанъ Айдо Кустуктынъ чуртында полғаннар. Үстүн чапхан ах көзенектіг улуғ турған Айдонынъ харагында хайди-хайди соны көрін турча. Анынъ хыринда заплотнанъ иткен чабызах чалғыс турацах пілер-пілдірбес турча. Аны Кустуктынъ чалчылары чуртаchanъ турацах.

Торка, ханъаадағы оттарны от хазаазына киріп, түзіргел чөргенде, хазаа озаринанъ кізі табызы истіле түскен:

— Одынъ түзірзенъ, син иргі чуртсар інек одына паркіл! Анда пазох үр чубанмин чапчанъ кил. Аннанъ кильзенъ, ат хазаазынынъ арығын күреп тőк саларзынъ.

Айдо ол табыс кил турған чирге хылчанънап көрче. Анынъ харагына пір хара тонны чайбаныха чабынған, хара хурусха пörіктіг, симіс сырайлығ кізі турча. Торкаа хатығ табыснанъ чахығ лиріп, позы улуғ тура-зар алыс-толыс пастыр парир. Анынъ изірігес полғаны чөрізіненъ пілдістіг.

Торка, анынъ соонанъ алдыра харах пулиинанъ көрібізіл, — ана ол Кустук. Көрдінъ ме? — сурған Айдо-данъ.

— М-м... — Айдо істінде ле кінърен салған.

От түзіріп манънанғанда, Торка Айдоны чалғыс турацахсар хығырып кир парған.

Турацахтынъ істі харасхы. Чир поллығ. Ізіктінъ сол хыринда таснанъ салған соолда улуғ чис чайник пул-

зып хайнап турча. Ізіктінъ онъ саринда, стенедегі ағас сиillerde, at тиріглері толдыра.

Тасхартын чиит ипчі кізі холларында чарымдых іпек паза тимір аяғастығ сүт тудынып кір килген. Ол, нимелерін чабызах стол ўстүне салып, Торкаа сөлепче:

—Позынъ даа азыранып алғайзынъ за, тігі чейник хайнаан полар... Мин інек хазаазынынъ арығын ам даа тcosa ардаалахпын, парып, тоос килим,— choохтанып чапчанъ сығыбысхан. Ол Торканынъ ипчізі полтыр. Аны Айдо соортын пілген.

Торка, чабызах столахха азырал тимнеп, Айдоны позынань хада азыранарға одыртхан. Азыранып одырып, ол Айдоға сөлидір:

— Син Кустукка кіріп choохтас кёр, ол мал хадаарарға ниме чаллир полбазын. Анынъ інегінінъ хадарчызы, түни наада ағырыбызып, нан парыбысхан пабазына. Чаллаза, син аннанъ тон, маймах паза кёгенек-стан choохтазарзынъ,— ўгретче Торка.— Қисченъ кип-азаам чоғыл тиирзінъ. Малны часхы айға читкенче хадаарар поларзынъ.

Прай ол чопті Айдо истіп кёгіске алынып алған.

Торка табырах арах тимненіп пазох тоғысха парыбысхан.

Айдо, чалғыс турачаҳтанъ сығып, улуғ туралының ізігін чадап тідініп азып, чүрекси-чүрекси кір парған. Кіріп, пöрігін суурып, ізік наағына чөление тур салған. Ибінінъ істі аллығ ачых-чарых. Айдо ол туралының істіндегі позы позына уғаа кічігбін тіп сағын турадыр.

Горницаданъ Кустук, хоос ханъзазын салаазына хыстыр салып, сығара пастыр килген. Айдоны көре ле, ниме кілеп чёрзінъ тіп, пір дее ниме санабин сурча.

Айдо, пазын тобін тудыбызып, — ми-мин... тігі...мал хадаарар чир тілеп чёрбін, — чадап тапсаан.

— Ім... Мал хадарапға... Андағ... Мынынъ алнында чи мал хадарчанъзынъ ма?

— Хадарғам. Ўс тее чыл хадарғам.

— Че, чарир... Чахсы хадарап ползанъ, мин сині інек хадарапта чаллирбын... Азырирбын, малымны чахсы хадарзанъ, — Кустук харагын хыза, күліндіре арах көріп, Айдоны чүмерте қохтағлап тур.

— Ми-минінъ... пу... — тонына көзідіп, -- кип-азаам өфіл. Маймаам, стан-көгенеем дее өфіл, — Айдо суарарға өох пастирынанъ, Кустук, анынъ кілирге хын турғанын азынадох сис салып, тапсабысхан.

— Кип-азаҳ те?.. Ниме суарарын наалбинох чёрнонъ... Пастап тоғызынъ көзіт. Аナン көрербіс. Қибім өфіл тіп чёр... — позы горниңазына кір парир, Айдонынъ паза парар чирі өфін піліп.

Айдо, қабал пәрігічеен кизіп, табырағынча сығыбысхан, Кустуктынъ азырир полғанына даа ёрініп.

Че амды Айдонынъ алнында пазох наа, тоозылбас-парбас тоғыс турыбысхан. Амды таңдағы күнненъ сұфара інек хадарып пастирға кирек. Айдо, кірлестенъ түзіп, түрче турып, аナン пәрігін хамахсар چылдырыбызып, ыспацахсар пастырыбысхан.

АЙДО АРАЧЫЛАҒЧЫ

Аннанъ пеер қарым чыл иртіп парған, Айдо Кустук-ка чалланғали. Чылығ чайғызы иртебес, хатығ күскүзіне сабылып килген. Оскен оттынъ тамыры учунанъ пасти хызарып онънап, ағастарнынъ пүрі хури плазып сыйғырасча. Иртен иирде соох тан Айдонынъ қабал тоныңағын тігденъ-мыннанъ тобыра саап чөредір.

Айдо ачын Яқыннанъ позып килебес, мында даа ма-халығ чирге урунмаанох. Ол позынынъ тоғызын нинче

дее чахсы харазып толдырчата, Кустук пирер полған кип-азахты ам даа пирбінче. Айдо позының харны на азыранар ўчүн, өзаяф-чалаас сол өзүншілдір, мал хадарып. Азыранчань даа нимезі хара ішкенең өзбекстан чай паза пірееде ачаан сүт, анзы даа арам на поладыр.

Айдоның сағынып, түүліп, чөрченъ чобагларын Торка ла тоболе түбен-пасха өзүншілдір, хормачы өзүншілдір өзбекстан чоохтағлап ёріндіредір.

Торка күннің-танының иртегізін пулунъ-палының-нанъо тұрып тоғысха парыбызадыр, ананъ ииргізін ҳарасхы хараа пол парза киледір.

Пірееде иирде орайда азыранып алыш, хайдар-да аал аразына парыбызадыр.

Пірсінде Торка ідік тоғыстань кіле ле азыранминох хайдар-да парарга чалаас талбах пöриин кизіп сығарға тимнен турғанда, Айдо аннанъ сурған.

— Син, Торка, хайдар парирының? Мині дее хада апар за, піреे чирге ааллап.

— Сага чарабас, мин ырах парим, Айдоочах, узу.

Торка сых парған.

Айдо тыспанып полбаан, ол тонана тартып, Торканы сүрізе сыххан. Торка хазаа өзарина көленерінень, Айдо аның соонань пастыр сыххан.

Торка парған-парған, аалның хырина өзбекстан чадап, пір чалғыс тураллаххан кір парған. Айдо, ол тураллаххан читіре ойлабызып, ағаа кірерге тідіммин, тасхар тұрыбысхан. Тынънап турчата, анда кізілер кінъірескен ослас. Торканың табызы андох истілчес. Айдо, көзенек алтына парып, аннанъ көйлөчө пахлап көрчес.

Ибде ўстөрт иреннер тонагларынанъ одырлар.

Ибнің ээзі хара сағаллығ, кизе таарған састығ кізі чисток (шесток) ўстүнде одырып, чис пастығ ханъза-

зын тартып, пурладып одырча. Анынъ сырдай хайдада улүг кирек сағынып тобін көре солейіп одырча. Ол, анда одырган кізілерге пазын көдіріп, чарым табыснанъ чоохтапча:

— Че, оодлар, пу күннерде піске хайди даа полза тимнен саларға кирек... Саға, Торка, аттынъ чаҳсызынъ таллап тимнирге кирек полар.

— Аалдағы хұсхун-саасханнар сискеlecte піске та-бырах сығарға кирек, — пір ах тоннығ кізі тапсап-ча, — минінъ ўттіг тимір ниме прай тимде...

Айдо оларнынъ чоохтасхан чоохтарын, хайдар даа паарға тимненчткеннерін пір дее онъарылбаан. Ананъ наныбызып ыспацахта узубысхан.

Иртен тур килзе, танъ наа чарып одыр. Торка хаца-нох тоғысха парыбысхан.

Ол күн Айдо малын сығарып хазынъығ тағны олығли ырланып париғанда, Чохырах хазынъ ағастар аразына кире ойлабысхан. Ананъ түрче поларынанъ ағас аразында Чохырахтынъ табызы янъыланып истілген. Ол ағас тастына сығара ойлап килебес, ананъ пазох нандыра айлана чачырап, ўр сыххан.

Айдо, ағассар айланып, анъдып турча, «пу анда ань-ниме көрді полар чізе» тіп сағын турча. Түрче тынъап турып, ананъ ол інектерінінъ соонча пастыр сыххан.

Кинетін ағассар кізі табызы истіле түскен:

— Пеер кил, айол!..

Айдо, очып парып, кинетін нандыра айлана чачырап, көрібісken. Көрзé, ағас аразынанъ пір кізі көксі көрін тур. Айдо пастап хорығыбызып иніс тобін күс саларға тимнен турғанда, ол кізі пазох чарых ўнненъ тапсабысхан.

— Кил пеер!..Хорыхпа, хорыхпа!..

Кізі ағас аразынанъ улам іле сых килген. Анынъ пүдізі, азахтарынынъ игірі Айдоға хайда-да көрген чили пілдіре түскен. Айдо анынъзар тідімнин-тідімнин, тура-тура пастыр сыххан. Соортын ол хысахаң сарығ тоннығ, игір азахтығ, күренъ сырайынанъ чылымсырых күлімзірес чайыл турған Чабусты анда ла тани көр салған, Анынъ иннінде узун мылтых сырай турған. Айдо, хаалағын айныдыбызып, позы сала күлімзіриөк пирген.

— Мин синінъ Чохыраанъны көре ле танып салғам,— тапсабысхан Чабус, хаңан Айдо анынъ тұзына читкенде, ағас позынынъ харала тоорылған холын сун чадабас. — Тағ тағнанъ уруныспачанъ, ікі наңчы тоғаспин полбачанъ теені сын полтыр,— күлініп choхтапча Чабус.

— Хайданъ пу чирге чит килдінъ син? — Айдо улуғох кізее кибірленіп Чабустанъ сурча.*

— Ир кізее парча чирде поларға килізедір чи, оолғым,— нандырған ол.

— Че, пеер, ағас аразынзар, түрче одырып choхтазанъ,— Чабус, нандыра айланыбызып, Айдоға сөледі. Ол, сол азагын әлдіре пазып, ағассар ахсан чёр сыххан. Көрзе, Чабус, сол пудына иргі холысты сарибас, тастынанъ ніске пағыцахнанъ палған салтыр.

— Азағынъ хайди полғандыр? — сурған Айдо, анынъ хости одырчадабас.

Чабус, маймағынынъ түрейін көблече өнгөр сығара тарта пиріп, чудап парған сырайын чыыра тудына пиріп, анатанъ тапсаан:

— Че, оолғым, синненъ ниме чазырим за, мин па-лығладыбысхам, ухнанъ чізе...

Айдо андағ хорғыстығ choхтты, ухнанъ аттырған теенін, алнында улуғларданъ на исченъ. Амды Чабус іди сөлеенде, анынъ иді-сöögі ухнанъ аттырған кізіни чили чаллаза түскен.

— Ахтарбынанъ атысхабыс, — тидір Чабус, — тын
пирік, чуртас аарлығ... Адымны аттырыбох, позым па-
лығладыбох, мында ікінші күнін астап чадырбын.
Анынъ ирнілері торыла хура тартылғап партыр. Наах-
тары орты түскелеп парған.

Айдо кинетін хабына тартып, тіс пастана тұра хо-
нып, позынынъ хойнынанъ чарымни кискен іпек түбі
сығар килген:

— Мына, мин пирчем саға, — сунған Чабуссар.

Аны көре ле, Чабустынъ харахтары көгліг пола пир-
ген, позы күлінібіскен.

Ана... іпек пар синінъ. — Ікі холынанъ хаап алабас,
ананъ Айдоны сыртынанъ иркелеп, інегін улуғ тайнаң
чіл пастаан. Аны көріп одырабас, Айдоға аястығ даа
лаза иліргестіг дее пілдірген. Үр нимес полары-
нанъ Айдонынъ улуг нимес кизек інегезі тоозыл парған.
Түгенці тайнамын азырыбызып, Чабус, ўстүндегі саға-
лын чызыныбызып, сөлеен:

— Э-эк, амды сүғ даа полған полза чарирчых.

Айдонынъ сағам даа сүғ ағылларға ойлабызар көнъні
пар полған, че ол чагын арада сүғ чох полған. Ол амды
ибіре-сибіре хылчанънап көріп ле тохтап одырган.

Чазыдағы чолча парыған чаланъ кізіні онънап са-
лабас, Чабус, мылтығын таянып, азах ўстүне тур килген.
Ананъ ол, Айдонынъ инъніне холын салабас, ағаа сö-
леен:

— Че, оолғым, мин мыннанъ амды парыбызарға
хынчам, син мында маға учураам тибес пір дее кізее
choохтаба, көр. Піс чох-choостарны пайларданъ позыдар
ўчүн күресчебіс.

Ананъ Чабус, мылтығын таянып, ағас аразына нан-
дыра кірібіскен. Ол позынынъ палығлығ азагынанъ си-
берли пазып ахсан парыбысхан.

Ол күн Айдо, малын хадарып, иирде ибзер малинанъ хада айланып килиріп көр салған, Кустуктынъ сиден істінде пір хос ат көлігде паза нинче-де чалаң аттар турғлапчалар. Сиден істіне кір киліп, ол аар-пеер хылчанъынап, көргелеп, түрче турған. Ананъ ибде кізі кінірексені истілібіскен ағаа. Аны исте ле, Айдо, сала манъзыры сенекке кире ойлабызып, ізік тобыра тынъынап турза, анда Айдонынъ алындағы ээзі — Яқыннынъ табызы истілчे. Аннаң пасха Кустуктынъ паза хайдағда таныс нимес табыстар. Айдо чідібіскен тынъынан тур.

— Пістінъ арада даа андағ адайлар, партизаннарға пірігіп, хайзы тайғаа сыххлап парғаннар — Яқын чоохтап тур. — Оларны хайди даа полза сағам өделетпін чабыра пазарға кирек.

Кустук, хайданъ-да истіп салған полып, позынынъ аалындағы киректі чоохтапча:

— Мында пістінъ дее туюх хабарда тимнен чөрген кізілер пар ба хайдағ... Мына пу Семен, Илек паза пу минінъ сүмелиим, Торка. Анынъ ўчүн мин сірерге килзіннер тіп хабарлабын чи.

— Ана-ана!.. Оларны!.. Оларны, адайларны, сағамох хабынғалахта тутхлап мындар чөргіскебізеге кирек, — Яқын чарым табыснанъ чоохтапча.

— Че... Пістенъ хыйа хайдар параплар, — таныс нимес табыс истілче. Анынъ изірік чоохтаан тілі сүрнүгіп истілче.

Айдонынъ, Торканы паза аннаң даа пасхаларын тудып хайдар-да идерге хынчатханнарын истіп, чүрегі түрслезе түскен.

Ол туста Торканынъ ханъааларынынъ ығыразып одынъ тартып наа читкеннері истілген.

Кустуктынъ оградазынынъ істінде мылтыхтыр ча-ланъалар көрінізе түскеннер.

Айдо, улуг манъзытта ойлап парып, Торкаа чоохтапча:

— Мында, Кустукка хайдағ-да кізілер килгеннер, олар сині паза кемнерні-де тударға чоохтасчалар.

Аны исте ле, Торканың харахтары улуғ ачылыбысханнар. Аның сырایы, иргі от чіли, хуурта тартыбысхан. Анань ол, пір сабдар атты систіп, чабыдахха мұне тарта ла, чардых аттарын көлігде тасти, өзен істінзер чапчанъ чідібіскен.

Паза түрче поларынанъ улицача чаланъ кізілер тігдер-мындар чүгүрткелеп тұра парғаннар. Олар ахтар (казактар) полғаннар.

Адай-хустынъ ўріскеңі, олған-узахтынъ хысхырысханы, орласханы аалның амырын сайбап турадыр.

Хайди идіп көрзе, улицача Кустуктынъ ибінзер ча-ланъа кізілер ікі чазағ кізіні пір пагнанъ палғап алыш, ағылып одырлар.

Айдо оларның пірсін танып салған. Ол Торка пар-чанъ кічишек чалғыс тұрацахтынъ ээзі, хара сағаллығ кізі полған. Оларның ікізінінъ дее сырайлары хан пол парған.

— Соххлапчалар одыр, — ўрүгіп чоохтанча Айдо. Ағаа олар уғаа тынъ аястығ пол турғаннар.

Ол, тыстан полбин пулунънанъ пулунъа ойлап, көленіп, пахлап көрче.

Кустуктынъ ибіненъ сағам на сууласчатхан кізілер пу ағылған кізілерге удур сыххлап килгеннер. Олар праизы изірігестер. Кустукнанъ Яқын пағдағы кізілерні көре ле, удур-тәдір хылчанъназып күлініze түскеннер. Ах пörіктіг, чылтырах мархалығ, хылыш сұғынған пір хара сырайлығ орыс пағдағы кізілернінъ алнында хам-чызын тудынып, азагын таза пазып турып алған. Оларны хай хынғанни сöккелеп, сурча:

— Сөлөнъер, адайлар, нинчедір мында партизанға парапта тимненген кізілер? Сөлөзер, тыныңъар халғызарбын, че... сөлебезер, сірер миніңъ холымдазар!

Іди сөккелеп пазын ікі иньніне тастап тур.

Пағда турған ікөлөнъінъ пір дее сөстері истілбеен.

Түрче поларынанъ ікі чаланъ, мылтыхтығ кізілер чиде түскеннер. Олар, тохти түзіп, хара сырайлығ пастыхтарына қохтапчалар:

— Таппин халқыхыс, чабыдах атха мүніп хачыбыстыр!

Олар Торканы таппин халтырлар.

— Соонанъ сүрізіп, сағамох тут килінъер! — оларға хара сырайлығ кізі күрлеп тапсабысхан.

Ікі аттынъ табаны ыраххы чирде тігірезе парыбысхан.

Кустук, пағдағы кізілернінъ алнына ойлап киліп, оларзар салаананъ көстеп, қохтапча:

— Мына пу, пу адайлар киректі пастапчатхан... Мына пулар, — тірге хырт тудынып ойлап бөрче.

Пу турған хара сырайлығ орыс тізін ызырынып:

— Сірер мині ўр алдандырарға сағынчазар ба? — хысхырып пастыр киліп, хамчынанъ оларныңъ сырайларынанъ чыртып сұххан. Іди дее соғып, оларны пір дее ниме сөлет полбаан.

Анчада хара сырайлығ орыс казактарына چарғы- чахаан пирібіскен:

— Пу адайларға ікі ух хорадыбызынъар! — Ол пазох пірер хатап сырайларына хамчынанъ сапхлабысхан. Іди чахаан пиреріненъ, пағдағы полызии чох ікөлөнъ хол аразында көрінмін дее парғаннар.

Ізіп, тоозып чыргағанъ ўс нанцы хұтахтазып пазох улуғ ибге кире пастырызыбысханнар.

Түрче поларынанъ мылтых табызы, хатығ ағас чара

тартыл турған чіли, тарсылы түскен. Анынъ соонанъ паза пір хати.

Аны ла истеріненъ, Айдонынъ чүргегі ниме хазалған чіли ачыза түскен. Изі-сағызы орнында чох пола хорых парған. Хазаа аразына кире ойлабызып, от алтына кіріп, қазыныбысхан. Анда ол хона чатхан.

Ах казактар, постарынынъ кирексіп килген нимелерін пүдір салып, олох күн чөрглеп парғаннар.

Аалнынъ аразында тігде-мында койглеен туралар-нынъ хазыр түдүннері өфар пулуттарға сіри атыххлап турадыр. Торка кірченъ Семеннынъ кічишек турачағы тооза кой парған, анынъ орнында читіре койбейен туруннар ла пулазып чатхлаан паза چарымы изел парған соол көрін турған.

Иренниер паза ипчілер пала-пархаларын хоғдырып, алай ба хайзы оларын хұчаҳтас, хазаа-хахпаҳтарданъ, چар алтынанъ пірденъ-пірденъ сыйхлап, иблерінзер кілерге тідіммин турғаннар, оларнынъ туралары хыринда хапхы адай чатхандагы чіли.

Кустукпынанъ Яқын, казактарнынъ соонда удур-тöдір сыйлазып, ынағ пайцы полып одыр халғаннар. Айдо, оларнынъ ах казактарбынанъ пірігіп, постарынынъ хынымаан кізілерін иледіп өдіргенниерін позынынъ харағынанъ анда көрген. Айдонынъ ол сыйнанъ оларзар сағынарға сағызына даа чабал полған. Ол күннінъ-танънынъ уйғу-чадыннанъ даа асхан. Чазыда чөрзе, сағыснанъ саналып, чабал чөрче, нименінъ ўчүн ол ікі кізіні чобат салғаннарына.

Кустуктынъ анъмарынынъ кистіндегі стенесе чабылған хызыл хан пір дее арыбин, хызыл чалын чіли, чабыла синип парған турчанъ. Аал істінде аны көрбейен, аны пілбеен улуғ даа, кічіг дее кізі чох полған.

ЧИНЬІС ПАЙРАМЫ

Тасхар күскү хараа. Ай хап-харасхы. Тигірде чылтыстар пачырама чылтырас тур. Чабызахына чалғыс турачахтынъ кічишкөн көзенегі чадап ла харасхы тобыра паланъап турча.

Турачахтынъ істінде сала-сула иткен тас соолда чалғыс турун койзе-көйбин іди ле тырсылазып пулапча. Ол оттынъ чарығына чир полда төзесең талбах ўстүнде ікі сырдай сарғалып одыр. Олар Айдо паза Кустуктынъ пір чалчызы Парлас полған. Олар, ікөленъ паспах суғына одырып, чис чейниктенъ чей урып, азыранып одырлар.

Парлас хазыр паданнығ чейні сотка чірченінъ хыриданъ соода ўріп ўстүне-ўстүне оортап ічіпче. Азыраллары оларнынъ — хара іпекненъ чағбан чей.

Айдонынъ сағызында ам даа ол пағда-суғда килген чобатырған ікі кізі. Ол пілініп одырча, Торкаа хабарлабаан полза, ағаа даа олох күн поларых. Харын даа сёлеенім чаҳсы, тіп брініп одыр.

— Түнеегі ікі кізіні мында нога атханнар полар? — Айдо Парластанъ чарым табыснанъ сурча.

— Олар партизанға парага тимнен чөрген полтырлар ни, — тіпче Парлас ідәк чарым табыснанъ.

— Партизан ол хайдағ чондыр? — сурған Айдо.

— Олар хызыллар ба хайдағ... Пу чізе ахтарбынанъ чааласчатхан. Олар, чох-чоос паза чалчыларнынъ хониинъ ўчүн күрөзіп, чааласчалар, іди чоохтаан маға Торка, — тіпче Парлас. — Олар пайларны чох идерге хынчалар ба хайдағ.

Айдоға амды ол кирек сала онъарылыстығ полыбысхан. Хайданъар оларға пу пай Кустук осхастар даа хынмин хоптап өдіртіпчеткені іле пілдістіг полыбысхан.

Айдо, інегін арам-арам тайнап, ізіг чейні, ідәк порлада оортап, ісче.

Иртенинде Айдо халых інек-малны күндегөк чіли танъ чарырынанъ сығарып хадар парыбысхан. Ол күн иирге саабылыбысханда, хаңан чарых күн харағы чыбыс тағнынъ пазына түскенде, нанып көніккен інек-маллар улуғ чолча көölче субалызып сыхханнар. Айдо, сиң таяғын таянып, аар маймахтарын арам-арам алнын-зар тастағлап килче. Улуғ аалнынъ пазына чағдап ки-ліп, көр килизе, аалнынъ амыры сайбалып, пазох хай-дағ-да чон хорылысча. Аны көріп, Айдонынъ пазох іді-соöгіне соох чайыла түсті, «че пазох кізі чанына чит-ченънер килділер одыр» тіп сағынды. Хырығда турған ибнінъ хазаазынынъ пулинина парып, пір столбаа чөле-ніп, Айдо чилбірезіп турча.

Іди көр турғанда, аал аразынанъ ікі чаланъ аттығ кізілер чорыхнанъ аал пазынзар позыдып одырлар. Оларны көріп, Айдо улам на пулунъа чапсыныбысхан тур. Айдонынъ тузына чиде ле, пір чаланъ кізі Айдо-зар пура тартыбысхан адын.

Айдонынъ, аны ла көргенде, ис-хут чоғыл. «Пулар мині өдірерге тілеп чёрлер полар» тіп сағындып, чүрек-сіп турча. Че хайди итселер, іди итчесіннер... Айдо, ікі харағын чычыллада нууп, чирге түнъдере түзіп, чадыбысты. Анда ол пір-пілініп, пір-пілінмин чатханда, хай-дағ-да таныс кізінінъ табызы истілген чіли пілдірген.

— Ноға анъдарылыбыстынъ... Тур, хорыхпа, — пас-тап таныбин тапсабысхан.

Айдо, көölче харағын сыйрайтып, холын азыра көр-четсе, Торканынъ күренъ сыйрай мында ат ўстүнде чал-танынап тур. Аны көреріненъ, Айдонынъ істіне чылығ чайыла түскен. Ол, бөрінгеніненъ тура сал киліп, күлін-тее полбин, ылғап таа полбин турча. Торканынъ хы-

лыс-мылтии хығдыразып, ат ўстүненъ түзе сал киліп, Айдоның чарнына саап, ахсына пір хати охсанған.

— Оқ, аарлығ аргызым, арачылағым... Пісти чиньді... Піс тірігбіс! — Торка Айдоға сын істі-чүрегіненъ чоохтап турадыр. Аның сырайында чаҳсы чылығ сағыс пос көрін турған осхас.

Айдоның ҳарағы партизанның тим-тириинизер-танънаныстығ чылтырап турча. Ол Торкаданъ сурардаа, ағаа чоохтир даа нимезін табынмин турча. Хорыхханы тарап парған.

— Мылтиң манъадохтыр, а, — чоохтапча.

— Пістің мылтыхтар хомай полбағанъ, — Торка, чалахай күлкізіненъ күлініп, тапсапча.

— Кил пеер, минің адымға алтан көр, — тіп, Торка Айдоны холданъ хаап чидектепче атсар.

Айдо атха мүнмин тың ўр пол парған. Ағаа пастап чиксіністіг осхас полған. Торка аны азах алып ат ўстүненъ сығарыбысханда, Айдо изер хамағына тыныштың өнъе арах одырыбысхан. Ол, ат ўстүнде күлімзіреп, ирні чидіспин одырча.

— Чохырах, ам на хайданъ-да ойлап киліп, пастап тұра түзіп, аナン ол Торканы алында көргенненъер, ағаа сунғар пах чөре халған.

— Синің хыйға аргызың ам даа хада ноо, — тіп, Торка Чохырахты пазынанъ сыйбапча.

Улуг өлчә амды Айдобынанъ Торка пірсі чазағ, пірсі чаланъ чоохтазып, килчелер. Торка Айдоға амды прай синнны чоохтапча.

— Амды ах казактарны тооза хырдыбыс. Піс амды оларны халғаннарын сүріп тоосчабыс, — чоохтапча Торка. — Мин мыннанъ тизіп сығабас, хызыл партизаннары пис күн пазынанъ таап, хозылғам. Че мин, Айдо, синің андағ ниме онъарылцах полғанынъа тың ърін-

чем. Мин сині пір дее ундубаспын. Піс ўлұстігбіс! Піс чинъісчілербіс! — Торка өріністіг табыснанъ choохтап киllче.

Ол чинъіс — сын чинъіс полған.

Аалнынъ даа аразында чон, хара сеек чіли, хайназыбысхан. Айдонынъ харагында праизы туған-чағын осхас, праизы пос кізілері.

Флагтар тігде-мында халbastанып көрінглеп турадыр. Айдонынъ өрінгеніне хысхырыбызары кил турадыр.


Аал аразында ыр табызы янъылан турадыр.

Парча чирде ограда ізіктеріне, тура пулунънарына флагтар хызылғап парған.

Іди улицаcha парирып, Айдо көр килизе, Яқынмынанъ Кустукты холларын сыртына тартып, палғап салған ікі чаланъ кізі аал ортызындағы флаг көрін түрған тұразар сүр париirlар. Олар Яқынны анда арестовать полып ағылып одырған полтырлар. Мында, тізенъ, Кустукты ілібök алғаннар.

Айдонынъ чинъіс пайрамы pu күнненъ сығара пасталған. Ол амды пос. Ол төрт чыл тоғаспаан ічезіне. Сағам даа ол ічезіне парыбызар, аны пір дее кізі тутпас.

Ол чинъіс пайрамын Айдо әлгенче дее ундубас.





Рассказы

МЫЛТЫХ ТАБЫЗЫ

Чазыда хар тооза даа хайыл парған полған. Сарғал турған қазының ўстүнде күске өрті ойналып, прай нименің пүдізін игір-пүгүр иде көріндір турған. Ырах тағлар түдүнніг киині тобыра көппегес пола көрін турғаннар. Тигірде пір дее пулут чох полған, анда прай чирнің ўстүн чылыда чарыдып, чалтаныстығ чалғыс күн харагы сағыл турған.

Чазы істінче алтынсарых иде ҳаралып сиилчеткен улуғ өлшемде қаланъ кізі сайбыр өзінің жағынанъ парыған. Аның мүнген ах ҳамаҳтығ тораады, мойнын сөйліре салып, ҳулахтарын хыймыратхлап, сұглух көлекчезін хығдышрадып, өзінің жағынанъ парыған. Хысхацах ҳара тонның паза иргі ҳара хүрүсха пәріктіг чинт оол ат ўстүнде, улуғ пизіктегі чили, абыдыл парыған. Ол чибіргі частығ Петке Сабуров полған. Ол, адын пазыттандыра тохтада пиріп, позы ҳойнынанъ төрткіл конверт сығарып алдып, көріп, аданъ кинетін ибіре хылчанънабызып, конвертін табырағынча ҳойнына нандыра сұғыбысхан. Аның парыған өзінің жағынанъ субада күлгендегі өзінің жағынанъ иртіп парыған. Ҳаяның пазы Уұске көп нимес ле читпин тохтапча. Ол ҳаяның пазынанъ ибір парза, пірее хайдағ полза нимес пол паарын ол пір дее сағынмаан.

Кичеөбк Петкенінъ пу чолча иртері бандиттернінъ атаманы Кулаковхა истіл парған. Оспа аалдағы Тырхыннынъ ибінде Кулаков-бандит атаманы хончатханда, Тырхын ағаа сөлеен.

— Минінъ зе... харах уян даа полза, хулах хусхунинанъ пасха нимес... Киче, орайда, көзенек алтынанъ тынънап турабас, искем, мына пу, Очылайнынъ ооллары, Семён паза Мишка, чоохтасчатханнар: письмо пазабас, хызыллар отрядынынъ штабынā ызыбызарға тибес...

Тырхыннынъ исken-көрген нимезі тёөле дее Кулаковтынъ хулағында поладыр.

Кулаков пүүн позынынъ бандиттеріненъ хада, хаянынъ ўстүнде ирткен-парғанны хадарып-хадарып, чадарға сағыныбысхан.

Тораттынъ туйғахтары тастығ чолча тохлазып, сайбыр пазытта париган. Петке абыдылып, ат ўстүнде хыйын арах одырып, чол хазында наа ла тобыр килген көк одычахтарны көріп, істінде ёрініп, көлче ырлап, париган. Анынъ чарнын часхы күн харағы чылыт парчатхан.

Кинетін хаяны яңыландыра мылтых тазылап халған. Тораат, чочып,—чолнынъ тастына сығара сегіре түзіп, аナンъ тура салған. Петке туюх тінін холынанъ позыдыбысхан, холларынанъ көксін хабынып, аナンъ аттынъ онъ хабырғазынзар сыйрылып, түзібіскең. Анынъ көксіненъ ніскечек чолаҳтанып хан сыйбысхан. Тораат, анынъ хыринда тохтабызып, танааларын тардайтып, хорлап пір-ікі хати тыныбызып, аナンъ киикти осхас хулахтарын хыймырадып, андох оттабысхан.

Хаянынъ ўстүненъ ікі мылтыхтығ кізі түзіп, ойлас киліп, хыймырабинчатхан Петкені андар-мындар айлахтандырып, чалаастап паставысханнар. Анынъ хойындағы ах чачын конверт чирге түс парғанда, мыл-

тыхтығ кізі тиренъ харагын ағын азындыра көрібізіп, ах хуруса пöринн кöдірібізіп, тапсабысхан:

— Табылды!

Олар табырағынча нандыра, хаяданъ ингенёк чол-ча сығыбысханнар.

Бандиттернің атаманы Кулаков, улуғ нимес ах ча-чынахты онъ холынанъ тудып, хығыр турып, ол позы-нынъ соох сыйрайын тырыстыра хыймырадып, ўстүндегі иринінъ сағалын сол холынанъ чымчып турған.

Аны хығырып алыш, Кулаков чачынын ныма туды-бызып, тізін ығырадыбызып, тапсады:

— М... м... Хызыл гвардия начальнигіне... Семен Хапчығас... Чарир... Чидербін, ырах нимес...

Ол позынынъ тиренъ сарғалдым арах харахтары-нанъ, хая ўстүнде турып, Оспа аалзар иде, астаан пүўр хойзар көргендегі чили, көріп, түрче турып, ананъ тағ ўстүндегі тиренъ оймахсар пастырыбысхан.

Семен позынынъ кічиқек туратағында одырчатхан. Ол пазын частығынанъ чадап көдіріп, ипчізін хыринзар хығырып, солеен:

— Ниора, син Мишкее соледек, түрче пеер килзін... Минінъ ағаа choохтаңанъ choоғым пар.

Мишка, позынынъ ағырчатхан улуғ харындазынынъ хырина одырып, тоболедегі чили солеен:

— Семка, син пу хорығ-сарығданъар сағысха түс-пес... Саға қазылып аларға кирек. Тоғынарынъ мыннанъ даа мындар оспас.

Семён, Петкенінъ айланарын сағып, ікінчі күні па-риған, ол сұрып алча:

— Петке килді бе? Хайдаг ўр полча?

Тасхар кинетін ат табаны тігребіскен. Семеннынъ ипчізі көзенектенъ көрібізебес, ананъ сірееге нандыра одыра кил түзіп, ікі нағын тудынып, ѡстебіскен:

— Йо, хайдағ чон полчанъдыр.

Мишка, көзенексерőк паҳлабызып, аナンъ табырағын-
ча айлан киліп, chargын табыснанъ тапсаан:

— Бандалар... Килібістілер!..

Семен, тозегінде одыр салып, позынынъ частығынынъ
алтынанъ пір түрўм қачыннар Мишкаа пиріп, солеен:

— Табырах өртебіс, харындас... Холға ла кірбезін...

Чачыннар соолда чалбыранып тооза койіп учубыс-
хан туста, ыспацахтынъ ізігі азылыбызабас, аナンъ на
хөғдýр-хағдýр түзіп, мылтыхтығ кізілер ибге тола түс-
кеннер.

Мишка көрбин дее ҳалған — хайданъ-да аар ниме ки-
ліп, анынъ пазына түс парған. Анынъ харагында прай
ниме чайхалыза түскен. Мишка, азах ўстүнде тур пол-
бин, полға түс парған. Ҳаҹан аны тасхар сығара сөзіріп,
анда типсеглеп турғаннарында, ол идінінъ ағырғанына
ба, алай илбек күзіне сүүніп пе, азах ўстүне тур килген.
Чоннынъ аразында хайдағ-да сыртлос, ніске табыс истіл
турған:

— Сöле, паза кем коммунистtір?

Чабызах сыйнығ, узун пора таарлығ, ах пöriktіг кізі-
чектінъ холында наган сыранънааны көрін турған. Ол
ötіг хысхыр турадыр:

— Ат салам!.. Амох ат салам!..

Түрче полғанда, кізілер тоғыр қачырап, чирге нин-
че-де кізі аңъдарыла парғаннар. Мишка кинетін турған
орнынанъ, күс сал парып, сиденні азыра сегірібізіп,
плетен хазааны хасты ойлабысхан.

— Атынъар!.. Атынъар! — табыстар истілген. Мыл-
тыхтар пірсі-пірсінінъ соонанъ түрсүлес сыхханиар.

Ах пöriktіг чабызах бандит тур киліп, пурнунаң
сірлеп турған ханын идеғіненъ чызынып, хайдар-да қа-
чырап парған хысха мылтиин таппин айлахтан турған.

Мишка ойлап килебес, абаазы Егорның чайғы ибіне кіріп, пиктенібіскен.

Бандиттер, мылтыхтарын холда тудынып, хайзы чайғы ибні ибіре ойлазып, хайзы аның ўстүне сыйхлап парғаннар. Оларның прайзының хараптары, ханъырылған аńьни чіли, тарспайзып ойласхлап чөредірлер. Үр ниместенъ чайғы ибнің хыринда халых толыбыс-хан, олар прайзы бандиттер полғаннар.

— Түнүктең аты! — хысхыр турадыр Кулаков, нағанын холында тудынып, ізік хыринда турып.

Мишка ухтанъ позының тынын хутхарып харасхы сірее алтында ўмектеп чөргенде, холына соох тимір учурап парған. Ол палты полған. Сах андох аның сағызында илерте түскен «чох, тіріг халчанъ онъдай чотыл. Э-э хачан даа пис хати ёлбес, пір ле хати ёлер. Ми-нің не ханым төгілбезін, чұлмелерни төгілзінőк» тіп, палтыны онъ холға хаап, тұра хонып, ізіктің хаптырғазын ача саап, кинетін сығара хонған.

Ізік ікі хыринда айланызып турған бандиттер, ўрүк-кен хойлар чіли, тари тизіп, чүтүріскеннер.

Мишка, ол чонның аразында бандит пастығы Кулаковты көріп табала, палтызын күнге еағылдырып, суланып ойлап, сых парған. Тизіп чүтүр париган Кулаковтың пазына палты олох таа түзеге чағдап париганда, мылтых тазылап сых парған. Мишка, хаалағын арамнадыбызып, аナンъ тістенекти тұс парып, палтызын обугуна читіре хатығ чирге хази сабызып, позы хысхырыбысхан:

— Пу палтыны тудар хол ам даа табылар!..

Ол, палтының сабынанъ хол салбинох түнъдерे тұс парып паза хыймырабин чадыбысхан.

Піке бандит, позының ханға патып парған хылызын чирге чыза тартыбызып, хынына түзірібіскен.

Иирзер бандиттер постарынынъ кирексініп килген тоғыстарын пүдір салабас, тиргі ниме ноо аттарына арчымахтағлап, аалданъ чөрглеп парғаннар.

Аалнынъ істінде сеек тее учухханы чох осхас амыр пол халған. Адай даа ўрұспин, кізі дее сууласпинибысхан. Орай полыбысханда, Семеннынъ чалғыс турачағынынъ на хыринда кізілер суулазып паставысханнар, па-за анда туюх сыйт табыстары истілген. Олар Семен-нынъ, Мишканынъ паза Егорнынъ улустары полғаннар.

Ікі харындасты паза оларнынъ ўзінчізі абааларын, Егорны, хости чалғыс турацахта чатырғаннар. Олар-нынъ ух тобырған көксілеріненъ паза хылыс теглеен паставынанъ хызыл хан көрініп сыхчатхан. Оларнынъ хуурта тартып парып, хыймырабинчатхан чүзүннерін көріп, кізілерінінъ істілерінде чалыннығ от койген чіли пілдірген. Оларнынъ паза сыдан тыстанары чох полған. Пілектеріненъ хан урылып, олар амды чалыннығ оттанъ даа чалтанмасха, хая тағны даа тали сабарға тимде турыбысханнар.

1936 ғ.

ҚАЗАН

Күн харағы, күнөрткі туста турып, чазынынъ ўстүн хола сарығ өнінендіре қарыт турған. Пуғдай ёскен хыранынъ азы, күренъ арах өніненіп, кіңіг танычах таратханға анынъ ўстү, сұғдағы салғах чіли салғылып, абыдылып турған. Азы кискен чирі тибіребин, сарғалып ла, сызыр тостіктері щетине чіли, сірбейізіп турған. Палған салған поомнар, анда-мында тарап чөрген хой-лар чіли, пачырайзып чатханнар.

Үстүнсархы көк тағзартын чазыча толғалып ахчат-хан чул хазында, хыранынъ хыринда, ах брезентненъ

тартып иткен отахтар, ах чапхыстығ анъмарахтар чіли, чул хости турғлапчатханнар.

Анда пүүн колхозтың пір бригадазы ас кизіп пи-зінчі күнін хончатхан.

Колхозтың інек-мал хадарчызы Қазан апсаһ, ма-лын сугатха индірібізіл, позы хыр ўстүнде адының алын азағына азых тінін палған, оттада салыбызып, позы чирге тынанаарға наниана чат салған. Пүүн тантъ ол ат ўстүнде илееде чөргенге бе, алай күн порастана-рына ба, апсахтың кинемніг пилі най даа тынъ сыстан пастады.

Ыраххы тағларға тіри төзелчеткен ах чазы хуба сёл анынъ алнында көрініп көлбейче. Алтон-читон чірче хыралар хыри-пазы чох иде хости-хости, торткіл чарды-лар салылелаан чіли, көрінглеп, ырах чирге чіде пары-бысханнар.

Үр ниместе пу чазынынъ істі анъ-хустынъ на чолы-турлағы полчанъ. Чайғыда полза халын чорғанин хал-сарығ от өзіп салғылып одырчанъ. Ананъ иртіп хысхы-зы читсе, ах хар ах пулут пола, чазынынъ ўстүн чабыс-чанъ.

Қазан апсахтың сағызына нинче чыл пазында ирт-кен ниме, пу ла кицегі чіли, кіре түскен. Пу чазынынъ ортызында апсах мынынъ алнында, тынъ ўр ниместе, инег-чобағны көрген. Амды ол чазы анынъ алнында көлбей чатханда, пу чазыда кинеен пилінінъ сыстаанын пілініп, ол ирткен кирек анынъ сағызында, сомнап сал-ған сом чіли, көріне түскен осхас.

...Кирек хысхы туста полған. Алтынсарыхтын хыян-нығ чітіг соох, чүрекке хазал турған чіли, сығыр тур-ған. Чазынынъ ўстү айландыра хыринанъ тубаннап, киіде соох хыролар чабызахтын чадап сағыл турған күннінъ харағында күмөс унағастар чіли چылтынъна-

зып, чирзер түсклеп турғаннар. Ырахтын, тигір төзіненъ, چалтырап турған چарых күн амды соох киині чылышпин турған. Чазынынъ ўстүн ах хар, ах товар төзеендері чіли, күрледе чаап парған. Харнынъ алтына читіре көлеммес тігеннер ле анда-мында сорайызып, ах чібекненъ сұлғанғандағы чіли, хронанъ сұлғанғлап одырғлааннар. Хысхы چолны ідőк хар тулғи чаап парған. Аны тігені چох, арып ах хар چолаҳтана көрінчеткеніненъ не танып табар.

Пулут осхас, хар چабылған ах چазынынъ ортызынца چалғыс ат көлген, соорлығ кізі кёйлче кидер сығара چол айнытчатхан. Ханатхылығ ачых соорда тістенекти хыян тобін айланған одыр салған Қазан апсахтынъ тағырандылығ иргі ах тонынынъ тізектеріненъ соох хыян позынынъ чітіг пістеріненъ хазағлапча. Анынъ тынъ узун нимес пурун алтындағы хара сағалына пустар сорғаяхтана тоңынап парған полған. Күренъ наахтарынынъ тооп ачысқанына сыйдабин, ол, наахтарынынъ пірде пірсін мелей аязынанъ игеп-игеп, ананъ чуга мойдыриин چогар иде тарта пиріп, одырған.

Хроли тирлеп парған сабдар адынынъ тумзуғынынъ пазында пустар ідőк узун арах, усталдыра тоңынап парған полған. Ол, пазын көдіріп, тумзуғын іскер иде икіп, суғулиин күзүреде тайнанып, хар алтынча ағара сиил چатхан چолча соплатча. چазы тобыра парған ол چол ағаа ҳацаннанъ таныс. Қазан позы даа пу چолча пу позы полғали пастағызын на пари нимес. Ол мынча хызыл чииттенъ сығара чайғыда даа, хысхыда даа көп чөрген. Хыяннап, сығыр турған ачығ соох таа ағаа ўрденъ ала таныс.

Оол туста чөргенде, Қазан мындағ соохтарға сағади кілебеченъёк осхас полған. Че амды, частана пирген

туста, соохха халтыратханына сыйдиры сидік пілдіріп одырча.

Қазан, аpsах иліг часха чит парып, ачығ соохты тобыра, чалғыс сабдар адын чобадып, хайдар чёрчедерçік, анынъ ибіндегі ўс палазы, харагы ағырығ ипчізі Постай полбаан полза. Анынъ хазаа толдыра малы, анъмарға толдыра азых-тұлұғі пар полған полза, ол соохха тооп, чолға сылаң чөрбесчік.

Қазан аpsах ибіненъ сыххали пүүн пизінці хони парир. Анынъ ибіндегі ўс палазы паза Постай ипчізі ки-чееденъ сағыпчалар, анынъ тиремнеденъ саасха орназып, хатығ-хутуғ даа полза чиир ниме ағыларын, Қазан амды сағын парир. Олар пабалары Қазаннынъ килигенин көрзелерөк, читкелекәк чалғыс турацахтанъ сұға салызып, чодацахтары хырырайзып, ачығ соохты соох тібин, удур ойлазарлар. Чидіп, олғаннарын иргі тонынъ идегіненъ пүргебізіп, ананъ оларын табырағынча ібге кирерін сағын парир.

Ол сағысты сағынып одырғанда, Қазан аpsахтынъ істіне چылығ сабылған чіли пілдірче. Сабдар адынынъ позазын тибіредіп, хоолада сыйрыбызып, чөрізін ай-ныдып одырған.

Чайрызын чёріп چыған, саасха орназып тапхан тадылығ сухарын, соорынынъ пазынзар онъдайли چылдыра пиріп, холын хойнына суғып, харбап көрче. Ікі хурут саас пиріп алған аалай хызыл ситет плады анда парир, пір дее чирге кірбіндір. «Нaa кип-азахты арам көредір-ген Постай ипчіме пу сыйыхты читір пирзем, анынъ даа көнъні тола түзөр» тіп сағын парча Қазан аpsах істінде.

Аалға амды тынъ даа ырах халбин одыр. Турадар, күрдек көгістерін харалдырып, турбаларынанъ хойығ көк түдүннерін өнгөр сыйгара чалап турғлапчалар.

Казан апсахтынъ париған чолынча, аалданъ ағаға удур чаланъ кізілер сығара хонғлааннар. Хачан олар пір верстача чағдағ килгеннерінде, Казан апсаҳ көп чон чөрісченъ азырых тонъ чолға наа ла кірчеткен полған.

Он азығча кізілер ікілер-ікілерденъ хости улуғ чолча чорыхнанъ удур иде килгеннер. Оларнынъ аттарынынъ тыныстары соох киіге, тубанаҳтап, чайылғап килген. Оларнынъ прайларынынъ иинінілерінде мылтыхтар азырайызып көрінген. Үр нимес поларынанъ ол чаланъ кізілер Казаннынъ тұзына читкениер.

Сабдар ат, аттарны көріп, кизекті мығырана түзіп аナンъ пазытха түзіп, хостаныбысхан. Казан, адынынъ позазынанъ хамчылап, пазох сопладыға кірібіскен полған, че ағаға кинетін хатығ табыс истіле түскен.

— Стой, ты!..

Казан, позынынъ хыринанъ ирткелеп париған аттарын айландыра тартхлап турған кізілерзэр хылчаньнап, аナンъ сабдарынынъ позазын көблече тартох пирген.

— Майылбаан осхас ла, — тапсабысхан пір хара адай терізі хатағ кискен, ах пöріктіг тиремъ харахтығ орыс, Казаннынъ сабдар адынзар хамчынанъ улап. Ол онъярыл салған, анынъ адынзар чоох айлан турғанын. Анынъ чүрөгі сітлезе түскен. Анынъ сағызына күскүдегі кирек кірген. Анда підиөк хайдағ-да чылтырах мархалығ, инънілеріне алтыннығ чурух хазанған нимелер киіліп, анынъ сабдар адын мүн парыбысханнар.

Че ол адын пір ай пазынанъ, тілеп парып, таап килген Үйс тобінгі аалданъ.

— Адынъ сис! — хысхацах тапсабысхан пудурғы хара хатағлығ орыс.

Андағ сөс Қазанға онъярылыстығ полған. Ол позынынъ иргі бöриин суурабас, чаланъ кізілерзэр өзегліг иде чазораан харағынанъ көріп, алдан сыххан:

— Чалғыс ла адым... Олғаннарым чи...

Ол позынынъ чарых көрінмес, чобағлығ чуртазын пуларға прай даа түгеде choхтабызарчых, че анынъ ағаа тілі читпин тур.

Хара хатағлығ кізі ниме-де нымланып тапсабысхан. Түрче поларынанъ чырындылығ, хара тон кискен чиит оол, адынанъ түзе сегіріп, сабдар атты систерге чапсынған. Казан апсаҳ, соорданъ түзіп, ол оолзар ойлап киліп, адынанъ тінін пылазып, позы алданып, тістенекти түс парған. Іди дее алданғанына көрбебен, апсаҳтынъ көксіне ўр ниместенъёк азах тенъен. Ол, чол тастына, харға сыртынанъ түзіп, ананъ пазох тура хонған.

Хайди даа чалахайланып алданғаны тұза полбин-чатханда, апсаҳтынъ чүрөгі тура паставысхан. Ол, ойлап килемес, пір холынанъ адынанъ тініне чапсынып, паза пір холынанъ ол оолны тостенъ андар аңдара сасхан.

Анчада ат ўстүненъ пазох ікі офицер, түзіре сегірізіп киліп, мылтыхтарынынъ төзіненъ Казан апсаҳты сапхлап чөре халғаннар. Ол паставы арада пілінчеткен, анынъ пазына паза сыртына мылтыхтарынынъ хатығ төделері тееп турғанын, оларнынъ хатығ тапсазып, хырызыныс турғаннарын. «Большевик ты!» тіп турғаннарын паза позынынъ арам састьарынынъ аразынанъ хан сығып харға тамчылас турғанын пілінген.

Ол индерде күн кірер алнында ла онъарыл парған. Ўр бе, ас па чатханын позы пілбин турған. Анынъ чаланъ мас пазынынъ ханы чачына тонънап партыр.

Казан апсаҳ хайди полза пазын көдіріп, соорынынъ пазына тынып, иленънезе тур киліп, ибіре көрген. Чаланъа кізілер амды чох полған. Пэзынынъ сабдар ады даа паза хаптығ сухарыбы чоғылох. Соорынынъ хыринда чабалғына хомот, сидолка паза хазынъ түгее чатхан.

Позы пір пілінің, пір пілінмін, иленънезіл турған. Ікі харағынынъ чазы пурнунынъ ікі саринанъ чолаҳтанып түскен. Соохтынъ даа тоорғаны, пазынынъ даа сыстааны апсаҳтынъ чүргіне ле чидіп иletче.

Апсаҳ, холын хойнына сұғып, аннань аалай хызыл ситце пладын алып, анынанъ ханнығ пазын палғабыс-хан. Анынъ ўстүне иргі пöрігін иленънезе туда кизін, чолнынъ ікі сарина оланъназып, аалны көре пастыр сыххан.

Ах чазынынъ ортызында ады чох соор, мал тaborынынъ хыринда, тигір анъдаан пүүр чіли, хубарып тур халған.

* * *

Анчада, Казан онъарылып одырза, анынъ ікі харағынынъ частары пурнуңча пазох түзерге пастап одырған полтыр. Че ол улуғ тыныбызып, пазын көдірібізіп, сұғ ҳазында тарап чөрген малларын көр салған. Анчада Казан апсаҳ одырыбызып, ханъза-хапчииң сығарып одырып, choохтана тартхан:

— Пой, мин пазох көчінібіскең ном... Ол ирткен чыллар нимес пе зе. Анынъ танъмазы ла халған чи... — АナンЬ ол, ханъзазына тамғы салчадып, пилін сала түзеде пирген, аңзынынъ сыстааны сала амырап парған.

АナンЬ ол, чирденъ азах ўстүне тур килебес, наңымырға кисченъ брезент кибінінъ идеғін хайра хызынып, бригаданынъ отахтарынзар көріп, түрче турған. Апсаҳ, андар, колхозтынъ бригадазына киліп, күннінъ тынанып алып парадыр. Анда пос ооллар, апсаҳпынанъ ойнап, күліп, агаа хормачы ниме choохтағлап, аны порағ табызынанъ хатхыртадырлар.

Казан, пора адынзар пастыр парып, аңзынынъ хол-

лаан тыда пиріп, ананъ алтансып алабас, бригаданынъ отахтарын көре хыр индіре пастыра халған позынынъ төреміл ырын ырлап:

Пора хозан түгічес
Нып-нымзагас поладыр,
Пора адымнынъ хузурничаа
Сып-сылагай поладыр...

ПАСХА КІЗІ АНЪМАРЫ

Асты, отты чырданъ син чит килген. Тағ ўстүндегі ағастар, бөрттегі чили, хызырызып турлар. Чазынынъ оғтары сарғалыбысханнар, хайзы полза ла чирлерде ам даа көгілбей күренъ чыланъ оттар паза пәзік халсарығ-лар көрінглепчелер. Күн харады, тигірденъ турып, чир-ге алтын чарығын тастап турча, чирнінъ ўстүн ам даа тохтағ чох чылдып.

Пәзік инъдерілген чарлығ кічишек чулықтахты хаста-да субалчатхан сарығ тарлағда молотилка машиназы тарынчах табыснанъ күзүрепче. Соонанъ-соонанъ изеріс-тіре көлген ўс чылғы круг істінде көйлөчө тохтағ чох пас-тырысчалар, паза чыртыых кибічектіг ўс пала, аттарнынъ соонанъ чөріп, көгліг хыйғыда сүр чөрлер. Аннанъ тас-тын арах, кізілер хыймырасхлапча. Оларнынъ полғаны ла постарынынъ тоғыстарын манъзырап тоғынчалар. Оларны ол хырада астынъ чахсы сығызы бріндіріп манъ-зырандырча. Ол чазы, хыра чирі зе, анда тоғынчатхан кізілерни нимес, ол Саго Микитенінъ чирі полча. Ол пір-сінде кізілернінъ хыра тоғызынанъар чоохтасхлап одыр-ғанын тузаланып, оларны позынынъ хыразында ас таа-рирға чойтеп алған.

— Ас сыхса, сірерні хыйыхтабаспын... Нинче кире-

гін ўлесклен аларзар, мин сірерге полызып ла ўчүн чи, — чоохтаан ол. Амды пу хырада ас чахсы сыхханда, кізілер Микитенінъ чирінде, аар тоғыстынъ түгенчізін тоғынып, манъзырасчалар.

Машина күйлеп турча, сыйыр кизек тоғыр иде чоон паза пойзік иде, тура чіли, бөспиненъ босче.

Тозынға, хурун сүртінгендері чіли, харал парыт, холлары паза сырдайы хан сығара сыйырылғап парған, пір хыдыр сырдайлығ кізі, түрчегүрчеле полып, пораг табызынанъ хысхыр турча:

— Пом пириңъер пеер... Пом — по-ом! — Анынъ тозыннап харалған сырдайынча тириңнінъ ніскечек тамчыхтары, ойлазып, сырдайынча керік сыртындағы осхас чолағастар халғысчалар. Ол иптіг-чаптығ пол киліп паза, манъзырап, сол саринанъ пир турған помнарны хаап, машинанынъ, ала парысти чіли азылған ахсына, кире суххлап турча.

Мычык, чабызах чоон арах көгістіг, кіичек кізі паза Миките Сагонынъ пір чалчызы Микейлененъ ікөленъ, асты арығап (илгеп), хантарға хантапчалар, ананъ ол асты Микей, Микитенінъ заимказына апарып, анынъ анъмарына ур салча. Мычыктынъ ағбайған састанынынъ аразына астынъ микинелері паза учухтары сүреліг амара рас парған. Олар ікөленнінъ сырдайлары тозынға ідőк хоосталғап парған.

Прайлары тоғыстынъ түгенчізін сағығапчалар. Полғаны ла асты ўлезерін амды істінде бөрініп сағыпча.

Кізілер сұғданъ майылчалар. Оларнынъ, пірде пірсі, пірде пірсі ханъаазар ойлас киліп, ханъаада турған ағас ідізектенъ соох сұфны ачыннанып тартып, тартып алып, ананъ пазох тоғыстарына чапсынчалар.

Тимір ойыстығ ханъаға көлген күренъ аттығ пір кізі тоғынчатахан кізілернінъ тузына чағдал килген. Ол Саго

Миките позы полған. Адын тохтатчадабас ол кемненъде сурча:

— Че, харындастар, тоғызынъар хайди парча?..
Ол ибіре-сібіре хылчанъап көрче.

— Түгенді, ўұмні позытчадырыс, оқ, ас манъат, Миките абаанъ,— Антон ніскечек табыснанъ сынъылы түскең, сзызырозынанъ чирдегі сзызырларны сузып, кизек ўстүне тастапчадабас.

— Чахсы, чахсы андағда! Чахсы! — сууланған ол туста Миките. — Мин сірерін інргізіне заимкамда сағирын. Анынъ соонанъ ол позынынъ хыразында хай-напчатхан тоғысты көріп хынығып алабас, сол харагын нымғыза пиріп, алныңдағы ирнінъ пір пулиин тайナン көріп, адынъ позазын тибіредібісken. Тимір ойыстың ханъаазы заимказар өзінде хоғдыры халған.

Ир полыбысхан. Күннінъ харагы амырап ағастығ пилілектінъ озарина көленібісken. Күн харагына чылаан арығ кии ам даа оор осхас чиліненъ полған, че ол сала сыхтанып ла парған.

Күр чобағлығ сидік тоғыстынъ амды түгенді зиянкішінде тартап күлгін. Машина кругындағы көлігдегі аттар көблече тартап тохтағлабысханнар, тырлада пырғырып пастаны чайхағлап, суғулух, нохта көлекшелерін сыйғырада.

Узуң паза аар тоғыста майыххлап, асха астап, кізілер сзызыро-тыrbостарын тастап, ник тынғлабысчалар. Че оларнынъ өзінде, тізенъ, өріністіг, хайдағ-да чахсы ниме сағыпчатханнары пілдістіг полған. Оларнынъ прайларынынъ сағыстары амды анда ла полған, хайди табырағынча постарынынъ аар тоғыстарын тоозып, арығ күстерінінъ сұлтаанды өріністіг көбліг нана-рында.

Мычык, позынынъ ағбах сазында чапсынып, сырлыған микинелерні арығлап турып, өзінде:

— Па-а, ас-так ас, сыгыптыр, а, пүүл... чоохтacha даа
чоғыл... арбын арахтанъ чидізер, пожалай, — орыстап
пори тартып турча.

— Асха сал алтоннар путнанъ... — тапсаан Хо чах.

— Ізе, күзібіс тик парбиндыр, тоғынғаныбысха ту-
рар чи, — Антон сынъылта табызынанъ тапсанча.

Кізілер амды тоғыстарын тоозабас, пірденъ, ікіденъ
адычаҳтарын чидіне заимказар субалызып парғлапчалар.
Антон заимкаа прaйзынынъ соонанъ читкен. Адынынъ
сiодолқазын алчадабас, ол позынынъ аргыстарына ник-
теністіг чоохнанъ чоохтапча:

— Че, харын даа пу тоғысты тоозыбыстыбыс... Андағ
даа полза, хара адычаама көп нимес читті бе хайдағ ...

Хара ат Антоннынъ улуғ нимес хонығычағын пүркеп
тоғынчатхан чир chalғыс адычағы.

Мында, турада, Миките кізілернінъ килеріне ииргі
азырал тимнет салған. Амды Миките мында позынынъ
түгенчі планын киреккe турғысча. Ас, тізенъ, кізілер-
нінъ күзіненъ кизіліп, сабылып, анынъ анъмарына урыл
парған. Ас анынъ анъмарында полчатханда, амды ағаа
стол ўстүнде арагача турғыспаанды пір дее чарабас
полған, ойыннынъ утызы анда ла.

Хачан прaйлары стол кистіне одырғлап салғанда,
Миките сірее алтынанъ пір улуғ торсых араға
сығарып алабас, аны пір улуғ тимір аяхха солбырада
ура пирген. Позы, сұмелендіре көріп, кізілерге чоохтапча:

— Тоғыс соонда... Пірерденъ піди... Азыранарға чах-
сы полар.

Мында за амды андағ аар тоғыс соонда унабас тaa
кізі полар ба, тизінъ?..

Миките пастап араганы сотка чірчечекке көп нимес
урабас, самнахнанъ худайынзар наныл, аナンъ отсар
нанығлапча. Анынъ соонанъ ол чірчезіне көп нимес хоза

ура пиріл, кізілерге көздіп, албысты. Анынъ соонанъ прайларына пас сани ўлеглеп пастаан.

Пастағы арада кізілер ізерге хыныхсығлабин одырған чили полған, че хачан Миките пір-ікі иреет ибір пар килгенде, кирек онъдайлан парған. Ас ёске араға кізілерге табырах тарабысхан, оларнынъ сырайлары пілдістіг иде хызырызып паставысхан, оларнынъ сырайлары ізізіп, отха койгендегі чили пілдірген.

Микитеде чөрғен ипчі кізі, тимір лампаҳахты тамызып, стол ўстүне турғыс салған.

Қоölче тарта чоох пасталыбысхан, соонанъ чоох, айран кобігі чили, хойыбинанъ хойып, өзібіскен. Миките ана ол ла кирек полған. Амды ол қоölче тарта кізілерге чағынназып, чағын тартылып паставысхан. Чоохтап одыр:

— Че, харындас-тунъмалар, амды пістінъ пос аразында, піди, сыххан азычаабысты ўлезерібіс халып одыр... Пу киректе мин сірерге, пöлелерім, ноо нименъ полызығ ит пирер полам? Хайди? Полызарға за хынадырыбын... — тіп пазын хыйын арах тудып, мойнын чыхырайтып одырча.

— Полыстаҳ, полыс, Миките абаанъ, піс тик тее ѡрінчебіс... Синінъ піди полысханыны піс пір дее, өл-генче дее ундумаспys... — Мычык харахтарын чідіре көріп, пазын іскер-іскер идіп, тапсағлап одырча. Анынъ сазына сырбалып ілінглеен микинелер, ас учухтары амизеちょхырайзып, көрінглепчелер пазында.

Хочах апсаҳ, харахтарын көгерте көріп, холын сыйбап, чоохтабохча:

— О-ой, пöле, піс синінъ полызиинъ чох хайдар пар-чанъмыс...

— Аны, хайди, нимененъ полызарын, син, Миките абаанъ, позынъ даа пілче полбассынъ ма за... Сын пит,

тә-гә-те! —тибес, Антон позының сын істіненъ чалахайланып одырча.

Андағы кізілернің хай ползазы алынча чоох-чаах пүдіргел одырчалар. Хочах апсаҳ стол пазында одырып, позының көк хараҳтарын нууп, холларының салааларын пүгіп, пәгін пүгіп одырча. Ол, позының ўлұзіне нинче пуд ас чидерін пәгініп, сағынып одырган полар чізе.

Миките, амды кізілерге ас ўлестірген туста, оларның хыринанъ хорығ-сарығ чох ползын тіп, позының парап орнын пиктегел одырча. Ілгёрденъ счет алып, хыдырадып, чоохтачка:

— Че, мин, харындастар, амды ўлестіріп пастирбын, мині сірер піди сурынғанда, чізе... Че андағ даа полза, піске пірдеебіске хыйыхтас чох ползын. Мин сағынғанда, сірер миніненъ хачан даа пір чопке килерзер, я?.. Мин зе оланъай даа аңдар-мындар толғастырарга хынmas кізібін. Андағ пит, харындастар?... — кізілерзер мөкей ки-ліп, сурча.

Кізілер праизы тинъе, түбен-пасха табыснанъ Микитенің чооғын чўпсерчелер. Микитенің оларданъ чир ўчүн паза ўрен ўчүн, асты аларын пілзелер дее, че аның оларданъ нинче көп аларға хынып одырганын пір дее пілбеенинер. Олар, Миките оларға сынап полызарға хынча тіп, сағынғаннар.

Миките позының аńмарында тört чўс пудча ас урыл парғанын манъяты пілген. Амды ол кізілерге позының чобін сыгарча:

— Че, мына, харындастар. Посты удур-тöдір хыйыхтаспас ўчүн, чўрек ўчүн, тим-тиріглер ўчүн, орта пасха тастазанъяр!.. Позы сchedын торслада тартыбысты.

Кізілер ўр нимес сымсырых пола түскеннер, аның ўр ниместенъ Антон қаратты, аның соонанъ ирек-турах полып пасхалары даа.

— Че, ўрен азычаамның ўчүн мин сірерденъ зе, пос кізілеріненъ, көп тее нимезін алам за... Э-э, пір пуды- чах ўчүн ікілерденъ чарай за, мында чоохтасчанъ даа ниме—ниме полар за, сірер аны дозынъар даа сағынча поларзар, — Миките кізілернің чолларын тулғи сап одырча.

Тулғи саптырған кізічектер сарызар ачығын таппин, оларны Миките күнніг харахха арығладап одырганын пі- ліп тее одырзалар, ирік чох чопке килібокчелер.

Мычык істінде сағынған сағызын тудып сыданмин тастына сығарыбысты ба хайдағ. Ол көблече чоохтанча:

— Син, Миките абаанъ, піс сага канава хасханыбыс ўчүн піді көп нимес хыя тастап полбассынъ ма?

Ағаа нандырығ чоофы Микитенінъ тимде полған:

— Аナンъ, нимезе, харындастар, соға, бороначаҳтар ўчүн санабинча номзе, ноға мындағзынъ, пöле, хе-хе-хе, — амұчырада күлінглеп одырча.

Антон кіичек пазын тобін түзіріп, тиренъ сағысы- раста одырча. Ол амды позын сөзірбененъ сырбатхан чіли, пілініп одырча, анынъ изірік пазына хыйыхтаныстығ сағыс кірібіскен, ол одыра амды, ічезіне күрлеткен олған чіли, сүркүнънеп одыр.

Айбина одырған соонда, Хочах апсаҳ ідök тідімmin- тідімmin, сурча:

— Син, Миките пöле, минінъ Мылтизым синде мал хадарчатхан ўчүн көп нимес ас читірер полбинъ?.. Піди уғаа сидік чізе ...

— Аны, пöле, піс ікөленъ хараа-қүнёрте чоохтазар- быс... Мында киліспес ниме чоыл нооза, ол срогоғ чит- кенче хадарзын, — Миките нандырыбох пирче.

Хочахтынъ паза пасхаларының даа амды Микитетібі- ненъ паза даа чоохтасчанъ нимелері чох полған. Амды, ол ўзөленъе, мында хонып, иртенінде постарына Миките

ўлестірген көп нимес азычаҳтарын алабас, нанарлары
ла халған.

Хос ат көлген ағас ойыстығ ҳанъаға, көп нимес ас
таарлап, ўс кізі одыр салған, улуғ чолча торс-торс түзіп
парча. Аттары, тырлада пырғырызып, нииқ-илбек соплат-
дып парчалар.

Мыңык, ҳанъаанынъ алнынзар чағын одырып, поза
тут парир. Ол арғыстарынзар chooxtal парир:

— Ирлік-ханы пісті сасхлаан чізе пу Микитебі-
ненъ пірге тоғынарға... чыл чир асты ур пирдібіс піс
ағаа. Синненъёк чи, Антон, көп ниме,—кібіренглеп пар-
ча.

Антон ол туста проланаарға даа, проланмасха даа
полбинн chooxtanча:

— Айна аны пілген ме зе піди пістінъ терібісті тіріге
сой парарын... Сіле, түнне часхыда, чағ чіли, чағыл ту-
ра парбаан ма за, полызим тіп...

Хочах апсаҳ ідőк пуларға игелглеп парча.... «Ананъ
полыс пирді нöзе, паза ниме кирексе, гі-гі», тіп ол піре-
де ачырғанғанынанъ хатхырыбызып, ананъ пазох тіме-
ліп парча.

— Мин аны, торспах язбаны, пірее чар азырбаанды
полбаслын чи...

— Тудыс-хабыс соонда мунзурухты пулғаза даа, ноо
туза... Тұлғүчек харғацахты махтаан, соонанъ чіcenъ
ниме сох халғыс салған.— Мыңык теестіг chooxtar
сығарғлап парча.

Ана іди ўзбөленъ Микитені таппастанъ таап, сöкклем,
ірідіп, нанғанинар. Чылғыцахтары аалға читкенче нииқ
соплатхан.

СҮГЕН

(Алында полған ниме)

Күн харагы күнбірткі туста турып, чирнінъ ўстүн хола сарығ иде чарыт турған. Ўұс, підіренъненіп, күн харагына паланънанып, көлчегіне айланчыхтанып, ахчатхан. Азырых арығ аразында кізілернінъ сапхы талтағланнары, сууласханнары истілглеп турған. Пірееде чылғыларның пырғырызып, ананъ тимір тузамахтарын сыйғырадып, Ўұс хазындағы сайда хочыразып, сегір чөргеннері истілчे.

Апчук, Ўұсте сомыбыс турған палыхтарның салғағын көріп, позынынъ оймах хамағын тырыстырғлабызып, хости турған Посқырның көгенегіненъ тартыбызып, солепче:

— По-ок, хан худай көрген, палых таа көбök полчанъ ноо... Арон хурт ла чіли, пыцынънасчадыр...

— Ах Ўұс палыхнанъ сабланчатхан сүғ нооза, — нандырча Посқыр. Ол позынынъ эгіндегі, өскіни осхағас, устығ хара сағалын тырбанып, ідőк сүғзар чапрайта көріп, күлімзіреп турча.

Олар ікізі дее Көдістер аалға киче ле килебес, оох-оох крезічтер паза чарды образычаҳтар сатхлап пастааннар. Ол оларның ой тоғызы.

Апчук сүғ тобінкі хыринда көгер турған арығзар сабачылап көріп, холнанъ улад солепче:

— Мыңа-аабы арығдағы тилтеде сүтген пар полчанъ полған... Андар иде пар көрген кізі, хынза, палых таа көп нимес алып аларчых, чапсыхха пызырып чирге.

Посқыр улуғ хара станының чағазынанъ тудып чайхабызбас, тіпче:

— Ананъ... пар көрбеченъ ме зе... Күллеттес.

Апчук пойзік, Посқыр анынъ хыринда чабызах, че

Апчуктанъ чоон. Олар Ўўсті хости тобин алдыра кёйлче чёр сыхханнар. Оларбынанъ хада таракан даа чёріп манънанаарчых.

Арығнынъ аразына кіріп, тилтені сунғада хастада парчалар, парчалар. Тилтенінъ суу, узуп турған нимечіли, пір дее тибіреңин, چалбах көк пүрлерненъ чабынбысхан турча. Тилтенінъ ніске чирінде наа ла тулғап салған тулғор көрін турған.

— Мынынъ тігі хыринда палых көп, неке, я? — тіп сурған Посқыр.

— Пар полар... Сүгендे дее пар полар, — тіп нандырган Апчук.

— Мына, пу суғда сүген пар ба хайдағ... аны кіріп көдір көрзебіс, ноо ла полбай за, — Посқыр, тулғорзар ёнъделеп киіліп, chioхтапча.

— Кір көрерцік, тиренъ ме ни зе суу... Син кір көрдек, Посқыр харындас.

— Чо-ох-чох, минінъ сыным чабыс, хайди-хайди тиренъ ноо пол парып, тобин ин парыбызарбын... Син миниенъ пәзіксінъ, Апчук харындас, син кір көрзе.

Апчук, майлап турған хоосхани чіли тудынып, көміс-кезі чох ҳараптарынанъ сүгензер көр турған. Ананъ пазох Посқырга солепче:

— Син піди тулғор хости пар көрдек... Керчіктеп чізе. Аньдарылзанъ даа холнанъ пик ле тудынзанъ кірербенинъ суға.

— Че, нимезе, ікөленъ چалаастанабас, тулғорнынъ ікі хыринанъ кір көренъ, — chioхтапча Посқыр.

Олар ікізі дее, азыр puttтарынынъ чапхыстарын, көгемектерін суурып, пірер-ікілер крестенібізіл, ананъ тулғорға тынып, сүгензер чағдабысханнар. Суу тынъ даа тиренъ нимес, хурчанъча ла полған. Сүгенге чит парып,

аны көдір көрерлеріненъ, анда хайдағ-да палых пулғанънап, сүгенні хыймырадыбысхан.

— Ана!.. Пар!.. Пар!.. — хысхырыбысхан Посқыр.

— Амыр-амыр! Кізі истіп салар! — сыбырапча Апчук, позы тітірес киліп, сүгенні сығарарға күстенче. Сүгені нимееде ілініп сығара тартылбинча.

— Худай, кізі нимес... часкабыс полды... Улуг сортан кіртір, — Посқыр тұқүрігі ікі чапанчызынанъ¹ сыхханча манъзырап چоохтапча.

— Хайданъ сортан полчанъ!.. Сортан сүгенге кірбекенъ, ну пил палых полар, — солепче Апчук.

— Пил пол парзындах. Пил хулахтығ полбачанъ хайза... Мыны көрчезінъ, хулахтары сосхани осхас. Пу полза-полбаза мыра пол парды полар, — сёлидір пазох Апчук, позы сүгенні сығар полбин тулғорнынъ ўстүндегетурип, сүф сапхан ағас чіли, тітірес турча, че сүгенін салбинча.

— Че, син палыхтынъ даа пүдүзін таныбас кізі полтырзынъ, Апчук. Пу миндір пол парды полар, неке, мыра нимес... анынъ учүн угаа ар.

Посқыр, сүгензер онъделеп, сүф түбіненъ харағын албин көр тур. Олар, ікізі дее тулғорнынъ ўстүне сығып, сүгеннінъ ікі хыринда мокейізіп, турналар чіли, пастарын удур-тәдір айландыр салып, турғаннар. Оларнынъ көлеткілері улуг нимес салғахтанған сүғда игір-пүгүр полып, тіріге көрін турча. Сарыс палыхтанъар айныбинанъ айныбысхан. Оларнынъ табыстары арығда ырах истилген. Түрче поларынанъ арығзартын кізі табызы истилібіскен:

— Сірерге мында кем сүген сух салған?!

Апчук чочаанынанъ түзелібізіп, арығзар хылчанъ-

¹ Чапанчы (кач.) — ахсынынъ хырилары.

набызып, ананъ на суғзар сас ойда парған. Сүғнынъ салғағы улуг тегілектеніп хырға читіре парған.

Посқыр, хырға сыгара ойлабызаға хынып, тулғор ўстүнде айлан парирып, Апчуктынъ ўстүне метли түсікен. Анда олар ікөленъ, чүзіп ўгренмеен күчүг адайлар чіли, пурхлазып, хырзар чүзіп соёлін сыйханнар. Хырға хайди полза чидіп, сооларына айланып көрзелер, паяғы кізі холына харыс пістіг палты тудын салған тулғорча пуларзар кизіп одыр.

Йо, халах... тын хутхаранъ! — Апчук хысхыр киліп, сұға кірген таңдахха той, чалаас пуды чалтынънап, арығ аразына кире чүгүрібіскен. Посқыр, ахсын ачыл, ахынънап, анынъ соонанъох ыранъмат чүгүрген.

Үйдірбап сырьптарға қыртырып, пір полза оя тырбадып, илееде парғаннар. Пір чирде хойығ арах сырьптар учурал парып, анынъ аразында пәгіп одырыбысханнар.

Кистілерінде сыйлазыбысхан. Түрче полғанда, Посқыр ачых хыйғы төкпиненъ, соон хабынып, тура хонған, Апчук ідәк хысхырбинанъ, тура хонған. Ағас төзіндегі хоохтанъ аарлар, тубан чіли, толап, оларға сырлызыбысханнар.


— Хан худай!... Хайдар кірим?! — Посқыр, прай чириң хабынып, пірде учуҳ килген аарны оос чалбаананъ саап, пірде чирге ойда түзіп, тебенънеп, хысхырча. Апчугы хысхырбин даа бөстеп ле, пірееде, ўстүне ізіг сұғурыбысхан адай чіли хайнъылап, от аразында ойда түзіп, ікі холынанъ аарларны сапхапча.

Орінер ниме оларға асқынах полған, олар харах-хулахтарын тулууп иде ізіттірғлеп алып, өлернінъ пу хыринда, арығданъ иирзер ле сыйханнар.

Че палыхтынъ чапсых мүніненъер оларға сағынарға даа ідіргестіг полған.



ШАРТІЗАН ҚҮННЕРІ
очерк



1. ЧЫЛ ЧЫЛНЫНЪ СООНАНЪ

Пабам мині, тоғыс часха чидерімненъёк, орыс пайларға мал хадаарарға пирібіскен. Орыс пайларнынъ холында чёріп, кибім чабал, сооха тоопчам, азырал майынъ, харным астапча тіп найланарға пір дее чарабинча. Мині чаллаң алған ээлерім постарына киректіг полчатхан тоғысты минненъ хатығ сурчанънар.

Минdeg чалғыс-чаланънар орыс тиремнелерінде чалда-хұлда минненъ дее пасха көп полчанънар. Олар постарынынъ аар чуртастарынанъар ідőк чарыда иде, найланыспин, постарынынъ аразында ла хыйыхтаныстығ chooxtas чёрченънер.

Чыллар чыл соонанъ ирткениер, чоннынъ аразында нааданъ наа түбен-пасха қоох пар полыбысхан. Минненъ ээлерім паза олар осхас пасха даа пай хоныхтығ кізілер қоохтасчачанънар: «Чоннынъ чуртазы ардабысты, тобінгі nimеe сабырлыбысты, аннанъ андар ах ханынъ чирінде чоннанъ чабал чоннар — большевиктер сығып, чонны хырып одырлар».

Узун састьғabyстар, постарынынъ мадах-педек харныларын тошпайтып, чоннынъ аразында ідőк улуғ қоохтар таратхлап чёрченънер: «Чон қахсы улуғ худай-чаянны ундуп, айна-чиксер сабылып, постарына улуғ қазых-

ты артынчалар». Олар чонны хығырчанънар: «Харындастар, пичелер, чииттер, кирілер, улуф чаянны ундуланъар, адабыс ах ханны арачыланъар, айна-чиктінъ путхағына кірген чоннынъ чабалы — большевиктерге удурлазанъар, чаалазарға тимде полынъар!»

Че ол туста чоннынъ аразында оларға тоғыр пасха чоох пар полған. Чох-чоостарнынъ паза чалчыларнынъ аразында андағ чоох тарап турған: «Тоғысчы чон көдірлібіскен. Ханнынъ ўлгүзінінъ пазин сұдабиңыбыс-хан чох-чоосты, чалчыны паза прай даа істенці халыхты пайларнынъ холынанъ позыдар ўчүн, большевиктер партиязы хан ўлгүзіненъ тоғыр күрәзіг пасталпача!»

Хайзына киртінченъ? Хайзы сын полчанъ?

Ырах чирде истілген оттығ чалымынанъ хызара тынминалъ Октябрь чиде түскен. Чоннынъ хорылызы улам тыбысыхан. Истіг-сиптіг пайлар паза ізі-хузы чох абыстар, тар турада тыныстары тарғынах полғандагы чіли, улуф тынғлап, көміскелерін түзірінглеп чөрглебіс-кеннер. Чох-чоостарнынъ паза чалчыларнынъ пілінчек арахтары, туюхха күлімзірезіп, азах-холны хатығ пасхлап, хараҳтыötіг иде көрглеп паставысханнар.

Прай даа чон усхуныбысхан.

Минінъ сағызым ідőк кёллче тарта усхунып паставысхан. Ол сағыспынанъ мин хараа-күнөрткізіненъ санаңызып чөрченъмін. Іди сағысха түзіп чөрген соонда, ол сағыс маға сөлебіскен: «Э, син, Николай, чалда чөріп, чазып өлгенче, ханнығ күресте чоннынъ ўчүн чөріп өлзенъ, саға ноозы пасха полча».

Андар, ол большевиктернінъ хығырчатхан чиріне, күреске туарға, чоннынъ тынъ көп сабазы айланып, ағын сүғча маңыразып, узах-тиспек кочібіскен чіли, тибіrebіскен.

Пір туста минінъ чалда хада чөрген арғызымнайъ,
Мишуренконанъ, чоптезібіскебіс. Мин агаа сөлеем:

— Че, Григорий, чалданъ сығыбызабас, парып, хы-
зылларға хозылыбызанъ.

Ол пастағы тустарда төдірлене түскен, че соонанъ
чопке кил парған. Күскүде Мишуренконанъ піс чөрген
әэзібістенъ сығыбызабас, позыбыс чиріне, Хакасиязар
парыбысхабыс. Анда килебес, тимненіп албинанъ, хы-
зылларға пірігерге паарға сағынғабыс.

Мында килзебіс, позыбыс чиріндегі харасхы хакас
чоннынъ аразында хабар хабарданъ пасхачыл, соох
choохтанъ пасхачыл, онъдайын-пазын пілчее ле чоғыл.

— Большевиктер килир бе хайдағ, — тісчелер, —
кізіні тіріге иреелеп өдірчелер бе хайдағ, хаraphтарын
суурғлап, пурунинарын кисчелер бе хайдағ!

Минінъ хада килген арғызым Мишуренко маға позы-
нынъ чалтанызын анда ла орта сөлеп пирген:

— Чох, Николай, мин парбаспын, минінъ палаларым,
ипчім, мин сохта біліп чадып халарлар, — теен. Че мин
позымынъ пастап сағынған сағызымда хатығ, ник ту-
рыбысхам. Сағынчам: «ноо полза, ол ползын.»

ХЫЗЫЛ ГВАРДИЯНЫНЪ АРАЗЫНДА

Декабрьда пір мунъ тоғыс чүс он сигіс чылнынъ
түгендізінзер полған. Минсуғ городтынъ улицаларынча
андар-мындар хайбанынап парчам. Іди парирып, көр па-
ризам, пір тас туранынъ ізии ўстүнде хызыл флаг хал-
бастан турча. Аны көре ле, минінъ хуйғам сырлазып,
чүреем тибірии түскен, «минінъ тілеп килген чирім пу
полар» тіл сағын салғам. Аナンъ ол туразар ікін-
чили-ікінчили сыххам. Ізігінъ тудазын тударға су-
лан парып, тідінмин, холымны төдір тартыбы-

зып, позым төдір пастырыбысхам. Тура пулиинда сағынып тұрчес турғам, «пу ба алай нимес пол парды ба, чарапанъ ма чарабаңанъ ма кірерге?» Аナンъ пастыр па-рып, харахтарымны хатығ көріп, ніткемні пик тудынып, пір сағынып, ізікті ачып, кире хонғам. Стол кистінде одырғлаштаптан ўс-төрт кізілернің аразынанъ пір тууп пальто кискен кізі тура хон киліп, наа боскен ўстүндегі кірбе сағалын сыйбанып, чылығ күлінісненъ күлімзіреп, минінъзер удур ойлап килген. Ол минінъ чарныма сап-пинанъ сурча:

— Пок, арғыс, хайданъ чит килдінъ? Піске хозылар-ға килдінъ ме?

— Йа, хозыларға килчікпін, — тіпчем.

— Синінъ пічиинъ-нименъ пар ба? — сурғаннар минненъ. Мин позымнынъ аал пастьарынанъ алған, «анд-дағ-мындағ хомай ниме, оғыр ниме итпеең кізі», пазылған пічиимні сығарып көзіткем. Аны хығыр көріп, ол кізі мині холданъ хаап столзар чидектеен. Стол кистінде одырғлаан кізілер минінъзер чылығ харахтарынанъ көргеннер, хайдағ-да ниме улуғ өрінген чили күлімзіребізіп, удур-төдір choохтасчалар.

— Тынъ чахсы, арғыстар, — піске нацмен хозылча.

Оларнынъ аразында пір хара тоннығ, улуғ хулах-тыр күрень пірік кискен пәзік ипчі одырган. Паза пір пора таарлығ, ах піріктіг пәзік кізі минненъ сурча:

— Син chalғызаан на килдінъ ме, арғыс?

— Йа, chalғызааннабын.

— Мылтых атып піледірзінъ ме, мылтых тутхазынъ ма?

— Атчанъмын аразында піреे саасхан нимені.

Тууп тоннығ кізі, пулунъзартын пір мылтых алышып алып, маға ағылып, алныма тудып, көзіткен.

— Мындағ мылтых атчанъзынъ ма? — тіп сурған.

— Чох, мындағны көрбеченъмін, — нандырчам мин.
— Мин атчанъ мылтыхты мыннанъ ухтаchanъмын, —
мин ол пасхаңыл мылтыхтынъ ўдінзер — дулазынзар
көзітчем.

Кізілер күлінізе түскеннер, ўгренер... ол манъат ат-
ар, тіп сууласчалар.

Анда тууп тоннығ кізі оларнынъ пірсіне сёлеен:

— Син, командир арғыс, мыны пакхауссар апарып,
агаа прай тим-тиригін пирібіс, анаң казармазар апар-
сал.

Пора киптіг пәзік кізі мині позынанъ хада хыры
парыбысхан. Ўр ниместенъёк мин, прай чаа тирииненъ
тириніп, чааачы киптіг казармадағы көп чоннынъ аразын-
да полғам.

Соонда нинче-де күн пазынанъ пілгем, ол тас тура-
нынъ істіндегі кізілер Минсуғдағы Реввоенкоматтынъ —
Реввоенсовет членнері полтырлар. Тууп пальтолығ —
Воронцов тіп арғыс полтыр паза аннанъ пасха Сиротин,
Катаев паза ипчі кізі Тушчик арғыстар полтырлар.

ПАСТАҒЫ ЧИНЬІС

Хысхыда, 1918 ч. февраль айда Минсуғдағы хызыл-
лар отрядынынъ штабына Хызылчарнынъ военный окру-
гынынъ штабынанъ телеграмма килібіскең: «Сотников
атаман позынынъ ах казактарынанъ хада Минсуғзар
килир». Олох туста пістінъ отрядыбыстынъ начальнігі-
нінъ приказы сых килген, Сотников атаманны тоғыр-
лап сығарға тибес. Пістінъ отрядыбыс сах андох пар
тиміненъ тимненіп, Лебедев арғыстынъ командовать
полғанынанъ, Сотниковты тоғырлирға тимнен сыйхан.

Пістінъ отрядыбыс сығарға тимнен турғанда,
отрядыбыстынъ командирі chooh chooxtaan. Ол сёлеен:

— Арғыстар! Піс, чох-чоостынъ ўчүн, істенці халыхтынъ чаҳсы ўлгүзінің ўчүн күрезерге турчатхан, хызыл гвардия полчабыс. Піс чоннынъ ўчүн турчабыс. Піс ырып-цыданъ чалтамаспыстар, аргыстар! Піс күрезербістер, аргыстар, толдыра чиньіске читкенче! Ахтар, пайлар паза абыстар чох таратчалар, большевиктернің хызыл гвардиязы чонны ўретченъ, кізіні иреелеп өдірченъ чон полча тибес. Че піс, аргыстар, позыбыстынъ чаҳсы, чонға кёйленістіг полғаныбыснанъ, чонны асханынанъ айландырып, оларны пілініске ағыларбыстар.

Пістінъ отрядыбыс париганын истебес, ах казактар тизіп Саянзар айланыбысханнар. Піс оларны сүрізіп андарох чөрібіскебістер.

Піс пір улуғ тиремнеге читкебіс. Тиремнеге кіргенібісте, улицада пір дее кізі ниме чох полған. Тиремнедегі полған на тураа кірзенъ, анынъ істіндеге ниме-ноо онъартискер пола тұсклеп парған поладыр. Ибнінъ ээзі сағам на көзіп парған осхас. Хайдар кірглеен чоннар полчанъ? Пір дее чирде кізі ниме көрінмінче.

Піс, аргызымнанъ хада пір ибнінъ сиденіне кіріп, аттарыбысты палғап салабас, тураа кір парғабыс. Кірзебіс, анда пір дее кізі чоғыл. Полда иргі маймахтар, мелейлер паза пір чабал тоныцах чадыр. Стол ўстүнде пір улу-үф чохыр хоосха пағрайып одырча. Минінъ аргызым күлініп чоохтанған:

— Пок, пу чонны хайдар... чил хаап парған полчанъ ма?—Тынънал турзам, хайда-да ниме сыйланънаан осхас. Ойлап парабас пис озарин көрдім — чоғыл. Горница істінзер пахлап көрдім — чоғыл.

Минінъ аргызым мылтиин суурып, ізік наағына чөлеп, позы кровать хыринда стене хазында чатхан ноода нимеліг хап ўстүне одырыбысхан. Ананъ на киіліп хайда-да кізі чабал табыснанъ хысхыр салыбысхан.

Көрзем, аргызым, харахтарын хайда-хайдар улуг иде көрібізіп, тура хон киліп, мылтығын хаапча. Пудурғы ўстүне одырған хабы тибіреп сыйхан. Паза көрзебіс хап істіненъ пір хыралған пастығ апсаҳтынъ пазы көрініп сыйып одыр. Пістінъ мылтыхтығ турғаныбысты көре ле, пудурғы апсаҳ choохтан киліп орлап салыбысхан:

— Ио, чаҳсыларымай, пазымны ла ўзе киспенъердек, нооны хынзар, аны алынъар... тынымны ла халғызынъар...

Апсаҳты ікөлень алдаң, чоптеп, чадаң ла тохтадып алғабыс. Позы прай унға патып партыр, хабы ун урчанъ хап полған полар чізе.

— Хайдағ... син, улааганъны тілең, хапха кір парған полғазынъ ма, апсаҳ, кізіні чочытчазынъ,— минінъ аргызым, мылтиин ізік наағына чөлелчедіп, тапсапча.

Апсаҳ андада кёблче азах ўстүне тур килебес, піссер киртінмин көрглепче, харахтарын чызын турып. Позы choохтан полбин ахсын на хыймыратхлапча.

Мин, позымнынъ хатхым килгеніне тызын полбин, сыраймыны кидер айландырыбысхам. Аннанъох андар пес ўстүнзер көрібіссем, анда хараҳ чылтырап паза кізі холы сарбанънидыр. Чахсы иде көрібіссем, пір инейек ўмекти чат салып, позы ниме-де сыйыранып, крәстенглеп чатча.

— Син чи, уучанъ, чазыныбох муханапчазынъ ма?
— тапсабысхам мин, анынъзар күлініп. Инейек, сорайа одырып алабас, аナンь минінъзер харахтарын сурландыра көріп, одырыбысхан.

Ол туста минінъ аргызым, сағызын орнына ағылы-бызабас, сурған:

— Паба кізі, син піске адыбыс отхарып аларға көп нимес от пирдек.

Апсаҳ ниме-де нымыланып, табырағынча полда чат-

хан тонычахты кизіп, чаланъмазох тасхар сығара хонған. Піс түрче полып анынъ соонча сых парғабыс. Паяры апсаҳ, көрзебіс, аньмарынынъ алнындағы колодаа толдыра сула урабас, анынъ хырина пістінъ аттарыбысты палғағлапча. Піс андар читкелеебістöк, ол піске удур ойлат килебес. ибзер ысча. Позы амды ла ачых-чарых иде тапсап choохтаныбысхан.

— По-ок, хайраххан, сынап таа тыным сала сыға хорых парбадым чи, ооллар, — тіпче.

Ибге кір килгебіс, пудурғы инейек, пес ўстүненъ түс киліп, улуғ пес ахсынынъ алнында турып, харахтарын амизе чызын турча. Апсағас ананъ на инейегіне сабарын турғыстырарға манъзырат сыххан. Апсаһ піснінъ кёблче тарта choохтасхан. Мин аннанъ сурғам:

— Ноо нимеденъ хорығып піді чазынған полғазар?

— Ананъ, тыныбыстох ал халарға тіп чізе, — күлініп апсаһ нандырған. — Хорғыт салчалар кізіні, — тіпче.

Большевиктерденъ хорыххабыс тіп көнізіненъ сөлирге апсаһ ам даа тідімmin одырча. Минінъ арғызым, аны азындаох піліп, солепче:

— Чох, паба кізі, большевиктер кізіні өдіріп нименоозын пылағлирға чёрбинчелер. Олар чоннынъ хонин ўчүн күресчелер.

Апсаһ паза инейек ікізі дее піссер матап анъдыбысханнар, ананъ удур-тöдір көрізе тартханнар.

— Иа, йа, — тіпче апсаһ, — киче мында казактар тееп ирткениер, пістінъ айдас-айдас киптерібісті алғлап алғаннар, чабалын мында халғысханнар, — тіп апсаһ позынынъ чыртых тонына көзіткен. — Олар піске сөлееннер: «большевиктер кильзелерöк, олох апарыбызылар. Олар алғанча, піс алибыс. Большевиктер кильзелер, сірерні пурнунъар, хулаанъарданъ пасти кисклеп өдірерлер», тееннер. Анынъ ўчүн, мин чізе, түрче дее

полза чарых алтындох чуртирга ба тіп, тынымны аяп, уннығ хапха кірдім ни. Черт, пу кізінің ол туста ис-хут пар ба за, пірее солынар ла чир ползын.

Аның өлеңінде піс арғызымнань хатхырысчабыс, ол пісненъ хада ідőк позының хойығ хатхызын сыгарча.

Үр дее полбин стол ўстүнде прай ла түбен-пасха чіченъ ниме тимге сых парған. Піс ўзінчі чірчелерібісті ізіп одырганыбыста, улицаца хабар пирченъ пырғы та-бызы истіле түскен, піс стол кистіненъ сала манъзыри сығабас, анымchoхтазып, аттарыбысха алтанарға ойлас парғабыс. Аттарыбысха алтан салып айландыра тарты-бызып чёр сыхханыбыста, тураданъ инейек сыгара хон-ған, ол, пір хұчахча пирог паза шаньга халастар сығар киліп, піске пирғен. Анда піс позыбыс таа тынъ ёрін парғабыс.

Піс чёр сых париғаныбыста, инейек сообыстанъ көріп харахтарының чазын чызын турған. Апсахтынъ пазы хазарып көрініп, ол ідőк сиден істінде турып, харахта-ры чызынып тур халған.

Иирге сабылыбысран полған, пістінъ отрядыбыс ти-ремнеденъ чёр сых париғанда.

Чолда парирып иссебіс, ахтар Тастанулер айлан-дыра тудыбыстырылар. Отряд оларның соонча чөрібіс-кен. Тастануле чидіп одырабас, піс піліп аяғабыс, ах ка-зактарның анда полчатханнарын. Отрядда команда пи-рілібісken, Тастануле прай хурчи алыбызарға. Че андох піске ах казактарбынанъ атызып чаалазарға киліспеен,, піс ах казактарны тоозаларын 17 кізіні тутхлап алға-быстар. Олар прайзы даа офицерлер полғлааниар. Ан-да піс пілгебіс, оларның отрядында прайзы чүс ар-тиинанъ кізі полтыр. Че, хаңан пістінъ отрядыбыстанъ тисчеткен туста, оларның чоннары ол арадағы тирем-нелерге чол парирып, чазынып тарағлабыстырылар.

ПАЙЛАР ВОССТАНИЕЗІ

Минсұғдағы Революционно-военнаій советтінъ штабы полчатхан кварталданъ ырах нимес паза пір кварталда земскай управа полған. Тарғынах пулунъа хызылып одырған пайларнынъ устар-пастарлары анда халып одырғаннар.

Пір күн иртен, танъ чарирынанъ, истіпчесебіс, тас-хар, улицаларда, хайдар-хайдар чон табызы истілче. Ікінчі взводтынъ командирі, казармаа кире хон киліп, хыйғы салған:

— Ікінчі ввод, стройға!

Казарманынъ істі прай хорылышысхан, чаачылар хайзы азыранғап одырғаннар, хайзылары маймахта-рын суурелап салып, тынанғлапчатхан полғаннар.

Мин, тура хонып, пора катанкамнынъ сарсығын ки-зебес, паза пірсін таппиныбысхам. Көрзем, миніненъ хости полған арғызым Гришин пора катанкамны позынынъ хара катанказынанъ хоза кизіп, сығара ойлап па-рир. Наар алтын көрібіссем, анынъ пір катанказы анда чадыр. Аナンъ табырағынча аны кизе тарта ла сығарох хонғам.

Ікінчі ввод тоозазы стройға тур парғанда, командир прайзыбысха искірген:

— Арғыстар, мындағы, орындағы, пайлар восстание көдірібістілер. Олар Революционно-военнаій советті чох идерге пеер килирлер. Че пірдеенъер кізізер атпанъяр, команда пирілбенче!

Үстүнсарыхтынъ улуғ нимес тан саап турған. Ули-циларда, хайда-да янызы чох, арам-арам мылтых табызы истілген. Пістінъ ввод стройнанъ килебес, Реввоен-совет полчатхан тураны хурчи турыбысхан, аナンъ анынъ паза земскай управа полчатхан туранынъ аразына

улицача пән тартылыбысхан. Түрче поларынанъ, ырах-
хы улицаларча хайдар-хайдар улуг хыйынанъ чон сы-
ғып, пістінъ хадар турған турабыссар сығып одыр. Піс-
тінъ командирлер азынадох искіргеннер, кем пән тар-
тылған границаны тызыға килбін иртсөк, атарбыс ти-
бес. Че ол ығып одырған чон пір дее тызығ истерге хын-
миныбысхан. Оларнынъ хайзы узун мылтыхтар туды-
нып, хайзы хысха мылтыхтар тудынғап, пулунъ-
салынъа көли ойласхлап сыхханиар. Пірееде анда-
мында мадах-педек харыннығ, чазағлығ кізілер көрін
халчатханнار.

Оларны көріп, піс хости турған арғыстарыбыстанъ,
удур-тәдір choохтасчабыс:

— Сіренізерде сіренізіп сыдабаанда, амды пүдірібі-
зergе, харагы соң хой чіли килирлер.

Мин холымдағы мылтиимны хатап-хатап ник тутчам.

Ол соонзартын анда-мында хыйғы табыс истілчे:

«Позыдынъар Чибисовты! Позыдынъар Чибисовты!»

Чибисов — пайларнынъ полысчызы — эсер кізі пол-
ған, аны хызыллар чинъен соонда харибге чапхан пол-
ғаннар.

Мыннанъ командирлер ол чонға удур искіргеннер:

— Айланынъар нандыра, айланмазанъар, атарбыс!

Ол чон пастап туртуға түскен, аナンъ көйлче пулунъ-
салынънарданъ пазох сыххлабысханнар. Оларнынъ
аразында піре-піре чирде мылтыхтар тапсағап пас-
таан. Пірееде чон аразында чылтырах мархалығ офицер-
ге той кізілер көрін халадырлар.

Анчада, пістінъ командир көйлче чахығ пирген —
ікілер ухнанъ чоғар иде атарға. Мылтыхтарнынъ табы-
зы азық киині бітре саап, тинъ нимес тыңыр-таңыр тү-
зе парған. Аナンъ на чон хараж-хулах соң нандыра атых-
хан. Улицада анда-мында кізілер түніейізіп чатхлап

халған. Командир, хысха мылтиин суура тартып, пістінъзер ойлап, хатығ табыснанъ хысхырып, сурған.

— Кемнер атты чонға орта?

Чаачыларның табызы агаа нандыра истілген:

— Пір дее кізі атпаан чонға орта.

Взвод чонның парған чолынча чөр сыххан. Улицача аңддарыл халған кізілерні парып тибіредібіссен, олар пастап пастарын көдіріп, харахтарын тыпладып, адань тұра хонып, харағы чох хой чіли, уундар ўқұс салчалар. Командир анда хатхырча:

— Мин сағынғам, піреезі чалбайтыбысты, тибес.

Пір тураның көзенек алтында өскірген ыдырбан ағастығ сиденек хырина пістінъ чаачылар ойлас парып хысхырызыбысханнар:

— Арғыстар, пулемет турча, пулемет!..

Піс, ойласхлап парып көр салғабыс, ол сиденек істіндегі ыдырбаннар аразында пулемет турча паза хыринда харачахта, патроннығ ленталар чатхлаан.

— Ок, ооллар, паза түрче ле полған полза, піске чарба ур пирер полтырлар, — хатхырып, чоохтапча пір чабызах сыйнығ оол.

— Піске пу артых нимес, — паза пір оол чоохтанып пулеметты сиденек істіненъ сығара сөзір килген.

КИМ ИНДІРЕ

Пір мунъ тогыс чүс он сиғінці чылы париган. Алтын зарыхтынъ пір чехословактар войскозы сығып одырғаны истілібіскен.

Пір күн казарманың істінде чон чығырама иде полған. Хайзылары наар ўстүне одырғлап салғаннар, хайзы одырар орын чох полғанда, азах пүкти одырғлапчалар, хайзы азах ўстүнде мылтыхтарын таянып турғлапчалар.

Казарманың істінде тамкы тұдұні тол парған, көк тұбан чіли, көрін турған. Казарманың істінде полда турған хызыл ис чапхан узун столның кистінде ўс кізі одырған. Оларның аразында Реввоенсоветтің члені— Воронцов, отряд начальнигі — Глухих паза пірсі — Сепертин. Воронцов, тууп пальтозының карманынань пурун пладын суурып алып, хамағының тирін чызыбызып, анань холларынань столға таянып, позы көксін сала іскер арах мёкейте тудып chooxtabysxan:

— Ана ол саринань, алтынсаричань, чехословактар, пістінъ фронтты хыс киліп, он городтарны холға алдып аларға хынчалар. Піске андағы хызыл фронттарға полызығ идерге мыннань ікінчі отрядты пүдіріп чөргізергө кирик.

Казарманың істі тибіри түскен. Кізілернің хайзы азах ўстүнде турып тынанған азахтарына чоленглееннер. Ах пörіктіг, хысхацах сарығ тон кискен садыра сырайлығ чиит оол, тартып турған поозын тастабызып, степең чолене турыбызып, кöйлче chooxtanabyxsxan:

— Парбаспын!.. Хайди итселер, іди итсіннер... Анда парып, аттыр саларға ба?

Анынъ хыриңда турған пір чиит таарлығ оол, мылтығына көксіненъ чоленіп, позының ээгін холының ўстүне сал салып, ниме-де сағынып турған. Хайзы чаачылар, пастарын пәзір көдіріп, кізілернің иньнін азыра хараглаң, Воронцовтың chioғын тынънап турғаннар.

Воронцов позының chioғын тоозыбызабас, алнында турған тимір алғайахтань сүғ сузып алдып, ізібізіп, анань пазох chooxtag сыххан.

— Чаачы арғыстар, алтынсархы фронтта ікінчі отрядха кем кірер?

Түрче тып-тым полып, амыр одырыбысханнар. Чон аразынань кем-деötіг иде хысхырыбысхан:

— Ноға пістенъ сурчазар, сірер позынъар пілерге кирек, кемні ызарын, ыспазын?

Воронцов андар көрібізебес:

— Піс, арғыстар, ханнынъ солдаттары нимеспіс, чаада кізіні хамцы, мылтых күзіненъ сүрерге хынминчабыс. Піс пілген нимені сірер дее пілергөк кирек.

Хайзы-да пазох чон аразынанъ хысхырыбысхан:

— Мин парапбын!.. — аナンъ пазох пасхазы, аナンъ пазох. Париған сыйнанъ казарма істіндегі чон праизы хысхырызып сыхханар:

— Мині, мині, мині! Ол чоннар аразында списокка мин пазынъбох салғам. Нинче-де кізі тапсабин халғанар паза олар списокка дее пазынмааннар.

Ікінчи күнінде піс Минсуғданъ ўс пароходтығ сыйбысхабыс Кім индіре. Пістінъ отрядыбыста пір ўс дюймовай пушка паза пір пулемет полған.

Пароход, алтынсарых алдыра Кімче улуғ-улуғ ёстеп, аナンъ хайда-хайдарötіг табыснанъ абағырып, чёр сыйбысхан. Көгілбей сүр салғахтанып, кобіктерні улуғ тегілек алтынанъ тарадып ағыс сыххан.

Пароходтынъ істінде улуғ ыр табызы янъыланыс сыххан.

Смело, товарищи, в ногу!
Духом окрепнем в борьбе,
К царству свободы дорогу
Грудью проложим себе.

Хызылчарға чидерібістенъ, пісті ікі чарыбысханнар. Аナンъ обозтар тымнеглеп алып, отряд Хызылчарданъ Маринсксер чёр сыххан. Маринскке чағдаң парғанда, исте-түсте чох чирденъ чаа пасталыбысхан. Көрзе, ол чехтарнынъ инъ улуғ күстері полтыр, олар, пістінъ отрядтынъ париганын азынада піл салабас, сахтап, одыртыбыстырлар.

Пістінъ отряд часпанъ, ачых чирге сығарынанъ — ананъ на киліп ибіре сарибыстанъ мылтыхтар тыдырас сыхханнар. Ух тіченъ ниме іди ле, хоофы талалған аарлар чіли, ыыласхлапча. Чон хайдар-хайдар хорылызыбысхан. Пірее чирге көленіп атысанъ даа онъдайы чоғыл, ибіре сарибыс ағастар паза ас ѡскен хыралар, андартын мылтых табызы сыйыр-садыр ла түсче. Атырып палығлатхан кізілернің хыйғызы, командирлер-нінъ чаа онъдайына турғызарға команда пиріп хысхырысхан табыстары паза мылтых табыстары—прай ол табыс пірігіп, кізі онъарылчаа чох полыбысхан. Че андағ даа полза пістінъ отрядыбыс чаа онъдайынча тари чёр сыххан, ол арадағы никче ле чадып көленерге чараадағ оймахтарға көленгелеп, ананъ на удур атызып пастаабыс. Че ол туста пістінъ көп кізі аттыр салған полған, аннанъар отрядтынъ күзі тынъ хызырыл парған.

Ыырчынынъ көленіп, чадып атыпчатханы онъдай орында полған, оларны атарға хынзанъ даа, көрімінче.

Пістінъ отрядтынъ хайзы чардии атыспин нандыра ойлас сыхханнар, че оларнынъ көбізі аттырыбысхан, хайзылары өдіре аттырғлап, хайзылары, тізенъ, палығладабас, ананъ ханға-суға патып, тұра хон киліп, мылтығынох хаап, пір-ікі атарға манъянан халча. Че ананъ көрзенъ, ағаа пазохölімінг ух киліп, аны хыймырабас иде анъдар парған поладыр. Че команда пірліче:

— Ойласпанъар! Чатхлирға!

Хачан отряд чатхлабысханда, ухха аттырған кізі арам полыбысхан.

Кинетін пістінъ онъ сарибыстағы ағастанъ паза анынъ хыринанъ най ырах нимес турған астығ хыра аразынанъ илееде хырых-илігче кізі сығара хонғаннар.

«Ура!» тіп хысхырыспинанъ. Ол туста пістінъ цепте мылтыхтар удаа хойығ садразыбысханнар. Түрче ле поларынанъ кизек чехтарда хорығлығ табыстар истіл тұра парған. Оларданъ көп нимес ле, он азығча кізі ағасха кире, нандыра, ойлазыбысханнар, чардығы аттырғлабызып, ағас тастында ачыхта түрспейізіп чатхлап халғаннар.

Цептінъ кистінде табыс истіле түскен:

— Арғыстар, чехтар килген чолыбысты тулғи ал парирлар! Арачыланарға!

Килген чолчұ тәдір сабарға командирнінъ табызы истілген.

Цептінъ чатханох тузынанъ тәдір айланыбызабас, ананъ килген чолзар пірерденъ ойлазып чёр сыххан. Көрзебіс, пістінъ килген чолыбыссар чехтар пірденъ-ікіденъ паза илееде кизектерненъ ідәк китезіп ойлазып, анда цептінъ пастапчалар.

— Отты тыыдарға! — команда пирібіскен. Анда ла пістінъ отрядха халғанчы күсті саларға киліскен. Анда ол цепті ўзе саап полбазабыс, пістінъ паза сыхчанъ чирибіс өфіл. Прайларында еағыс: «ölерге бе мында, алай ба пар сох күсті салып, ырычынынъ цебін унада саап, мыннанъ сых парарға ба». Үр нимес поларынанъ, ырычынынъ цебі ўзе сабыл парған. Отряд килген чолынчох Хызылчарзар чөрібіскен. Ол айланыста піске тынъ улуғ чобағ көрерге киліскен. Пір хыринанъ піс атыста илееде чаачыларыбысты чідір салғабыс. Паза пір хыринанъ улуғ сидіксіністіг нандыра тобырыста азых-түнүк тее хада чынарға манъ полбаан. Хараа-күнбрте, астап, қазағ килерге киліскен.

Хызылчарға чидіп тее киліп, піс піліп алғабыс, Хызылчарда юнкерлер восстаниезі көдірілібіскенін.

Отряд анда аттығ чөрченъ кавалерия отряды пүдірерге қаратхан. Мин алында кічігденъ сығара мүніп чёр

піледіргенімненъер паза аттанъ чалтамас полғаным-
нанъар ол кавалерия отрядына кірбök парғам.
Анда отряд пірігіп, Хызылчарзар восстаниенъ күре-
зерге паарға тимнен турғанда, мин алындағы таныс
оолға, Сукин Ванькаа, тоғас парғам. Ол мині көре ле,
пос кізізі полғаннанъар полар чізе, позынынъ взводы-
нанъ чарылып, пістінъ кавалерия отрядына кірерге ха-
разыбысхан. Анианъ піс Хызылчарға килібіскебіс.

Городтынъ центріне чидіп одырғаныбыста андартын,
тас тураларзартын тигірибнінъ санъ сапчанъ чирінечъ
мылтых тазылас сыххан. Улуғ улицанды тоғыр кисклесен
кізілер переулоктарға кире көли чүгүрткебіскендер. Че
ён улицаа кірченъ онъдайы қофыл, анынъ иртченъ, ёт-
ченъ чирлері прай тулғалғап парған. Восстание пүдір-
ген ахтар паза оларға хоза орындағы пайлар ол тулғағ-
лығ чирлернінъ озаринанъ, пу саринанъ сыххлап киліп
атысчалар. Андар иде чүгүртіп парзанъ, кизек иртер чир
чабыл парған полча. Паза көрзенъ, тас туранынъ паза пір
хыринанъ сыйып атысчалар. Улицада ухха аттырған кізі-
лер тігде-мында чатхлапчалар. Оларнынъ аразында хай-
зы ипчілер, хайзы олғаниар парохтар. Піс анда ўс күнче
тартысхабыс. Че анынъ соонда пістінъ отрядха команда
пирілген, городтынъ Кимзеркі хырин холда тудып, чаң
күзін анда чырырға. Амды за мында восстание турған-
нарбынанъ тартызарға олох тузазы чох полған, пір хы-
ринанъ, городтынъ онъдайлығ чардиниынъ кобізі ах-
тарнынъ холына кір парған полған паза, пір хыринанъ,
Хызылчардағы Реввоенсоветтінъ устағчыларынынъ хай-
зы туттырғлабысханнар. Хызылчардағы Реввоенсовет-
тінъ устағчыларынанъ хабар алысчанъ онъдай чох полы-
бысхан. Че піс анда төдір чёр сыххабыс, позыбысты
чинъдіргенге пір дее санабаабыс. Чалыннығ койген отты
оларнынъ узурып полбастары піске іле көрінген.

Улицаларның аразынань чалань паза чазағ кізілер көрініп сых килчелер. Аナンь мында пістінъ отрядтың хадағда турған чардығы удаа мылтыхнань атып сыхса, олар кинетін чіт парчалар. Отряд пристаньзар чынылыбысхан.

ПАЗОХ ПАРОХОДХА

Күн харагы чабыс түзібіскенде, кии сала сёрён арах пол париған. Городтың Кимзеркі хыри паза пристань ам даа хызылларның холында полған. Городтың он улицаларынзартын мылтых табызы ўзүгі чох тарсылас турадыр. Пірееде улицаца ат табаны тазырааны истіледір, аナンь пір-ікі хати мылтых тазыли түссөк, ат табаны тазырааны амырап парып, кізі хысхырғаны истіле түсче.

Піске чылғыларыбысты пароходтарға тұрғышларға тынъ манъзырырга киліскен. Городтың он улицаларынань Кимзер иде ухтынъ кил турғаны хойыбинань хойыбысхан, андартын пеер иде ахтарны позытпасха хадағда турған чаачыларыбыс чағдабинань чағдабысханиар. Олар хыстырып паставысханиар. Андаза хортых тынъ улуғ полыбысхан. Пістінъ отрядыбыстынъ піреес чардығы пароходда одырарга манънамазох, анда оларға Кимге ле кире атығарға кирек.

Хорығыс тыбынань тыбысхан. Отрядтың көп нимес чардығы ам даа пароходда одырғалах полған. Көрзебіс, пір улицадань ахтарның отрядтары сығып, пістінъзер атхлап, чағдаш одырлар. Хырдағы чылғыларға хайзына ух тенълеп, олар чоғар сегірізіп, аナンь аньдарыл парчалар, піреезі, ниме зе, ээзиңінъ холынанъ суура тартынып, хайдар полза күс салыбысча. Кізілерінъ харахтарында паза сырайларында ўрүгіс пос полыбысхан.

— Ахтар чаңдаң одыр! — хысахырысчалар.

Іди хорылызып турғанда, түрче поларынанъ пістінъ пір пароходтынъ ўстүненъ пулемет садырап тұра парған. Сах олох туста пістінъзер ойлазып одырган ахтарның отряды уундар хорылып паставысхан. Анда мылтых табызы тымылып, кізілернің ачығ табыстары истілібіскен. Олар пулемет атызына орта кил парғаннар, аннаңар оларның көп нимес чардығы ла тари ойлазып, чазын сыхханнар, че көбізі андох, чар хазында онъар-тискер түскелеп халғаниар.

Түрче поларынань, пароходтарның хойығ түдүннері чоғар сығара халбайзып сыхханиар. Олар хайдар-хайдар харлама табыстарнань, удур-төдір хыйгласхан чили, абағырызып, анань постарының улуғ терпектерінен сүгнү манъатап көбіктелдіріп, орта чара саап, пірсі-пірсінің соонча Кім тобін чөрглеп сыхханиар. Мин пілгенде, олар «Сибиряк», «Инородец», «Дедушка» тіп пароходтар паза аннань даа пасхалары полғаниар.

Ікі суткаса тохтағ чох, Кім тобін инген соонда, піс Енисейск тіп городха читкебіс. Мында читсебіс, улуғ городтың істі ідөк уйғу-чадыннанъ азып тірілібістір. Пістінъ пароходтарбыс тохтағлаанда, командирлер прай отрядты тооза хырға сығарарға қаратпааннар. Сигіс кізіні хырға сығарабас, улуғ тракт өлшеме разведка ысаханнар. Оларның аразында мин полғам. Хырға сыххан оолларның хайзылары паарға көбленіксібин өохтааннар:

— Мынча ла кізі ноо ниме пүдірерге паарбыс...
өлім тілеп парчанъ ма?

— Олердень хорыгарда нимеे килгезінъ зе? — удур нандырыбысхан минінъ танызым, пір Соловьев тіп чиит оод.

Ол күнде иирге читіре улуғ чолца разведкаа чөріп,

аннанъ хараа Енисейсксер айланғабыс, пристанъда пір дее пароход чоғыл. Піс удур-төдір анъдысхлап түрче турғабыстар, аннанъ городсар парапра чарадыныбысхабыстар.

— Чахсы ла кирек полбады неке, пароходтар парыбысты, — сөлеен Соловьев Петя. — Піске сағамды ўзер-төртер кізіденъ пойліліп, пірее чирденъ хонар чир табынарға кирек. Андарох мында хайдағ хабарлар полчатханы истіп аларға. Кирек сидік пілдірзöк, анда пос пілгеннни арачыланарға кирек полар.

Аннанъ піс ўзөленъ, Соловьев Петро, Гравес Данил паза мин арғыстарыбыснанъ чылызып, тоғазар чир чоптес салып, оларданъ чарылыбысхабыс. Узун мылтыхтарыбысты чығлап салабас, хысха мылтыхтарыбысты кип істіне көли суғынглап, городтынъ істінзер кірібіскебіс.

— Городсар ырах кірбеске кирек, андар сүгенге кірген палых чіли, тулғал парапбыс — choохтасхабыстар кёйлче.

Пір переулокка кіре ле, чабызахына тураллахсар айланыбысхабыс. Че андар чағын иде парапра пірдеесбіс тідінминче, анда пірее хадағ тур полбазын тін сағынчабыс.

Арғыстарым мині парапра күстебіскеннер. Хысха мылтиимны карманыма сұғабас, кёйлче туранынъ сиденіне кірібіскем. Көрзем, сиден істінде пір сағаллығ апсаҳ сабаннанъ сүғ сусча. Мин, хырина пастыр парып, изиенестім. Сурчам:

— Синде хонып аларға чарир ба?

Апсаҳ пастап талсабин, түрче турып, аннанъ нандырған:

— Хонарға нога чарабачанъ, че тарғынача.. Семьям көп. — Аннанъ минінъзер кірібізіп, сурған:

— Син хайданъ парчазынъ?

— Піс пароходта тоғынған полғабыс, ўзбленъміс, амды наң парирыбыс, — тіпчем.

Апсахпынанъ мин ўр нимес choохтазып, аны чопке ағылып алғам, ағаа төлир полып. Ол пісті позынынъ сиденіндегі мылчағына кирер полған. Мин арғыстарыма сығырыбысхам, олар килгеннер.

Ибнінъ ээзі апсахпынанъ танызып алғабыс. Ол Харин Григорий тіп апсаҳ полған. Олох күн піс аннанъ коп нимес азых садып алғабыстар.

Енисейкте хайдағ хабар пар полчатханын сурағлап алғабыс. Ол аннанъ-мыннанъ хаптыра choохтапча:

— Киректінъ учун-пазын пілчее ле қофыл... Хайдағда большевиктер сығырыбысхан тісчелер, оларбынанъ күрезерге отряд пүдірглепчелер.

Аны исте ле, пістінъ чүрек систи түскен. Сах андох Соловьев Петр сурған аннанъ:

— Мында чи андағ отряд парох па?

— Пар, пар. Ол мындағы орындағы дружинниктерденъ пүткен. Пу күннерде илееде кізі тутхлап алғаниар, хайзын атхлап, хайзын чапхлап... — Ананъ апсаҳ, пазын чайхабызып, хол ла сабысхан, — беда, чабал чи ки-рек.

Амды піске киректінъ хайдаа-андaa пілдістіг полыбысхан.

Кічицек, тарғынах, харасхы мылчақатынъ істінде піс уйғу-чадыныбысты чідірібізіп, амды хайдар паарыбысты пәгінізіп, чоптезіп одырғабыстар. Мыннанъ ат чаллибас сығарға кирек, ахчабыс хайға чидер, ағаа читіре чалнанъ парып, аннанъ андар Хызылчарға хайди полза чидербістер. Аида чидіп киректінъ хайдағ полғанын пілербіс тіп қарат салғабыстар.

Иртенінде иртőк, піс иб ээзіненъ пазох сурынғабыс,

піске пірее ямщик таап пирерге. Ол парабас пір, улағ тартарға чалланчанъ кізіні таап килген. Піс, анынанъ choохтазып, Тунгуска тіп тиремнене читіре апардыраға чаллабысхабыс.

Хос ат кёлген кресен тарапазына одырып, городтынъ площадын тобыра иртіп парирып көрзебіс, площадта чон сүреліг чыылыс парған. Ол чоннынъ аразында пірее-пірее чаачыл киптіг кізілер көрін халчалар. Андартын табыс истілче:

— Пирбесің чирібісті-суубысты большевиктерге!
Чох ползын совет ўлгүзі!

Аны ла истіп, минінъ істіме соох чайла түскен. Арғыстарымны көрібіссем, оларнынъ сырайлары ідőк пас-ха пол партырлар.

Мин, ямщиктінъ сыртына холнанъ чачыбызып, ананъ алнынзар хол сабысхам. Ол аны чаҳсы онъарбің, аттарын тохтадыбызып, позы піссер айлан киліп, ниме полды тіп сурған.

— Чөргізіп одыр тидірбін, — манъзыратхан Петя по-зынынъ істі тарыххана на сыданмин, ханъаада тістенекти одыр салып.

— Сағамох көр салар ползалар пісті сүріс киліп, тудып аларлар, че анда паза піске ниме өфіл, — сыбырапча ол маға.

Ямщикібіс анчада пістінъ сыбырасханыбысты піл салып полар чізе, переулокка көленгенде, аттарын манъзырат сыххан.

Город тастына сых париғанда, Петя, соонзар айла-нып көрібізіл, ананъ тапсабысхан:

— Мына ооллар!. Сүріс киліп одырлар!

Мин сала манъзыри киліп айлана тартып көрзем, ам даа пір дее ниме көрінгені өфіл. Данилні көрібіссем, сырайы тос чіли пол парып, наганын сығар киліп, позы

чыгырайбысхан одыр, соон даа көрбин. Ол ідőк тее хайдаг-да көп тапсабас паза хортых кізі полған.

Түрче полғанда, Петяны көрзем, хатхырып чызыл парған парир. Анчада ла Данилібіс пазын көдірібізіп, соонзар көріп, тарынып, тапсап сыххан:

— Син, Петя, алығ тізе, алығ нимес, хыйға тізе, хыйға нимес кізінъ.

Петке анчада хатхырыбох солепче:

— Син, Данил, хозаннанъ даа халбас кізі полтырынъ.

— Син дее пая, городтанъ чёр сыхханда, чаҳсы ла айлахтанып одыргазынъ — тіп, анчада Данил күлінібјекен.

Күн күнөрткі тусты иртібіскен. Ізіг. Чазы істі көгеріп хайзы-хайзы чирде чайылып чітче. Чазы хустары чайғы киині көглендіре сарнасча, оларнынъ табыстарын истіп, چалбах қазынынъ көлбейчеткен ўстүн көріп, кізінінъ чири-суу сағысха кірче. Улуғ көгісті сығарып, ырлабызардағ. Паза пір хыринзар көрібсессенъ, анда хамчы патпас хара тайға наірал турча. Піс прайзыбыс тапсаспин, ибіре көрглеп, пос-пос алынча сағынып парчабыстар. Чайғы күннінъ чарин көріп паза көлбейген көк қазынынъ ўстүн көріп, мин позым даа пілінмин, хакас ырнанъ ырлап париған полтырбын.

Петя хатхырыбох, тапсабысхан:

— Пок, мин Николайнынъ позынынъ ырын ырлаанын амды ла истім.

— Ёскен-тöреен минінъ хакас қазыларым сағысха кір парды чи, — нандырчам ағаа. Данилні көрзем, пазын түзірібізіп, сабыхсып киличе.

Тунгуска тіп тиремне көрінібіскенде, андартын удур пір ханъа киліп, піске учураан. Ол пісті апариған ямшигібістінъ хончии полтыр. Чиде ле, тохтап, чоохтазы-

бысханнар. Аңзы сурған, пісті хайзына читіре апарығанын.

— Тунгускаа читіре апарим. Син чи, хайға читіре пар килизінъ? — сурған пістінъ ямщигібіс.

— Мин мына пу, Тунгуска озариндағы тиремнен кізілерөк тартып париған полғанымда, кирек онъдайы чох пол парды.

— Хайдағ онъдайы чох кирек полған? — сурча мынызы.

— Минінъ тартып париған кізілерім хызыллар пол парып, оларны мына пу Тунгускада чаап салдылар, — тіпче.

Аны ла истіп, оолларнынъ істінде, пазох тараканнар чүтіріскен чіли полыбысхан. Удур-төдір чачызыбыстыбыс. Сагынып одырчам, «че, чаҳсы позыбыснанъ кил-чікпіс нооза», тибес.

Олар тынъ даа ўр турбин, чөрібіскеннер. Ырах нимес паарынанъ Петя мага көйлче солидір:

— Тиремнен кірбес кирек, мыннанъ чазағ тайғаға иртібізенъер.

Мин анынъ чөбін чарадыбыстым. Данилданъ чөп ниме дее сурбаабыс, ол оланъайда даа піс қаратхан нимеденъ тоғырланмағанъ. Ямщикті тохтадыбызабас, ағаа нинчеге чаллаан паазын пиріл, сөлепчебіс:

— Син, харындас, айланыбыс мыннанъ. Хайдар чөр килдінъ ноо тіп кізі сурза, кізі тартхам тібе.

Ол пастап пістінъзер тантынап арах иде көріл, аナンъ табырағынча қаратхан.

Хачан піс қолданъ сығабас, чөрглеп сығарыбыстанъ, ямщигібіс сообыстанъ хыйғлабысхан. Айланып көрзебіс, холында ниме тудын тур. Мин ойлап парғам, пірее ниме позыбыс ундубыстыбыс полар чи тибес, чидіп көрзем, пір улуғ кизек сосха чаа пирче.

— Азиинъар чоғыл, неке, алып алынъар... Тігдőк сөлебеезер, мин азых таа ал пирерчікпін, — тіп тапсағлапча, позының хабын одырчань сіреезіне този салчадып. Мин ағаа ахча пиргем, че ол анзының ўчүн аларға хынмаан.

Аннанъ андар чазаг ўзбленъ, тайғаны көре улуғ-улуғ хаалағлап, чёр сыххабыстар. Алныбыссар асхынах көріп, сообыссар айланып, көп көргебіс.

Алныбыста тұғдұр тайға пәзік, чабыс сыннарны тұлғи чабызып, анынъ оймах-осхылларынча тинъ-пір тартыл парып турған.

Петя Соловьев, алныбыстагы халын тайғазар хан-тотыр иде холынанъ улабызып, сёлеен:

Мына мыннанъ азыра орта парзабыс, анда піс Хызылчарзар парған улуғ тракт чолға хайди даа учурирға кирек.

— Анда, тайғада, піске піреे улуғ арах чул-чулат учурап парза чи, аны хайди кизербіс? — сурғам мин.

Петя, түрче сағынып, ибіре көргелеп, ананъ сёлеен:

— Чох, арғыстар, пу сынға орта сыхсабыс тынъна улуғ чул чох поларға кирек. Тайғаның чабыс чирлері мындар иде халарлар, улуғ чуллар полза, андар ла пар полар. Ананъ тайғаның пәзігін тарта, көріп алып, андар кірібіскебістер.

Тайғаа кірерібістенъ чол сидік полып паставбысхан. Анда пірееде хойығ, кізі иртері чох ыдырбаннар учурап парча. Ол азахтарыбысты сырбағлап, киптерібіске ілінгел, чөрерге харығ полча. Ниме зе, онъар-тискер түсклеен ағастар учурап парчалар. Оларның ўстүненъ дее асчаа, алтынанъ даа бтчее сидік полыбысча.

Хайда-да мылтых табызының янъызы, тайға істіне тарап, тайғаның амырын сайбап парча. Пірееде хатығ

тұмзұхтығ тобырғыларның хатығ ағасты соҳхлап, та-
дыратхана истіл турча.

Піс парбинанъ парлачабыс, че хайца даа ырах па-
рыбысханыбыс пілбінчебіс. Күн харагы пастағы арада
хойығ ағастыңъ анахтарыныңъ аразынанъ тігде-мында
чалтыранънап көрінген, че соонда, иирге чағдабысхан-
да, күн харагы көрінмін, тайға істіне пүрүнъкі түзібіс-
кен. Пістінъ азахтарыбыстынъ, холларыбыстынъ күстері
хызырылып, позығлап паставысханнар. Пір хыри-
нанъ, чөрізібіс синіненъ иртіре сидік чоллығ, паза
пір хыринанъ, көп нимес тее азыранчанъ азиибыс чо-
был.

Петке Соловьев уундар ойынчыл полчанъ. Піреे чир-
де тынанарға тохтаан аразында Данилбіненъ піс чоо
тарын киліп, сидік чолға учурааныбыстанъар хырзына-
быс, Петке хормачыланып одырча:

— Сірернінъ машинанъарныңъ бензині тоозылыбыс-
ты, арса?

Данил ағаа удурлазып тапсал одырча:

— Сини артығы пар полза, піске ўлестір пирдек?

Ананъ майыхханыбысты ундуғлап, ойыннанъар сарыс
пүдіргелеп халчабыстар.

Танъ наа ла көгеріп одырғанда, піс пәзік синінъ
үстүне сых килгебістер. Анда танъныңъ читіре чарирын
сағып, одырып, паяғы сосха чаан көп ниместенъ чіп ал-
габыстар. Петке пісті сизіндірген:

— Час сүтті ас харынға көп эмген пызо хайди пол-
чанъчых са? — күлініп сурча пістенъ. Аны хабын салып,
піс тынъ көп чібин тохтат салғабыстар.

Танъ арығли чарып килген. Тайғаныңъ чабыстарында
ам даа тубаннар тартылғлап парған турған. Пәзік чир-
лері харалып, сүр ортызындағы чіли, көрінгелеп турған-
нар.

Арғыстарым иирде наннана чатхан тустарда, мин одырып, ибіре-сібіре көрглеп одырғам. Іди одырбинанъ, пір ләзік сынны азыра тайға тобыра субал пәрған ачых көр салғам. Арғыстарыма солирімненъ, олар тұра хон киліп, андарох анъдып сыйханнар. Түрче көріп, Петке солидір:

— Пу тракт чол пол парды полар,— тидір.

Піс Данилбіненъ ікінчілеп, соонда киртінібіскебіс.

Үр нимес чоптезіг ирткенде, піс ол көрін турған ачых-сар парапта чарадыбысхабыстар.

Пастап ол ачых піске чағын чіли пілдірген, че хачан піс тағданъ иніп андар чёр сыйханыбыста, ол ачых піс-тенъ ырабинанъ ырапчахан чіли пілдірген. Парап чолыбыс таа уғаа сидік полған, паза күзібіс тее тоозылғлабысхан. Чолыбыста хайдар-хайдар тломығ паза палғастығ састан учурағлапча, оларны хайди полза иртіріп алзабыс, пазох ағастығ чир учурап парча.

Халын тайғаны арали ўр бе, ас па парғанда, мин арғыстарымның көп нимес алнына кіріп, пір кизек ачыхха сых килгем. Позымның алнында тазырама улуг чол көр салып, хахаанынанъ ағассар төдір ойлабызып, арғыстарыма сөлеем:

— Мына, ооллар, улуғ чолға учурап пардыбыс. Арғыстарыма ідőк пööге түскеннер. Данилнің харахтары ёріністіг чылтыразыбысханнар, ол уғаа тынъ майыбысхан полған. Аナンъ піс чол хазынзар иде көйлче китет парып көрчебістер, пу хыринанъ кізі ноо килигені пар полбазын тибес.

— Че, ооллар, амды піске пу чолнынъ ортызынча парапта чарабас, — тидір Петке, — алныбыстанъ алай ба сообыстанъ сыйхан кізі көр салар, чолданъ тастых иде ағас аразынчох парапта кирек.

Көйлче чол хости парчабыстар. Пірее чирде ырахтын

ханъа күзүреені истілзöк, піс от аразына пöögіп чадыбысчабыстар, ол ханъа чидіп ирткенче.

Ол күнні иирге читкенче парғабыс. Пір чирде шістінъ алныбыста поскотина учурал парған. Аны көре ле, піс табырағынча пазох ағас аразынзар кірібіскеңіс. Анда тиремне ғағын пар поларға киліскеңін піліп, анданъ сизінібіскеңіс. Піс хайданъ ибір парчаан даа, хайдар парчаан даа пілбинібіскеңіс. Пір хыринанъ күзібіс ўзілібіскең. Мин солепчем арғыстарыма.

— Ченъер, ноо полза ол ползын, тиремнене кірібізенъер. Үр піди чаазирбys па?..

— Чох, Николай, — тидір Петке, — анқазын сыданда, түрче сыданыбох көреньер... Нооданъ ноо полбай.

Іди ағас арали париғаныбыста, пір чирде Данил нимееде өрініп тапсабысхан, «мына ооллар», тіп анданъ позы табырағынча, ыдырбан аразына мёкейіп, андар холын сунча. Піс, анынъ хырина чит киліп, көрзебіс, ол хызылхат чистектінъ кёк хастахтарын кёр салып, оларны ахсына тастаан ўстүне тастап тур. Харын астааны күс полған. Петкебіненъ піс аны ахсыбысха теерібök пастаабыс, ас харынға чіп алып, соонда чаазирыбысха даа хайбин. Асхылдым ачығ хастах ўр дее итпин пістінъ тістерібісті хабыхтыр салған.

Анданъ андар пазох чёр сыххабыстар. Кізі майыхханда, чолда хайығ-сарығ полған ниме, чораа ла полған ниме чили, пілдірченъ полтыр. Алныбыста пір ніскечекіне оттығ чулыцах сорлап ахча. Анынъ хыринзар кизерге тіп ғағын пастыра ла, хайдар-да чиріне хурчанъача чыпли түскем. Мині көріп, ооллар пастап тойдір ойлас парып, анданъ онъарылып, мині холданъ халханнар. Анда даа полза, піске ол чулыцахты хайди даа кизерге ле кирек полған, анданъ пасха пістінъ иртченъ чирібіс чох полған. Іди ғазып чөргенібіске әкпеленглеп тее пастабысхабыс-

тар. Мин, прай кип-азаамны суурелап, чулычахты кизіре тастағлабызып, лозым кизібіскем. Суутынъ даа тиренъ полбиндыр, хурчанъча ла, че андағ даа полза, хайдархайдар соох. Анынъ түбіндегі пустары азахха пос урунглапча. Арғыстарым минінъ соомча ідőк чалаастанғлап кискениер.

Ол хараағызын ідőк ўйгу чох, ағас аразын аралы чөріп, тиремнені ибір парап онъдай тілеп, чөргебістер. Танъ көгеріп чарып одырғанда, пазох пір тағ ўстүне сых килгебіс. Анынъ алтында пір тиремне көрін турған. Анда піс, танъ чаҳсы чараанча одырып, пазох сығарпарап орын көрглеп одырғабыстар.

Танъ чарып, күн көрінібізерінен көрзебіс, тағ алтынзар, пістенъ ырах ниместе, пір ханъа турча. Анынъ хыриңда пір сабдар адычах тузамахтығ сегір чёр.

— Ол мында хонған кізі одыр, — chioхтаан Петке.
Мин солепчем:

— Пар көрим, анынъ азых пар полза, садып аларға.

— Хайдағ-хайдағ кізі полар, туттыр таа саларзынъ,
— тіпчелер аргыстарым.

Че минінъ ам туттырарымнаң даа көп чалтанғаным чох полбысыхан. Мин ниме-нооларымның хайзын арғыстарыма таастап, ахча алыш-алыш, паза наганымны нимінде сұғабас, ол ханъаазар инібіскем. Чағдан киліп көрзем, пір кізічек ханъаазының алтында сидол-казын частан салып узупча. Аны көріп, андағ-мындағ хомай ниме сағынчаа даа чох полран. Пастыр киліп, хырина одырып, инніненъ чайхап, усхурыбысхам. Кізічек харағын улуғ көрбиненъ тура хонып, андар-мындар хайбанынап сыххан. Че аナンъ, оттап чөрген адын көрсалып, сала амырап парған.

— Пот, паба кізі, — тіпчем, — синінъ азых пар полбазын, садар полбинъ?.. Астанъ астап, өзөгерім не халды.

Кізічек, пазындағы киис слепезін тигейінзер көдірібізіп, солидір:

— Чох, харындас, сатчанъ азиим чоғыл... Позымнанъ халғаны пар, пиербін. Ананъ ол хыриндағы хабычаңтанъ улуғ нимес іпек тілімі ал пирген.

Ағаа даа мин хайдар-хайдар ёрінгем. Ананъ түрче минзер көріп, сөлеен:

— Син тиремнее парапа кирек, анда азых табарзынь. Че мин ағаа көнізіненъ сөлеем:

— Чох, маға тиремнее парапа чарабас. Ананъ іди соленібіскен соонда ла хабын салғам, аннанъ на ачырған парғам, ноға іди соленібістім зе? Амды ол тиремнее парыл چарлабысса, пісті тик тутхлап аларлар, тіп сағына тартхам.

Ол кізі минінъ іди хорыхханымны көріп, полар чізе, қоҳтап салған:

— Андағда, син ананъ тиремненінъ тігі хыринда ікі ўс пирстача парып, сағирзынъ, мин тиремнеденъ азых сығар пирем.

Мин анынъ іди сөлееніне сах іди киртінмедім, че андағ даа полза, анынъ сөлеенін чөпсініп, ағаа ахча пиргем. Позым арғыстарымзар айлан килгем. Тілімніг ипекті ўс چара ўлезіп, олох туста чібіскебістер. Анынъ на соонда Данил хаптағы сосха чаан алып, солидір:

— Ниме зе ҹагны іпек чох, ниме зе іпекті ҹаг чох.

Анда піс тынъ даа ўр тудыларға чарадынминыбыс-хабыстар. Піс сағын салғабыс, че амды пудурғы кізі пісті چарлабысса, тілеп киліп, тутхлап аларлар. Піске амды табырағынча мыннанъ ырирға кирек. Аннанъ сұғ хастада тайға өнгіліп, илееде, писалты пирстача, ырибас пазох кичеегі улуғ тракт өнгіліп, үзбекінде жаңа пасталыбысқан. Мин соленіңем: — Ти-

ремнене айланып, кірер кирек, піди майыл парып, азых
чох хайдар парчанъмыстар.

Арғыстарым, тізенъ, пір дее чопке килбінчелер.
Ананъ мин сөледім:

— Че сірер хынминча ползанъар, мин позымны пи-
рінчем, сірернің ўчүн паза позымның ўчүн. Сірер мині
мында сағынъар. Иирге читкенче килбезем, анда тут-
тырганға санирзар.

Анчада Петке паза даа сарыспады. Ол choохтанған:

— Че, саңъай ла андаға полза, парохса. Тударға
хынзалар тик ле холға пириңме, атызып ала, ойлирға
харас. Піс синіненъ хада тиремнене чағдаанча парапох-
лыс, анда чадарбыс, синінъ мылтых атханынъны иссе-
бізёк, полызарға ойлазарбыс. Холға пириспеспіс.

Олар, миніненъ хада тиремнене чағдаанча киліп,
ананъ ағас аразында, чол хазында, чат халғаннар. Мин,
арғыстарымнанъ анымчохтазып алыш, хабымны иньні-
ме тастап, наганымны пазох нииме суғып, чолча пас-
тыр сыххам. Позым сағын парчам: «Паза айлан полам
ма, чох па?»

Тиремненъ пазына кірерге чағдан таа парғанымда,
улицача маға удур пір ханъа сығара салған. Аны
көріп, мин чолданъ суғып, сырыптар аразында, оды-
рыбысхам, ирткенче, сахсынарға. Іди көріп одырзам,
ол иртен тағ алтында тузамахта чөрген сабдар адычах
мында сопладып иртіп парир. Көрзем, анда ээзіненъ
пасха хада кізі ниме чоғыл. Иртіп париганда сығабас,
тапсабысхам. Кізіңек мині танып салып, адын тохтады-
бысхан. Хабынанъ ікі улуғ булкалар сығарып пирген.
Аны ла көріп, азахтарымны даа пасханымны пілінмин,
ойлап киліп, іпектеріні хабыма суғып, ағас аразына кире
нандыра ойлабысхам. Арғыстарымның чатхан чиріне
чиidіп одырғанымда, олар мині көр салып, күлімзіреп,

тур килгеннер. Ол туста минінъ дее ёрінгеніме ойнирым тудыбысхан. Мин сырایымны хомай тудыбызабас соомзар хылчанънап, ойлаачы полып, тапсабысхам:

— Мына, сүріс килирлер!

Ооллар аны ла истіп, минінъ алныманъох ағас аразына чылбырас халғаннар. Мин оларны миқелеп, хорғыдарын хорғыдыбызып, соонанъ оларны чадал ла сұріп чидіп, тохтадып алғам. Олар, ікізі дее наганнарын холларына тудып, сырайлары хуурта тартып парып турғаннар. Петке минінъ хатхыр турғанымны көр салып, анда ла күліне түзіп, мині сөккебіскең:

— Хаарғанох полғазынъ, сала позынъа саай итпедінъ... Ағас аразында сыйбырап одырғанынъда сүрізіп чидіп одыр тіп сала ла атпадым!

Данилні көрібіссем, ирні хазар парып, улуғ-улугтынелап турча. Аны көрерімненъ, маға ол хайди-да уғаа аястығ пілдір парған. Сағындым, «ноға, іди ідőк тее ўрүгісте чөріп, арғыстарымны хорғыдып, алахча поларбын за?» тибес. Мин сах андох, оларнынъ алнында просынабас, олар маға тарынмазыннар тіп сурингам. Анань мин андох хабынанъ пір улуғ булка сығар килемес көзідерімненъ, арғыстарымнынъ сырайлары көгліг пола пиргеннер.

Анда піс, ағас аразында пір чұлыцах таап алып, анынъ хыринда азыранглап, тосхырынып алғабыстар. Астаан харныбыс сала-сула тосханда, пістінъ тынана-рыбыс килібіскең. Хараҳтарыбыс постары нуулып, пазыбыстынъ ўстүне тас салған чіли, чабыра пас сыхханнар. Анчада ла піс, ағас аразынзар ырада парып, онъдай орынах таап алып, анда узуп аларға чатхлабыс хабыстар.

Мин хайдағ-да чабал түс түзеп паставыстырбын. «Хайданъ-да пулемет ўзүгі чох тадырап ла турча. Ух

пістінъзер, наңымыр чіли, чаап турған полча. Піс кіреп-парар чир таппин, ўзölенъ андар-мындар ойласчабыс. Хайдар даа ойлазабыс ухтар пістінъ хырибысча сығырызып ла турчалар. Іди тызы чох уйғуда аахтапчадабас, мин усхуна чачырап парып, тура хон килгем. Харахтaryмны чызынып, чаҳсы онъарылып истіп одырзам, пістінъ хырибыстағы пöзік пуйған ағастынъ пазында хайдағ-да хус тапсан тадыраптодырча. Ол хайдағ-андағ хус полған, мин ам даа пілбінчем. Анынъ табызы парчых тіп сағынзанъ, парчыхти нимес, тобырғы тіп сағынзанъ, тобырғыни нимес, хайдағ-да өтіг, тадырос осхас полған. Анда мин онъарыл салғам, ол хустынъ табызы минінъ хулаама истіліп, мині уйғуда улартыпчатхан полтыр.

Күн хайданъ-да тискертін сых килемес, ағастарнынъ хойығ анахтарын тобыра чалтырап турған. Мин арғыстарымны усхурыбысхам. Олар, тура хон кіліп, миңдін чіли постарынынъ көпкел парған харахтарын чызып, ибіре көрчелер.

— Күн сыхханча узубыстырыстар, — сөлепче Данил. Соловьев Петке, күнзер көріп, ананъ ибіре хырин көрглеп, тапсабин ўр одырған. Піс Данилбіненъ, амды хайданъ паарар чирібісті көріп, чоохтазып одырғабыс. Петке пістінъзер көріп, күлімзіребізіп, пістенъ сурған:

— Ўр узудыбыс па піс, ооллар?

— Көрчезінъ нооза, киҷеэ ииэр зер чатханнанъ, пүүн күн сыхханча узуп салдыбыстар, — наңдырғам мин. Анчада ол піске чоохтапча:

— Чох, ооллар, күн сыхханға даа той нимес. Піс харааны тооза узуп, пүүн күн тооза, күн кірерге чағданча узуп салтырыстар. Сірер астых партырзар, күнні сығып одырған иде көріп, килген чолынъарнанъ наңдыра паарарга тимненчезер нооза, — күлген ол.

Чахсы онъарылып көріп одырзам, сынап таа күн сых-
пин кірерге чағда париған полтыр.

Кип-азахтарыбысты онъдайли, хатап тонанғлап
алып, аナンь Петкенінъ пастаан чолынча чөрглеп сых-
хабыстар. Ырах нимес парапыбыстанъ, кичегі улуғ
тракт чол анда учурал парған.

Пір сутка чадыр узаан соонда піске чол парапы уғаа
тынъ сидік полыбысхан. Қиңе ле чахсы полған азах-
тарыбыс көпкел, ағас ла суххлап салған чіли пілдірче.

Улуғ тракт чолны хастада париғаныбыста, пістінъ
алныбыста ағас аразынзар иде ханъа хоғдырааны ис-
тілібісken. Піс тынънана түскебістер, аナンь андох чол
хазында көленіп чатхлабысхабыстар. От аразынанъ па-
зыбыс сығарып көр чатсабыс, пір ипчі кізі терпектіг
ханъаачахха одыр салған, чолча сопладып килир. Піс
аны тохтадарға чарадыбысхабыстар. Ағастанъ сығып,
чолча ағаа удур киліп, аны тохтадып, изеннескен соон-
да, піс сурғабыс, пу чағында тиремне пар ба тибес. Ол
піске нандырған:

— Мыннанъ ырах нимес парзар, тиремне учырир,
мин ол тиремнеденгъмін.

Аナンь пазох анда хайдағ хабарлар парын сурға-
быс. Че пістінъ суриибысха ол ипчі тынъ чігленістіг
сöстерненъ нандыр сыххан:

— У-уй, нанчылар, анда уғаа улуғ хорғыстығ пол-
чаш... Ирткен парғанны иртірбин, түрмеге чаап ла сал-
чалар, хызылларны тутхлапчалар, олар чабал чоннар
ба хайдағ... Мин хызылларданъох хорығып, пу көп ни-
мес ниме-ноочаамны чазырып, хончых тиремнезер, ту-
ғаннарыма, апарим.

Пістінъ чүректерібісті ол choохтар пазох тибіредібіс-
кеннер. Удур-тöдір хылчанънастыбыс. Тапсаспин туры-

бысхабыстар. Түрче полғанда, ипчі кізі анымchoтазып, ананъ чөрібіскен.

Амды пістінъ алныбыста пазох сидік пöгініс турыбысхан. Ағас аразынзар кіріп, чöп пүдір сыххабыстар, хайди полчанъ? Тиремнені ибіре пазох тайғача чөрібізерге — азых өфөл. Пір хыринанъ уғаа тынъ майыххлап парғабыстар. Түрче ўзўріп, сарызығ иткен соонда, піс ол өағынғы тиремнене кірерге чарадыбысхабыстар. Пістінъ сағынғаныбыс андағ полған: «че пісті тудабас чаап таа салзалар, пістінъ холыбыста хызылларда полғаныбысты пілченъ ниме-ноо халбаза, анда хызыллар идіп атып салbastар. Че мыннанъ піреे чирге ызар ноо ползалар, Хызылчарданъ на пасха чирзер ыспастар. Че хайди-піди холға кірбин халзабыс, анда пазох пірее ямщик таап аларға».

Ол орыннанъ ырах нимес парапыбыстанъ, пір чулыштахты кизіре салған тахта учураан. Аннанъ тиремненінъ пазы көрін турған, чапхан иблернінъ хырлары көгерекөллеткілен турчалар. Адай ўргені, інек мүүреең истілче. Пірееде өтіг табыстығ питук, янъыландақа кукуриктап, тохтап парча.

Ол тахтанынъ хыринда піс позыбыстынъ мылтыхтабысты паза прай даа, кізіні чіглендірер нимелерібісті суурғлап, тахтанынъ алтына чығлибас, ананъ кёні чолча тиремнезер пастырызып сыххабыстар.

Чиксін парғаныбыс тик полбаан. Тиремнене кірерге чағдаپ парапыбыстанъ чол хыринда турған хазаа пуллинзартын кізі хысхырыбысхан:

— Тохтанъар!

Піс тохтабысхабыстар. Пістінъзер мылтыхтарын улап ўс кізі ойлас килгеннер. Петке олар читкелектöк, піске өарым табыснанъ сёлеен:

— Хорыхханынъар пілдіртпенъер, ник тудынынъар.

Олар ўзіненъ дее оланъай киптіг полғаннар. Оларның пірсі ортымах сыннығ, хысхацах хара тон кискен, сарығ кірбе сағаллығ, ортыли пирген кізі мылтиин тимде тудып, пістінъ алныбысха ойлап килебес сурған:

— Хайдар париған кізілерзер?

Петке прай, алнында учураан кізілерге хайди чоохтаанъ, сах ідőк сөлеен:

— Пароходта тоғынған кізілербіс. Енисейскайда турған пароходтанъ тизіп сығабас, амды нан парибыс.

— Чөрінъер штабсар! — тапсабысхан алныбыста турған тарынцах сырайлығ кізі, позы пістінъ чөрер алныбыстанъ тоғыр пастыра пиріп.

Пістінъ ікі хырибыста паза сообыста мылтыхтығ ўс кізі пісті улуғ, чапхан турал читіргеннер. Ирткен-парғаннар, пісті көре ле тохти түзіп, көр турыбысалар паза, ағаа хоза, туралар аразынанъ кізілер киліп, турып, көрчелер.

Хара төннығ кізі ікі чиит оолға пісті хадарта турғыс салып, позы турал кире ойлабысхан.

Түрче полғанда, пістінъ хырибыста, ырах ииместе, көп чон чыыл парған. Анда иреннер, ипчілер, хайзы саал платтарын чабын салған, паза олғаннар. Оларның кёйлічे тапсазып ўрғістіг чоохтасханнары піске чаҳсы истил турған. Хайзылары чоохтапча:

— Түни ағылған кізілернің ікізі хызыллар пол партырлар... Оларны мына пу тиремнезер апарып, анда ағасха саланънада палғап мондыр салғаниар, парасханнары, — пір ўн аястығ табыснанъ чоохтапча. Аныла ис肯де, минінъ істіме соох сүр чайылған чіли пол халған. Сағынчам, че амды паза парчанъ чир чоғыл піске, блімненъ не пасха. Андағ даа ползә, мин позымның хорыхханымны пілдіртпеске харасачам. Арғыстарымзар көрзем, оларым ідőк амыр, хорыхпин турчалар. Данил

папирос сарып турча, хорыхханын пілдіртпинче. Өріне түстім мин дее. Харын даа пу пудурғы чииркестіг choхты испеді, искен полза, анынъ азах холлары прай тызығ чох полыбызарчых. Ол онъдайда даа тынъ хортых полчанъ.

Түрче полғанда, тураданъ ікі кізі сых килгеннер. Пірсі пудурғы кірген кізі паза пірсі андағы дружиннарның пастығы полған полар чізе. Ол хулахтығ хара хурусха пörіктіг, хара парчатка тонығ полған. Тастында хызыл тууп сумқаа суххан хысха мылтығас саланънап чөрген. Анынъ чырта чачыридағ хызыл сырайын паза подушка сух салған осхас харының көре ле, ол кулак кізі полғанын сах андох піл салғам.

— Ніндібізеге кирек пуларны! — пулбуранған ол, позынынъ сосхани осхас харахтарын пістінъзер кірбік аразынанъ көрібізіл. Пісті ўзібісті тинъе ўс кізі пазыбыстанъ азахтарыбысха түзіре сибастырғлап пастааннар. Мин позымда хайдағ полза ниме таппастарына ізен турғам.

— Пу нименъ полчанъдыр? — тапсабысхан Данилні нінділ турған кізі. Көрзем, Данилнінъ көгенегінінъ тастында, хурында патронташ көрін тур. Че пістінъ часка-бысха ол патронташта пір дее ниме чох, хуруг полтыр. Данил андох хабын салған, наандырған:

— Мыны мин пароходта пір оолданъ тамғы сал чөрерге тіп тілеп алғам. — Анда ағаа тынъ даа хайынды айландырбааннар. Данил анын табырағынча систіп пирген, аны тілебізеріненъ. Аннанъ пасха чігленістіг дее ниме таппааннар.

Айбына сурағ иткен соонда, оларнынъ пастығы полған, чоон, хара кізі чахаан пирген:

— Пуларны мындар каратель отрядха ызарға кирек... Анда позытчанъ полза позыдарлар...

Түрче полғанда, азых тарантас ханъаға пора ат көлген, пір пүгүр апсаһ пістінъ хырибысха чит килген.

— Пу ўс кізіні штабха апар кил! — харлап тапсабыс-хан өон қізі. АナンЬ ол мылтыхтыр турған пора таар-лығ чиит оолзар айлан парып, сёлеен:

— Син конвой полып пулаарны ўдес пар кил...

Азых, түбүне чарды хазаан тарантас ханъаа, чолча хағдырап, ағас аразындар кір париган. Соданъ хузурухтыр, ах хамахтыр торығ атхა мүнген чиит оол мылтығын тәдір суғын салып, пістінъ сообысча чортырып одырған. Піс париган чолнынъ ікі хыринда тайға ағазы ули-циали тур парыбысхан. Ағас аразында учураан поскоти-нанынъ ізігіненъ сых парапыбыстанъ, сообыста килиген чиит оол пісті хыйғылап тохтадыбысхан. Сообыс хыл-чанънап көрібіссебіс, анынъ ады ізіктенъ сығарға хын-мин, чағдал ла киліп, аナンЬ кинетін пура тастабысча. Мин анда сағын салғам, ат ол ізік тұзында піреे ниме-денъ чочып хачан-да чалты полған полар тибес, ол тынъ чапсыстыр полған.

Чиит оол ээн-аастанып, сөгініп, тізін ызырын киліп, аднынъ пір полза, сағырсынына, пір полза, пазынз хамчынанъ саап турадыр. Андағ даа полза, пір дее ту-зазы чох полған. Тораады ізіксер чағдал киліп, аナンЬ ікі азахха турып өзіріп, пура тастапча.

Чиит оол, түзе сал киліп, аднынъ пазына хамчы-нанъ паза пір хати тартыбызып, аナンЬ чидініп сынап көрген. Че аны алнындар пір дее хаалаг пастырбин, чалтанып, тініненъ ол оолны хада сөзіріп, тәдір ойлапча. Аттынъ онъ харағы сіс парып, анынанъ частар ныма-лахтанып түсклем турған. АナンЬ чиит оол, позынъ тириң хамағынанъ ах пладычахнанъ чызыбызып, ям-щиккеке сёлеен:

— Қоölче ларып одырынъар... Мин пу хойлағаны

парып алыстыр килим. Ол, адына алтанып, айландыра тартарынанъ, аттынъ табаны тазыри ла халған.

Апсағас пора адын чөргізе, позазынанъ хамчылабызып, ананъ тітіренъ табыснанъ тапсабысхан:

— Прай даа аттарны ардатхлаң парирлар... Постарын іди хараж-хулахха тундур көрзе...— Ананъ апсаҳ пазох амыр одырыбысхан.

Петке маға кёйлче тапсабысхан:

— Тизерге кирек! — Ананъ ол Данилні хабырғазынанъ тартыбысхан, — тимнен.

Чолнынъ онъ сариндағы ағассар ойлас парирын, піс апсаҳха сөлеебіс:

— Мындар, чолнынъ сол хырина кире ойлазыбыстылар тіп солирзінъ, көр!..

Апсаҳ, позы ах-тиқ пол парып, пістінъ сообысча харажтарын сурландыра көріп, одыр халған.

Аннанъ пастада піс пазох тайға анъина, тағнынъ пүүрлеріне тойленіп, ойлас сыххабыстар. Амды піске чолнынъ сидігін дее, азахтынъ майылғанын даа сурарға манъ чох полған. Мынынъ алнында пістінъ хайдағ даа полза, ўзібістінъ дее мылтыхтарыбыс пар полған. Амды, тізенъ, пістінъ хызыл холдань пасха пір дее ни-мебіс чоғыл. Анда піске тынъ ачырғастығ полған. Чоох-тасчабыстар:

— Монар пағны позыбыс тілеп кіргебістер ... Че піс пағданъ пазох позыдыбыстар, мыннанъ мындар хайдағ полчанъ ии?..

Амды піс хараа даа, күнөрте дее пір тохтағ чох тайға аразын харыстырып ырап аларға харасчабыс. Сағынчабыс, пістінъ сообысча сүргүн полбин на полбас.

Ікінчі күнінде күнөрткі тусха чағдабысханда, тайғаны тобырып, пір ачыхха сых килгебіс. Аннанъ піс Хызылчарнынъ чалтырас турған тас тураларын көр салға-

быстар. Тайғанынъ тастында чарым пирстаңа, Хызыл-чарзартын улуғ чол парыбысхан чатхан. Ол өлчә пір ат көлген паза пірсін ханъа соона чидекті палғаан пір кізі иртіп париған. Ол кізее піс удур килебес тохтадып, аннанъ сурғабыс, Хызылчарда хайдағ хабар полчат-ханын. Аpsах, пазын чайхабызып, солидір:

— Кирек chioхтиры даа chioғыл... Карапельнай отрядтар ханнығ хылыстарын холданъ түзірбінчелер. Хайдар полза ирткен парғаннарны иртірбін, тудып түрмегерге тыхтапчалар. Хайзын өдірерін-өдірчелер. Сірерге андар парапа мин чоптебинчем... Түрмеденъ хия парғыспастар.

Амды Хызылчарға парапа сағынчаа даа чох полған.

Иирзер, пүрүнъкі полыбысханда, піс «Хара сүг» тіп тиремнее читкебіс. Тиремнее кірібізгерге тідінмин айбына чөрген соонда, тиремненінъ хырина чағын пір тура-цахха кіргебіс. Ибнінъ ээзі хара сағаллығ, чалбах чарыннығ, ортылап парған кізіденъ піс сах андох ямщик табар чир сурып паставысхабыс. Хайдар париғаныбысты паза тартхан ўчүн төлир паазын chioхтасхан соонда, ол аpsах пісті Ачинскка тартар полыбысхан.

Ананъ пір пар ат көлген, корабы чох, тимір ойыстығ ханъаға тört кізі одырып, хараа чёр сыйхабыстар. Тиремнеденъ сығып, ўс-тört пирста парапыбыстанъ, тигір нымзах пулутнанъ туу тартыл киліп, харасхы түзібіскең. Хара чирге тодырап киліп улуғ тамчыхтар-нанъ нанъмыр түсклеп паставысхан. Түрче поларынанъ нанъмыр тыытпинанъ тыыдыбызып, күгүрттіг чалын пасталыбысхан. Чалын чалбыраныбысса, прай ибіре хырибыстағы нимелер сах пула турған чіли көрін хал-чалар. Анда аттар сопылат парибинанъ тура түзібісчелер. Чалын чіт парза, харахты тулғи сыйбабысхан чіли, ай чап харасхы полыбысса, ананъ на чирні нінълендіре

күгүрт күзүреп халча, ананъ ол, улуғ тербен таргхан чи-ли, ырах чирде күзүри парыбысча. Наньмыр тыбынанъ тыыдып, париған сыйнанъ, сүүмек тобыра аарчы суу аххандагы чили, күүлөп ле турыбысхан. Аттарыбыс чолдағы сүглүр палғасты мылчыхтыра пасхлап пазынанъ париганнар.

Пістінъ, тізенъ, ол туста пір дее хуруг чир халбиныбысхан. Ніткебістенъ кире аххан сүг сыртыбысча тобін тұсче. Соохха тооп, халтыразып паставысхабыстар.

Пір поскотинанынъ ізігіне кірерге чағдап килгенде, алныбыста кізі табызы истілібіскен:

— Тохта!.. Кемзер мындағ?!

— Мин... «Хара сүғданъ» кізілер тартып парим, — нандырган пістінъ ямщигібіс.

— Хайдағ кізілер? — сурған хадағда турған кізі, мылтиинанъ затворын хығдырадыбызып.

— Піс тоғысчылар... Ачинскойға париғбыс, — піс Петкебіненъ пір табысха тапсабызып нандыргабыс.

Хайдағ паза даа ниме сурбин, пісті городсар иртірібіскен. Амды пістінъ он сағыс — города холға кірбін, піреे кізіде кіріп, хурудынып, паза тын хабынып алып, ананъ чири-суубыссар чөрібізерге.

Ачинскойға чағдап килгенібісте, городтағы чарытхылар анда-мynда, чылтыс чили сағылысхлап, көрінібіскеннер. Наньмыр ол туста сала сиргіннебіскен. Үр ни-местенъ пістінъ ханъаабыс городтынъ улицазынча хагдырап париган.

— Хайда тохтиргыстыар? — тіп ямщиктенъ сурғаныбыста, ол піске нандырган:

— Минінъ мында пір танызым пар, андар парып түзөрбістер... Ол хондырар праизыбысты даа.

Піс аннанъ тоғыр полбаабыс.

Іди париғаныбыста пір тас туранынъ хыринзартын пазох кізі тапсабысхан:

— Тохтанъяр!.. Пеер, чағын тартынъяр!..

Ямщик аттарын андар, тротуарға, чағын айландырыбысхан. Пістінъ ханъабыстынъ хырина пис пе, алты ба манъат чазағлығ кізілер пастырызып килгеннер. Оларнынъ пірсі пәзік сыйнығ, слепе кискен кізі, карманынанъ хайдағ-да чылтырах ниме сығарып алып, ананъ пістенъ пір дее ниме сурбін, тапсабысхан:

— Холынъяр өнім!

Піс позыбыстынъ тас палғалған осхас аар полғлап парған холларыбысты азырайтып өнім тутчабыстар. Оларнынъ пірсі карман фонарын чарыдыбызабас, пістінъ сымайларыбысхан анынъ чарығын ойлатхлап сыххан. Хайданъ париғаныбысты сурғаннарына, піс алындағы төлемірөк нандырығларны пиргебіс.

Оларнынъ аразында узун сағынъ, сағаллығ, пора слепе кискен абысты мин пүдізіненъ паза харнынанъ көре ле танып салғам. Ол чардыхтарына хайдағ-да онъарылызы чох choхтарны сыйырап сөлелгеп турған. Олар чазыттығ хадағчылар полғаны піске пілдістіг полыбысхан.

— Штабсар чөрінъяр! — тапсабысхан пәзік кізі.

Ямщиғібісті халғыс салып, пісті ўзөленъні ікі мылтыхтығ кізі тротуарча город арали сүр сыхханнар. Киптерібістінъ суу тамчылазып, позыбыс, аар артын-чаҳтар артынған кізілер чіли, иленънезіп, пірееде түүлген суға мачылада пазып, городты сунғада илееде киліп, пір улуғ турал читкебістер. Ол турал пісті пірсі алныбысча, пірсі сообысча чөріп, харасхы коридорға кир килгеннер. Анда кірерібістенъ, чарытхы тамылыбысхан, ананъ пір ізікті азып, андар киргеннер.

Стол кистінде, пір андағох чазағлығ кізі сарғалдым

сазын ікі чара таран салған хайдағ-да чаңын тудынып, хығырып одырған. Пісті көре ле, чаңыны сал салып, тур киліп, сурған:

— Хайдағ кізілердір пу?

— Пілбінчебіс, хайдағ даа кізілерін, господин полковник, — тіл алнына пастыр киліп пісті ағылған пір кізі холын пазынзар көдірібізіп, искірген:

— Сірерге ысханнар... Хайдар идерге чарадарзар, господин полковник? — сурған ол, пазын улам поїк көдіріп.

Полковник полчатхан кізінінъ ікі инънілерінде алтынның чолағастар чылтыразып, столнынъ кистіне пазох одыр салып, пісті пірерденъ хығырып алча.

Сурағлар төлемірдök чіли пасталча.

— Хайданъ парирзар, хайдар парапзар?

Стененінъ озариндағы кабинеттенъ пір чаачы киптіг кізі сых килген. Анынъ пора таарынынъ ікі инънінде чолағастар ідöк, сүф чіли сағылызып, көрінгеннер паза хылычынынъ пазындағы хола тимірі сапугынынъ эчегіндегі шпорына урунып хағдырап, пастыр сыххан. Ол пастабох минзер пастыр килебес минненъ сурған:

— Хайданъ полчазынъ?..

— Хаас тумынанъмын, — нандырғам.

Ананъ ол кізі турбинанъ ап-арығ хакас тіліненъ чоохтаныбысхан:

— Нoo аалданъ полчазынъ, нанчы? — тіпче.

Пастап мин чапсаанымнанъ, тапсирымны даа ундубызып, анынъзар анъдып турыбыстырыбын. Анынъ на соонанъ хабына тартып, нандырғам:

— Мин «Тустығ пүк», тіп аалданъмын, — сёледім.

— Пічікке кірчеенъ кем полча? — тидір.

Анчада миннінъ идім сырлаза түскен. Хайди полчанъ? Амды солепплейссем, пазым парған. Миннінъ хызыллар-

ра парыбысханымны кем испеді тирзінъ. Че андағ даз полза, миң тапсабин ўр турарға чарадынмин, сееребечік полабас, сөледім:

— Райков теен кізі полчам.

— Э-э, йа, йа... Иченемін... — Түрче тапсабин турған. Чүрек сабыла түсті. Сағынчам: «че, анымchoх, ах чарых».

— Райков тіп пічікке кірченъніг кізілер парын исченемін, — тапсабысхан ол пазох, позынынъ карманынанъ күмүс харачағас алыл, анианъ папирос алчадып. Ол туста стол кистіненъ полковник тапсабысхан:

— Қамераа танъдаға читіре апарып кир салынъар... Сурағ танъда түгеде иртірілер.

Ананъ пісті суғарып, олох туранынъ сиденінде пір тураа кир салғаннар. Ізік наағында мылтыхтығ кізі — хадағ турған. Анынъ хыринда нимеденъ-де позаан харачах турған. Пісті кирібізе ле, хадағдағы чабызах сыйннығ кізічек, ізігін істіненъ хаптырыбызып, позы ол харачах ўстүне одыр салған.

Стенедегі чарды ўстүндеге сүлейке лампа кой турған. Туранынъ істінде хайдар-да ачығ чыс чыстанча. Ол чыс чайғыда чызыпчатхан мал тарыбынынъ чызына сала той полған, анынъ асхылдымы аны сала пасха чыстандыр турған. Туранынъ істінде, полда, кізілер толдыра чатхлапчатханнар. Стене хыриңдағы чарды сіреелдерде ідőк кізі толдыра полглаан.

Туранынъ түбінзер пой салған комнатахтынъ ізігі көрін турған. Анынъ ізігінде замок көрін турған. Анынъ ізігінінъ озаринанъ кізі түрслет сыхча. Андада ізік наағында одырган кізі мыннанъ одырып хысхырыбысча:

— Ное нимее анда тызын табынминыбыстынъ, мал!..

— Тасхар сығар! — тіп анда хызылыстығ табыс истилчे.

Анда ла ўр айбынғанда, хадағчы тур киліп, ізік ўстүнде салбанъап турған пағны тартыбысхан. Түрче поларынань, кізі ізік тартханда, хадағчы хаптырыстағы азыбысхан. Тасхартын мылтых хыспыхтанып, пір хыдыр сырайлығ, ах пörіктіг кізі кіріп, ізіктің замогын азып, аннань пір ағбах сағтығ позік кізіні сығарыбысхан.

Ол сарығ узун таарны инчиңіне чабын салған, позы чут сырайлығ полған. Ах пörіктіг кізі замогын хатап пиктебізіп, узун кізіні тасхар апар киліп, пазох киріп пиктенібіскен. Аннань айлан киліп, хадағчының хырина пастыр киліп, папирозын сарып турып, choохтапча:

— Тіглерге киче чахсы тенъен осхас... Пүён сағади хыймыразып түрслескеннері өфыл...

— Пулары даа пу күннерде мындар көленглейлер... Түрслезер ниме халбас, хе-хе-хе, — хадағчы сегірте-сегірте хатхырғлачча.

Мин, аны истіп, чүреемнің турғанына сыдап полбин, тізімнің ығрасханын искірбеске, тізімненъ ниимні ызырып алғам. Че маға сыдап чадары тынъ сидік полған. Петкенің ідőк чүрөгіне сыданмин холлары тітіресчеткені іле пілдістіг полған.

Орты хараа иртібіскен тус полған, иеке, Петке, міні тартыбызып, хулаама сыйыридыр:

— Мин мыны өдіре сабызарға сағыныбыстым...

Мин, пазым көдіріп көрзем, харачах ўстүнде одырган хадағчы, мылтығын холына тоғыр сал салып, позы сабыхсып, пүгрел парған одырча.

Мин Петкее чўп пиргем:

— Ізес өфыл, оол... Чардығы хадар тур полза, атыр саларбыстар.

Анчада Петке солидір:

— Мин тасхар сыххан полып, сых парыбызим...

Аннань усхунмаза, син, Данилге сөлебізіп, сығарохсынъ...

Че хайди-піди усхунып нимә парза, мин тасхар ізік наағында сағып алып, сабызыарға тідінем...

Петке, өстенген полып, пір-ікі айланыбызып, мин-ненъ сурған:

— Көрді бе пістінъзер?

— Чох көрбеді.

— Че, андағда... Сизін көр... чүрексібин...

Петке, кёлчे турып, ізіксер пастыр сыххан. Мин, холым алтынанъ көріп, позым тимдőк чатхам. Ізікке, чидіп, хаптырғасты азыпчатханда, анзы суура чачырап, сала хоғдыри түскен. Петке холынанъ ахсын туу тудып турыбысхан. Че хадағчы пазын даа тибіретпеең. Түрче поларынанъ, Петке ізік озарина көленибіскең. Мин Данилнінъ хулағына, минінъ соом алдыра сығазынъ тіп, сыйырабызып, позым айбынминох пастыр сыххам. Азахтарымнынъ учунанъ пазып пастыр сығып, мин, позымнанъ хости чатхан пір кізінінъ чодазына пазып, сүрнүгіп, сала тістенекти түспин, түзеліп алғам. Ол кізі, ыырабызып, азагын чыыра тартыныбысхан. Аннанъ андар мин чөрізім айныдыбысхам. Түрче поларынанъ тасхар полғам.

Көрзем, Петке хурын системес полбаҳти тудып, тимнен салған тур. Мин, ізіктінъ паза пір хырина турып, холыма кірліс харбап алғам. Пір минута даа ирткелекте, Данил тынын хыза тудынып, сығыбох килген. Аным-choх, сосха сырай.

Түрче полғандох, піс городтынъ тастында париғабыстар.

ПАЗОХ ЧИРІ-СУУБЫСТАБЫС

Танъ іскертін, көгеріп, чарып пастабысхан. Чылтыстар тигіргепірсі пірсінінъ соонанъ пүлерізіп чіткелеп пастабысханнар. Кии ам даа сыхтығ паза сёрён полған. Піс

хайдағ-да оғас күргенніг паза оларны ибіре сорайысхан обалығ чазы істінде париғабыс.

Танъ арығли чарып, чазы ўстү ибіре көрініп паставысхан. Күн харагы сығар чирде тигірнінъ төзі пастанап улуф нимес тегілекти хызырып, аданъ ол хызыл тегілек азырланғлап, улам улуф полыбысхан. Түрче полғанда, күн харагы, хызыл көс чіли соғланминанъ көрініп сығабас, алтын өнъніг чарығын чазы чирнінъ ўстүне чайатастап паставысхан.

Піс ѡл полған, аар кип-азахтарыбысты артынып, уға тынъ майығыбысхабыс. Азахтарыбысты чадап ла алғлап хаалап париғабыстар. Піске ол чазыда пір позік, ўстүнде тиренъ оймахтығ күрген учурал парған. Піс, ол оймахтынъ істінеге кіріп, хурудынып паза ол күнөрткізін тынанып аларға чарадыныбысхабыстар.

Күн харагы иирге сабылыбысханда, піс усхун парып тынънанчатасыс, хайда-да ниме күзүрәзіп, паза кізі тағыстары истілген осхас. Мин пазымны хобайтып көрібісsem, піс чатхан күргенненъ пір пирстача полар, улуф чолча хара сүреліг обоз иртіп парир. Обознанъ хада андамында чалаңға кізілер көрініп парғлапчалар. Аны көр салабас, табырағынча оймахха кире наңдыра пöögібіс-кем. Петке көрерге хобанъназа, мин аны наңдыра тар-тып турадырын. Ол чоннынъ харагына піс прай іле көрінеге чатхан чіли пілдір турадырыбис.

Кöп, узаланъ чазығны күрген соонда, піс пір күн ха-раа Ағбан пилтіріне читкебістер.

Сырыпнанъ иткен сенектіг тұрақтахтынъ хыринзар кёйлче китең килемес, анынъ ізігінінъ алнында тынънанып турып, аданъ амыр полғанда, мин чистемнінъ ізігін тартхам. Ізік пиктегліг. Илееде полғанда, ибнінъ істінде кізі тапсанча:

— Қемдір?

— Мин... ПОС КІЗІ... — наңдырғам.

Хаптырғас хығдыры түскен. Харасхы турачахтынъ істіне кіре ле, изен пиріп, ізікtenъ ырабинох тұрыбысхам. Стол ўстүнде сүлейкезі чох лампаны тамызыбысханнар. Анда пичемнінъ омазын көре ле танып салғам. Чистем таныбин, аланъ ас парып, позы одыр салған. Олар ікізі дее минзер удаа-удаа көрчелер.

— Мині сірер таныбин турған осхассар... Мин Мугдабын,— тапсабысхам.

Пичем чочаандагы чіли пастап ікі холынанъ ікі наағын хабынып өстебіскең, ананъ ылғабыза ла мині ойлап киліп хұчаҳтап, кічіг олған чіли ылғап, тіллен сыххан:

— Оліп чадып халған теен چалғыс абаацаам тіріг чит килдінъ нооза пу чирге...

Минінъ чүреем пулғал сыххан чіли пілдірген ол тусста. Че харах қазы сығарданъ даа иртіп парған полған, мин позымны, түстегі ле чіли, пілін турадырыбын. Чистем маға тоғазабас, позынынъ сырдай ағарта тартып парып, тапсир сөс таппин, ибінінъ істінде аар-тәдір ойлағапча.

— Хайдар хабар пар пу чирде? — сурдым.

— Кирек сидік полча,— улуғ тыныбысхан чисте,— казактар отряды чөріп чонны хорылдырчалар... Амды син... Хайди поларбыс?.. Ікібісті дее чаап саларлар,— хорыхханаина анынъ табызы нымзах паза сала-сала тіреп арах истілген.

— Піс ўзөленъміс... Пір-ікі күн пісті хайди полза қазырып чаап, тут ибінъде, ананъ піс орын табарбыс,— сурынғам.

Ол хараағызын піс чей-сүғнанъ ізігленіп, чылығланып қарым табыснанъ choox-чаахнанъ иртіргебістер. Хорығыс-үрүгіс уйғаа ам даа пастырбинча. Танъари ла туста

піс чыллыг туралының істінде, ит чіли иріп, уйғаа пастырыбысхабыстар.

Иртепінде, күнörtкі ирткенде, Тустығ пүктенъ миңінъ пабам чиде салған. Ағаа минінъ килгенімні чистем хабарлабысхан полған.

Мин пабамнанъ тоғазып ирткенде, ол сірееге одырып позы мөкейіп одырған. Анынъ ікі харагынынъ частары пурун пастыра чылтыранъназып түскеннер. Аpsахтынъ істі пулғааны иртіп парғанда, ол хараҳтарын пöрииненъ чызыбызабас, сурған:

— Амды чи, Мұғда... хайди поларға сағынчазынъ?

— Паарға кирек, аалзар.. Мында айбынарға чарабас, — сёлеем.

Арғыстарымны Минсуға читіре чистем кимеліг сүфча апар салар полған. Олох ииргізін піс пабамнанъ Тустығ пүксер чёр сыххабыс. Нaa иткен, тиремъ кораптынъ істіне төзеен от аразында минінъ пазым на көрін парчададыр.

Пабам позынынъ чирінде ноо хабарлар полғанын, маға чол парирып, choхтап парчададыр.

— Сині, Мұғда, искеңіс Минсұғ хыринда ѡдір салғаннар тибес... Аннаңтар піс синінъ хырых күнінъні иртігребіс.

Маға тынъ күлкістіг пілдірген, че мин тынъ даа іле пілдіре күлерге қаратпаам.

— Маға сині килібісken тіп солеткенде, мин пір дее киртінмеебін... Іченъ уламох киртінминче, — сёлеен пабам.

Орай хабыстыра піс Тустығ пүкке читкебіс.

Ибде ічеме тоғазып иртіп, мин анынъ амал онъдайын онъарылбаам. Ол маға тоғазып иртіп, паза пір дее ниме қохтаспин, улуг ла оорласха түсче. Ол харааны хонып, мин чахсы узып полбаам. Минінъ хараҳтарым тынъ

кёйл, прай көзіглеп парғаннар. Олар узируга даа хынзам нуулбин сыстаслачалар. Истіпчесем, ічем ибдегілерге choохтапча:

— Пудурғы паланың сүнезі килібістір... Көрдек, ічесін-пабазын амырадарға көрініп чörче... Чир дее іди парған кізінің сүнезі іди чörченъ тіченънер. Аның хараҳтары даа нуулбаңанъ тіченънер...

Мин ічемнің андағ полбаан, нимеे киরтінчеен, харасхы сағызын чадап чörіп онъарылдырып алғам.

Мин сыйыра, кізі дее харағына көрінмеске харазып, ибденъ сыхпинчам. Че андағ даа полза, минің килгенимненъер хабар аал істіне тарап парған. Пістінъ ыспацахха ишчілер, иреннер удаа кіріп паставысханнар. Олар прайлары ғасын хончыхтар. Оларның даа аразында піре-пірее қоохтар истіл халча:

— Көрдек, кізі ханы көрген ўчүн, хараҳтары ханнығ полғлап парғаннар. Амды ол кізіні чүректіг тизінъ меze...

Аалда амды маға пик одырыбызарға чиксіністігөк полбысыхан. Мин Минсуғзар Петкенің чұртына пааррафа сағыныбысхам.

Ачых ханъаға қазанъ адыцах көліп алып, ічемненъ ікөленъ Ағбан паромынанъ кисчеткенде, паромнанъ кізі кизірченъ аспах мині танып салабас, сала хыныхсыбаан чили сурған:

— Син, большевик полчаанънанъ тохтабыстының маамды?

Позы, пістінъ хырибыста турғлапчатхан кізілерзер ибіре хылчанънабызып, күліне пирген.

— Хачанох тохтабаам ма за,—нандырғам, позымның күлкім килбезе дее, че истіп турған кізілернің сағызын піргер идерге қоохтаам. Сағынчам, «пу хаарған мині іле сығарар ўчүн, піди қоохтап тур полбазын» ти-

бес. Че харын даа ол позынынъ сағалынанъ тулғала
боскен ахсынанъ паза миндер өзүнде.

Иирзер піс, Минсуғнынъ улицаларын арали парып,
Петкенінъ чурғапчатхан туразына читкебіс. Алынанъ
ала таныс туранынъ ізин азып кір килзем, Петке ибде
чалаас азах төрдегі сірееде одыр. Анынъ көгілбей арах,
улуғ арах харахтары мині көрле, кіничек арах пола
пиріп, тегілек пүдістіг сырайынча хан ойлап, чылығ кү-
лінісненъ күліне түскен.

Ол хараағызын піс уйғу чадығ пілбин, ыраххыны
чағын идіп, чағынғыны ырах идіп иртіргебіс. Қооғыбыс-
тынъ көп сабазы позыбыстынъ мындан мындар чур-
тирыбыстанъяр полған.

Иртепінде ічемні тимиел сұлғап пиріп, чөргізібіс-
кем. Амды піс пір дее кізее көрінмин, туюх чирде ча-
дарға сағыныбысхабыс.

Хараа-күнөрте харасхы аńмарнынъ істінде чадары
ириңістіг дее, талыстығ даа полған. Он пизінчі күнінде
иирде піс аńмарыбыстанъ сығабас, кино көрерге паар-
ға қарадыбысхабыс.

Кино көзітченъ тураа кірерге чит парғаныбыста, піс-
ке кізілер учурағлаан.

— Изеннер, ооллар! — тіп пір ах киптіг, хылыс паза
наган суғынған кізі пастыр киліп, изен пирген. Ол піс-
ке алында таныс полчанъ, Пасколенко Виктор тіп оол
полған.

— Ибінъерге айлан килдінъер бе? — сурған ол.

— Айландыбыс, — арғыс онъдайынча нандырған
Петке.

— Чахсы, чахсы.. Амды сірер пірее тогысха кірерге
кирек нооза, — пістінъэр ол картузынынъ козыреті
алтынанъ көріп, сала-сала күліп өзүнде.

— Тоғынар орын полза, чахсы поларчых чізе... Тоғыс ла полары хайдачых, — сөлепчебіс.

— Мин сірерге орын таап пирем... Нимедір, пос оолларына полыспацаа, — ол сарсых азагынанъ чирні табырада хосхлап турып, пір хати тобін көрібізіп, ананъ пазох, — сірер ікөленъзер бе? — тіп сурған.

— Иа, ікөленъміс.

— Че, чарир... Иртен килерзер миндер, мин мына пу, № 34 турада тоғынчам. Сірернінъ адресінъер хайзыдыр? — сурған.

Анынъ чалахайланастығ суринн Петке прайзын нандыр пирген.

Паскаленко пістенъ паза даа ниме көп сурағлабаан, ол манъзырабызып, картузынынъ козырекиңиң тудыбызып, піспіненъ анымчохтаза ла, чолча пастыра халған.

Ол ииргізін піс көгліг иртіргебіс. Пағданъ позаан ат чіли, парча чирде чөріп, көксібісті чарыт чөргебіс. Пазағы күн иртібök, танъдағы хараа читкенök. Аньмар істі пазох ай-чап-харасхы, піс ікөленъ пазох андабыс.

Орты хараа тус иртібіскенде, пістінъ аньмарыбыстынъ ізігін кізі тартып тапсабысхан:

— Палацахтарым... Сығынъар... Сірерні апарарға ки-лібістілер...

Піс Петкенінъ ічезінінъ ылғаныстығ табызын сах андох танып салғабыс. Ізікті азарыбыстанъ, тасхартын аньмар істінзер от чарыбызып, ананъ ізікtenъ хости-хости пістінъзер мылтых ўттері оорайзып турғлабысханнар.

— Холынъар чөгар сұнып, сығынъар пеер! — тапсабысхан тасхартын.

Маймахтарыбысты хонъалтыхха кискенібістенъ, таарларыбысты чайбанчыхха кизіп, сығарыбыстанъ, төрт кізі мылтыхтығ пісті улицаца сүр сыхханнар.

Каратель отрядтынъ штабы турған тураа кір килгенібісте, пір улуг пуруннығ, чалбах сырайлығ, прайчылтырах мархалар хазанған кізі, ўстүндегі ирнінінъ сағыф сағалын, сыйбанып, піске удур пастыр килген.

— Пу Райковнанъ Соловьев па? — сурған.

— Иа, олар, господин офицер, тапсаан хайзы-да пістінъ кистібістенъ.

— Мылтыхтарынъар хайдадыр? — күрленібіскен піске.

— Мылтиибыс чох полған, — нандырғам.

— Мылтығы чох чааласхазар ба?.. Қемні чойланды-рарға сағын турзар, — уламох хатығ тапсағлап пастаан. Че амды прай піл салғанда, піс көнізіненъ солирге ча-ратхабыс.

— Піс мылтыхтарыбысты фронтада халғыс салға-быс, — сёлеен Петке.

— Чойланманъар, чыбысхазар!.. Таптырарбыс, — полны ығырос тимірліг сапогынанъ тарсылада типсебі-зіп, ананъ чардыхтарына ол сёлеен:

— Камеразар пуларны!

Үзінчі этажта 12 № камераа кір парзабыс, анынъ іс-тінде кізі чығырама. Чоннынъ аразынанъ таныс табыстар истилглеен, түрче полғанда, пос ооллары пісті ибіре тур-ғлабысханиар. Анда піс Серетининге, Багаевке, Босых-тар ікі харындаасха паза аннанъ даа пасха арғыстары-бысха тоғасхлап парғабыстар.

Анынъ аразында ізік тастында тимір замок хығдыры түзіп, ананъ тырсылап, пиктел парған.

Камеранынъ істінде үғаа даа тынъ хызылыстығ, аар чыс полған. Кізілернінъ тынызына прай кізілернінъ кё-генектері тирлеглеп, кірліг сырайлардань тир аххлап ту-радыр. Кізілернінъ хайзыларынынъ пастары чарых. Састары ханға чаба хатхлап парған, кёгенектері ханға

піделглеп парған. Оларны офицерлер сурғаң идіп сох-
хлаптырлар.

Анда ўс хараа хонғанда, пір күн 12 часта пісті нин-
че-де кізіні камераданъ сығарып, төбінгі этажта пір
комнатаа кирглеп парыбысханнар. Анда иркінні алта-
быза ла мин пол ўстүнде чаба хатхлап парған хан көр-
салғам. Ханға піделген полнынъ ўстүне хайзы чиріне,
ханы пілдірбезін тіп полар чізе, известка урғлап салтыр-
лар. Ол қабығдағы кізілерденъ сурға итченъ чир пол-
тыр. Анда хайди даа иткелпетселер, пір дее кізі көрбес,
пір дее кізі испес.

Ізіктінъ ікі хыринда мылтыхтың казактар хадағ по-
лып тур салғаннар. Пәзік офицер, пістінъ сообыстанъ кір-
киліп, пістінъ алныбысха сағара пастырыбызып, прай-
зыбысты изерістіре көрібізіп, тапсабысхан:

— Кемге тын аястың полза, ол кізі минінъ сурин-
ма сағамох нандырзын. Нандырарға хынмаан кізіні
хайдар идеңін піледірбіс...

Ол, миніненъ хости турған Соловьев оолны тозіненъ
хаап алып, позынынъ алнына ҹағын чөрерге тартып са-
лыбысхан. Аナンъ сол холынанъ тозіненъ тудыбызып, ті-
зін ызырынып киліп сурған:

— Мылтыхтарынъар хайда чығлап салғазар?! Пас-
тағчылары син полғазынъ ма?

Соловьев, анынъ харағына удурох көріп, нандырган:

— Сіреп пістенъ күннінъ хайдағ мылтых сурчазар?
Пістінъ мылтыхтарыбысты ал парғаннар хайза.

— Син тігдер-мындар толғанғлаба... Мылтииңъар
парын мин пілбинчем ме?.. Сөлебіс, табыснанъ тас-
хар.

Соловьев анынъ соонда паза пір дее ниме тапсаби-
ныбысхан. Офицер онъ холында хысха мылтииң тудын
турған полтыр, ол кинетін мылтых тозіненъ пазына са-

бысхан. Соловьев хыйын пол парирып түзел парған. Аның наағын пастыра ніскечек чолахталып хан сығыбысхан.

Миннен пірдеезі ниме суралахта даа, сол чыхчома ниме сыньялап халған. Пазым пір хырина сабыла түзіп, харахтарымнань от сағылған чіли, пол парған. Аннань чаҳсы онъярылғалағымдох, сырайыма хап орта пазох тенъен. Анань пазох. Полға түнъдерес түс парып, сырайыма сапог тенъеннен арачылап, сырайымны холлағымнань туу тудып чадыбысхам. Андағда даа ол мині сабар чирін алчастабин саапча.

Аның аразында истілчетсем, минің арғыстарымны пасха офицерлер киргелеп килебес ідőк соххлап чёрлер. Холым алтынань сала көрібісім. Оларның мылтық тёделері хағдыразып, мылтық шомполлары сығырызып тур. Кізілер хайзы пулуңтә кіріп, пастваңын қазырчалар, хайзылары минёк чіли полда чатхлапчалар, пастваңын тудынып. Пәзік офицер пірде пірсіне ойлап аар сапогының табанынань типсеглеп чёрче, позы хысхыр чёрче:

— Не скажешь!.. Не хочешь!.. Не сознаешься!

Пісті анда пір часча ба алай азыра ба тудып, соххлап ирткен соонда, сығарғлап иргі орныбысхам чапхлап салғаннар.

Аның соонда мині ўр ниместенъёк пір таныс орыс позына порукаа алып, харибдень сығарып алған. Миннен хада іди илееде кізі сыйхан. Че ол даа танызымда маға ўр чуртирга киліспеен. Піс, анынань чоптезіп, Щетинкин отрядына хозыларға чарадыбысхабыс. Аның отрядының Ермаков тиремнезер килгені истілген. Аның хабарын алып, кресеннер тиремнезиңенъ ағаа хозыларға парғлап сыйханнار. Ол киректі ахтар, казактар хабынабас, алында чігленістіг полған кізілерні пазох харибге чығлап паставысханнار. Аны

исте ле, піс табырағынча тимненіп, пір хараағызын чөбіліскебіс.

Ермаков тиремнен чит парирып, чаазыда, ағас төзінде тынанып одырчатхабыс; пістенъ ікі верстача, улуғ тракт чолча көп обоз субалысхан. Піс оларны таныбин, оймах чирге назына чадыбысхабыс. Іди чатчадабас, ол тайға осхас көп чонның алныңзар хызыл флагтар чалбырасханын көр салғабыс. «Че пү Шетинкиннің чоны килир нәзе», тіп қоохтастыбыс. Піс, орныбыстанъ турып, ол чонға удур килгебіс.

Піс қағдап париғанда, піске удур төрт чаланъ кізі үшүртіп читкеннер.

— Хайданъ париэрзар? — сурған хысахаҳ, сарығ тонығ, пәрігіне хызыл лента хазанған чиит оол.

Піс амды үігленістіг ниме қохта, ағаа көнізіненъ нандыргабыс:

— Піс партизан отрядына хозыларға килгебіс.

Олар пісті көп чонзар алдыра апар сыйханнар. Анда пістінъ алында таныс полған ооллар, таныс кресеннер, күлінізіп, тоғасхлап турғанда, піс брінгенібіске хайдағ даа сөстерні нандырарын пілбин турғабыс.

Түрче поларынанъох, піс мылтых паза хылыс суғынып, ол чонның аразында, тинъ ханатха чидінген чили бөрчіліг полып парғабыс.

Амды 1919 чыл париған. Пір күн иртен Думнай тіп тағнынъ алтында казактар дивизиязына урун парғабыс. Олар пістінъзер ухтар позытхлап сыйханнар... Че пістінъ отрядыбыс тынъ сизіне париған полған. Анда піске пәріністіг команда пиріл парапынанъ, отряд қаадағы онъдайнанъ тарабысхан. Хачан пістінъ ухтарыбыс тас тоңьдол полып қабызарынанъ, казактарның отрядында хорылыс пасталыбысхан. Үр атысхан соонда,

оларның чоны прай аар нимелерін тасти тизіп, онъар-
тискер чүгүр сыхханнар. Піске пазох наступление коман-
дазы пиrлген. Аида оларның көп чон хырылған,
паза обозта тартып чөрген нимелері дее тынъ көп чат
халған. Ол учурас казактарның көп чонынан түгенчі
хати хатығ тартысханыбыс полған.

Чоох соо

Мыннанъ андар, Райков арғыстынъ Щетинкин отря-
дында чөріп, ах казактарбынанъ хайди күрескенін па-
зарға маға киліспин парған. Курс тоозылғанда, Райков
арғыс Новосибирсктенъ Хакасиязар килібікен. Мин
ағаа паза тоғазып полбин чат халғам. Анианъ сығара
анынъ партизан отрядында полып, чаа тохтаанча чөріп.
ОНЬНААН-СЫНААН НИМЕЛЕРІ ПУ КНИГАА КІРБИН ХАЛҒАННАР.

В. КОБЯКОВ.

ОГЛАВЛЕНИЕ

	Стр.
1. ЧООХ АЛНЫ	5
2. СТИХТАР	
Ленинненъер	17
Комсомоллар-олганинар	18
Торка-чалғыс кем полған?	19
Пионерлер	20
Көк одычах	21
Хакас партизаннарның ыры	—
Чазыданыар ыр	22
Майнынъ пастагы күні	24
Хар пораан	—
Чайғызы читче	25
Камат ағаа	27
Тасхачах	29
Хұзычах	—
Айчыл Харол	30
Чінъис	31
Аттар чарызы	32
Байкал көл	34
Хысхы хараа	35
Часхыда	—
3. АЙДО (повесть)	
Чазыда	39
Наз орында	52
Айдо арачылагчы	59
Чинъис пайрамы	68

4. РАССКАЗТАР:

Мылтых табызы	75
Казан	80
Пасха кізі аньмары	87
Сүген	95

5. ПАРТИЗАН КҮННЕРІ (очерк)

Чыл чылның соонаңы	101
Хызыл гвардияның аразына	103
Пастагы чінтыс	105
Пайлар восстаниезі	110
Ким индіре	112
Пазох пароходха	118
Пазох чирі-суубыстыбыс	146

Василий Андреевич Кобяков

АЙДО

Повесть, рассказы, очерк.

Редактор Н. С. Кобежикова


Художественный редактор А. П. Масленников


Технический редактор А. А. Самрина


Корректор М. И. Табастаева

Подписано к печати 16 декабря 1959 г. Формат бумаги 70×108 $\frac{1}{2}$. Печатных л. 10
Заказ 2836. Уч.-изд. л. 6,00 АЧ00339 Тираж 1000 экз. Цена 3 руб. 65 коп.

Хакасская областная типография, г. Абакан, 1959 г.







1133-3 east 33rd st